


" رواية "



الحلقة الأولى

كنت فى زنانتى الإفرادية بسجن الاستئناف ألمح ظلال
المساجين تتوالى وتنصرف مسرعة وكأنما تنظر إلي شبح لا

يلقون إليه سلام أو كلام .. كنت ممتدداً بالزاوية أتفقد كم مر علي من ساعات العذاب حتي وصلت إلي سجن الإستئناف بداية من الإحتفالية الرسمية من مخبري السجن وأنا أستعطف قلوبهم صارخاً أنني ما زلت تحت التحقيق إلى أن تعاطف معى عقلى بتوقفه عن إدراك الواقع وبقي فى ذاكرتى بعض معالم من وجوه مخلوقات كوكب الإستئناف التى تتسم باللاشئ .. تذكرت اولى خطواتى عبر مدخل السجن مكبلاً بالكلابشات يشاركنى بها أحد المتهمين لم أنظر إلي وجهة أثناء تواجدها بعربة الترحيلات حيث كنت سارحاً أتذكر ما حدث بالأمس وكيف إنتهى بي المطاف إلي ما أنا عليه وعندها أفقت علي صوت خيرزان يشق الهواء من خلفي فيمزق خلايا حسيه لم يمسه الإرتطام بعد لكنها إستشعرت أنها قيد الإنتظار.. ترددت بين الهرولة إلي الداخل والإلتفات إلي الخلف ولم يطل ترددي حيث كان وقع الخيرزانه علي ظهري حاراً مؤلماً في تلك اللحظة تحديداً .. كان لابد أن ألتفت إلي الخلف ليس لأرى ما يحدث وإنما لأرى نوعية الثقل الذي يرتبط بيدي ويمنعني من الإبتعاد عن الخيرزان المتتالي من مخلوقات هذا الكوكب العجيب الذين لايتحدثون العربية بل يكادون لايتحدثون على الإطلاق .. كان مارأيته كافياً لإيضاح سبب شل قدرتي علي الحركة .. كان زميل الكلابشات مستلقي علي الأرض وبجواره بعض البطاطين في منتصف بركة من الماء لم أكن قد لاحظت وجودها عندما هرولت إلي الداخل وكانت كلتا يداي مشغولة أحدهما بها حقيبتي والاخرى بالكلابشات .. حاولت مساعدته علي النهوض فإنهالت علي أعداد لاحصر لها من الأحذية الملطخة بالطين وصراخ يشبه لغة كوكبنا - إمشي - قوم - كان هناك شيئاً مزيجاً من الضرب والخيرزان لم يمنح لساني فاصل كى يوضح لأحد أن الكلابشات مرتبطة بالشخص الساقط أرضاً ولكن أحد هذه المخلوقات كان أذكي قليلاً من زملاءه فلم يطل من جر كلانا في وضع الوقوف

حيث كان الأنسب له أن يكون الإنبطاح أيسر فى التزحلق علي المياه .. كنت واهماً بأنني أصرخ كي اوقف تلك المهزلة ولكن بالحقيقة لم يكن صوتى يغادر رئتاي إلى أن بزغ الأمل عندما رأيت من الوضع معكوساً شخصاً واقفاً مكتوف اليدين ورأسى بين قدميه كانت هيئته تشبه الآدميين إلي حد بعيد سمعته يهمهم تهمتهم إيه دول فأجاب أحد الكائنات الغريبة " دول بتوع أحداث الوزارة ياباشا " .. ثم أردف زي القائد شهاب بتاع الإنقلاب ياباشا صمت لساني وقد الصق بسقف حلقى عند سماعي مصطلح الإنقلاب وكأنما قد سمعت الحكم بالإعدام فاستجمعت قواي بكاملها قائلاً أنا طالب في كلية الهندسة ياباشا وما أعرفش حاجه عن القائد ده .. تنهد ذو القدمين متابعاً " طب قوم يا باشمهندس " هات لي كرسي ياغانم .. حاضر ياباشا .. يظهر الليلة هاتحلو ياغانم .. الكرسي يا باشا .. أيقنت في اللحظة الأخيرة بعدما هممت بالجلوس أن الكرسي لم يكن من أجلي .. جلس الباشا ذو القدمين قائلاً " فكوا لي الحيوان ده .. تمتت بداخلي بأنه يقصد الشخص الآخر المكبل بيدي ورفعت عيني مختلساً نظرة إلي وجه الباشا فوجدت إحدي عينيه تنظر إلي والآخرى تنظر إلي زميل الكلابشات تعجبت قليلاً من صفات كائنات هذا الكوكب فمثل هذا في كوكب الأرض يطلق عليه أحول العين لكن في سجن الإستئناف يبدو أنها تعد قدرات خاصة .. قولي بقي يا باشمهندس علاقتك إيه بالقائد شهاب بتاع الإنقلاب .. كان يشعل سيجارته وينظر إليها حينما حاورت نفسي ماذا لو عرض علي التدخين هل أجيب بأنني لأدخن أم علي أن أدخنها وإن كنت غير مدخن .. كنت قد غصت في حوارى الداخلي عندما صاح في وجهي " إيه مش عاوز تعترف " كان وجهه هذه المرة قريباً من وجهى ويقع عليه ضوء شديد من عامود إنارة يأتى من خلف ظهري فرأيت عينه اليسرى تقع علي كتفي الأيمن وعينيه اليمنى تنظر إلي الضوء مباشرة فظننت أنه

لايتحدث إليّ نهائياً فلم اجيبه بحرف فخبط يديه كفاً بكف
غاضباً وصاح " يا ناصر " فأجاب ناصر بشهامة مفتعلة .. باشا
.. خد الحيوان ده على "الززانة **27**"

الحلقة الثانية

كانت صفقة ناصر علي مؤخرة الرقبة كفيلة بفقدان الذاكرة
وكان آخر ما بلغ مسامعي حينها أحدهما يسأل " هو إسمه إيه
ياباشا " وأنا إيش عرفني هكذا أفادهم الباشا حتي كدت
أصدق أن هذا هو إسمي الجديد علي هذا الكوكب الغريب
فنطقت مذكراً نفسي بإسمي عادل الشريف ثم إنقطعت عني
مؤثرات الحياه إلي أن أفقت ملقي بززانة يتسلل الضوء بين
قضبانها وأمامي آية قرآنية ملصقة علي أحد الجدران الثلاثة
التي يغطيها طلاء الظلام وكانت الأصوات بالخارج تدل علي
وجود الآف من كائنات كوكب الإستئناف مما أشعرني
بالسعادة حقاً وجود هذا الحائل الحديدي بيني وبينهم ..
ترددت لحظات في إختبار قدرتي علي الحركة مع إستمرار
بعض الأشخاص ذوي الملابس الزرقاء في المرور والنظر إلي
من الخارج إلي أن توقف أحدهم عن السير ممسكاً بالقضبان
مرتكزاً علي إحدى قدميه والأخري يحيطها لفاف من الجبس ..
أخذت أبحث في مخيلتي عن بعض الكلمات التي يمكنني
إستخدامها للتفاهم .. وإنتهي بي المطاف إلي جملة " لو
سمحت " ظل الشخص واقفاً رأسه إلي أسفل وعينه إلي
اعلى ناظراً تجاهي وهو يجيب " عاوز حاجه يازميلي " نهضت
فرحاً وتوجهت إليه وتابعت " هما بيفتحوا الباب ده إمتي أقصد
من إمتي لإمتي " نظر إلي متعاطفاً وهو يمرج رأسه
ويضغط علي لسانه بكلمات تخرج بصعوبة فهمت بعضها
بمعنى النفي فتسائلت مرة اخرى فإقترب قائلاً معلش
يازميلي بقي ربنا يهون عليك إنت في " **27** " قاطعته بسرعة

"مش فاهم يعني إيه **27**" فأوضح لي قائلاً يعني دي ما بتفتحش .. ثم إسترسل تعرف إن القائد شهاب بتاع الانقلاب قعد في الزنزانة دي **3** شهور حته واحده لحد ما نقلوه سجن دمنهور وبعدين طره ربنا يفك سجنه كان راجل مجدع .. كنت أتمني أن يستمر في حديثه إلا أن نداء الطبيعه أجبرنى على مقاطعته مرة اخرى قائلاً "طيب بالنسبه للحمام" عندك يازميلي في الحوض ده أصل الزنانزين دي كانت معمولة للخليل بتوع البشوات بتوع زمان .. سألته متعجلاً "والميه" فأجاب جيت علي الجرح ياصاحبي طول الليل بأنادي علي الشاويش علشان أشرب بق ميه ومعانا واحد في الزنزانة تعبان وعنده السكر ولا في رحمة في قلوبهم "ياعم إحنا وقعنا" همهمت بسداجه أيوه مضبوط أنا وقعت إمبراح بالليل وجرجرونا أنا واللي فى الكلابشات معايا .. وتابعت هو إنت رجلك إتكسرت لما وقعت .. ظلت نظرتة حائرة حتى سألتنى "إنت تهمتك إيه ياأخو" ..قضبت حاجباي مستعجلاً مصطلح "أخو" فحاولت أن أعظم من شأنى بإخافته من منطوق التهمة فأجبت ناظراً إلي مركز عينيه إقتحام مبني وزارة الدفاع فتهلل وجهه مستبشراً " أكيد تعرف القائد شهاب بتاع الانقلاب " أردفت دون أن أنتظر الإجابة قائلاً ياعم والله العظيم ماأعرفه ولا عمري شفته ده أنا كنت في العزاء بتاع خالي وخرجت من الشادر أرد علي التليفون وإتمشيت لآخر الشارع والموبيل علي ودني سمعت صوت يقول هاتولي اللي بيصور بالموبيل ده حطوه في العربيه وهاتولي الموبيل لقيت ناس بتكتفني وبتضربنى ولا لحقت أقول كلمة واحدة وعلي فكرة أنا طالب في كلية هندسة وساكن في مصر الجديدة والعزاء كان في منطقة قريبة من الخليفة المأمون .. كان الأعرج يشعل سيجارة غير عابثاً بما أقول فتابعت إسمي عادل الشريف وإنت .. نفث دخان سيجارته قائلاً أخوك كريم من إمبابة .. كنت علي وشك أن أصطنع لغة ابن البلد واثنى عليه

بأجدع ناس إلا أن كريم تابع " بس أنا عايش مع واحد صاحبي نواحي القاهرة الجديدة كده علشان أكل العيش أصلنا بنثبت أى حد نازل من ميكروباص علي الطريق الدائري عند السلم بتاع الكوبري.. قاطعته كى لا يكمل ما لا أرغب فى سماعه وسألته عن سبب الإصابة في قدمه فتابع ما أنا جايلك في الكلام يازميلي بعد ما ثبتنا الميكروباص وأخذنا المحافظ والفلوس نطيت من فوق الكوبري نزلت إتدغدغت وزميلي إتقفش وأكلنا علة موت كان وجه كريم مرتفعاً وعندها لاحظت عدة قطوع في وجهه ورأسه فإلتفت إلي بإبتسامته وكأنه ينتظر تعليقاً فقلت طيب مش الأول تقدر إرتفاع الكوبري قبل ماتنط .. زادت إبتسامته قائلاً "كنت مبرشم بقي" فتشجعت قائلاً ومين اللي عورك كده .الناس بتوع الميكروباص ؟ رد متحسناً رأسه لا ده أنا فتسأللت وليه فإبتسم قائلاً "كنت مبرشم" تبسمت عندها وتشجعت أكثر لما صار بيني وبين كريم من لغة تفاهم وتصارح ومازحته قائلاً وياتري دلوقتي مبرشم برضه فتح كريم فمه ضاحكاً ومد يده مصافحاً متناسياً القضبان الحديدية التي تفصلنا وهو يقهقه قائلاً طب والله العظيم مبرشم دلوقتي شوف بقي مبرشم في سجن الإستئناف ..لاحظت كم الأسنان المفقودة من فم كريم فسألته سريعاً قائلاً وماذا حدث لأسنانك فقال بجديه "مش بقولك أكلنا علة موت ياجدع" لاحقته قبل أن يفيق من قهقهته "طيب وبتجيب البرشام منين فى السجن واية حكاية "الززانة **27**."

الحلقة الثالثة

كنت واضعاً يداي علي قلبي عندما أطلقت سؤالى لكن كريم أجاب دون تكلف ياعم المخبرين هنا بتدخل كل حاجه حشيش تلاقي برشام موبيلات فلوس اللي إنت عاوزه بس كله بحسابه

طبعاً علشان يدخلك **400** جنيه مثلاً يخبط منهم **100**
ويفضل وراك عشرين في خمسين لحد مايخلص اللي معاك
ويدخلك غيرهم بس بيني وبينك أحسن من الرفع والبلع
ويجي لك هو برضه يفتشك ويخليك ترجع اللي في بطنك من
فوق ومن تحت وبرضه يوصل للي هو عاوزه طب علي إيه
يا عم اللي تعرف ديته إقتله ولا إيه ؟
كنت سارحاً في مصطلح الرفع والبلع وأيهما يقصد به من
تحت ومن فوق حينما كان حتماً علي أن أجيب كريم بأن كلامه
صحيح فحاولت أن أدير الحوار لشئ مختلف فسألته طيب وإيه
حكاية القائد شهاب ده إنت تعرفه ؟ مصمص كريم شفتيه
وكأنما عاد إلي ذكريات الطفولة السعيدة قائلاً أعرفه إلا أعرفه
يا عم يا خبر الراجل ده والله أفضاله عليّ وعلي أهلي ولعلمك
مش أنا بس لا واللي يقولك غير كده يبقي لامؤاخذه قليل
الأصل مش حاقولك يا عم كان بيساعد أي حد وبس لا
الصراحه كان بتاع حق وكانت الرجاله تجيلوا مشرحين بعض
ومتخّصمين يخليهم سمنه على عسل ويرجعوا إخوان
وحبايب .. آه والمخبرين يا خبر كان يقدر مخبر ولا شاويش يمد
إيده علي مسجون قدامه طب عليا الطلاق كنا بنهددهم بيه
عارف بتاع المباحث اللي عامل فيها ده كان بيقعد معاه هنا
في الزنزانة اللي تشهد علينا دي .. توقف كريم فجأة كأنما
تذكر شيئاً فتلفت حوله ثم إقترب من القضبان قائلاً علي فكره
هو كان كاتب مذكراته وسايبها هنا فى الزنزانة قبل ما يترحل
كان قلبه حاسس رحلوه في نص الليل فجأة من غير ما يبلغوه
ومن غير ما حد فينا يعرف صحينا الصبح لقيناه مش هنا ..
قتلهم أربع كراتين سجائر وينقلونى الزنزانة هنا علشان
أدور علي المذكرات بتاعته مافيش فايدة توقف كريم متسائلاً
إنت قلتلي إسمك إيه تبسمت قائلاً عادل تابع إسمع يا عادل
دور في الزنزانة كويس ولما تلاقي الورق تديهولي علي طول
أنا حأعرف أخرجه بره السجن وأطبعه وأوزع علي البشر

علشان يعرفوا الحقيقة علي فكرة القائد شهاب ده يعرف بلاوي .. و أكيد مخبى المذكرات في مكان ما يخطرش علي بال حد - تعرف كان مجنن الطريقة دي - شايف الباب ده والمصحف كان بيخرج منه بالليل بعد ما يسلموا المفاتيح تحت .. ومرة كان في واحد هنا في زنزانه **34** الله يرحمه كان عيان قوي كان بيطلع له بالليل يدخله فيه وأكل ودواء وكُتب ياراجل ده كان .. قاطعت كريم متسائلاً طيب ماكنش بيخرج بره السجن خالص ليه لما هو بيعرف يخرج من الحديد .. بدا علي وجه كريم الغضب فأشاح بيده منصرفاً ياعم أنا بقولك إيه وإنت بتقول لى إيه بقولك الراجل بيخرج يعمل خير ويساعد الناس .. هو أنا بأقولك كان حاوى بيطلع من الحيطان .. ده كان بيحط جنبه جوه الفتحة بتاعة لسان الباب ده ولما يقفلوا يفضل اللسان قافل على الفاضى ولما يسلموا مفاتيح السجن كان بيفتح ويخرج .. إنت باين عليك حاتتعبنا ياعم .. بأقولك إيه .. مسي لي علي نفسك .. إنصرف كريم بعد أن طلب مني أن أمسي علي نفسي وكنت في طريقي لإلقاء نظره علي حوض الخيل الذي سيلعب دور الحمام في الزنزانه " **27** " فقلت بصوت مرتفع لنفسي أحلي مسا عليك يامعلم عادل .. كانت أصوات المساجين تبدو مألوفة علي أذني بعد حوار كريم العظيم فتابعته التقييم للزنزانه مرة اخري علي نغمات أصوات الأماسي بين الزنازين .. ياهاني ياعويس .. أيوه يا ياسين .. أحلي مسا عليك .. أحلي مسا يا سردينة مسي لي علي نفسك وعلي كل راجل جدع عندك .. كلهم بيمسوا عليك ياسردينة مسي لى على نفسك حته حته إلا حته .. قاطعت مسامعي متفقداً الحوض مرة أخري وعقلي يهمس متعجباً إذا كان القائد إتعمل معاه كده يبقى علي كده يبقى كويس لو سابوني أنام وانا واقف في حوض الخيل بتاع الزنزانه **27**

الحلقة الرابعة

كانت أقدم المارة تدق أمام الزنزانة وكنت قد قررت أن ألتزم الصمت طالما لم يلق أحدهم قولاً يستدعي مني إجابة إلي أن توقف شخص يرتدي بدله الحبس البيضاء مستدير الوجه خفيف الشارب متوسط القامة أمسك بالقضبان من الخارج وألقي السلام ولم ينتظر إجابته وإستطرد إنت إيه يا أخ إنس ولا جن وجيت إمتى ومين اللي دخلك هنا وتهمتك إيه من الآخر كده .. نهضت ناظراً إلى عينيه متحدياً بقولى " أنا شبح القائد شهاب بتاع الإنقلاب " ثم فى أقل من لحظة أسرع نحو القبضان حينما رأيتته يتلفت يمينا ويساراً من وقع كلماتي فلاحقته بقولى " إيه يا عم أنا بأهزر " .. نظر تجاهى مشمئزاً وأمال رقبته نحوى قليلاً رافعاً جانباً من شفتيه لأعلى وهو يخرج من أنفه مايشبه صوت فرخ سنفره خشابى تكحت لوحاً من الخشب الحبيبي ثم سألتنى بجديه " بتهزر " ..؟ كدت أن أخرج من صدرى فرخ السنفره المماثل رداً لإعتبارى لكني تراجعته حينما أردف هو "امال تعرف إسمه منين " حاولت تهدئة الأجواء قليلاً وأنا اجيبه "أعرفه من كتر ماسمعت إسمه هنا بيقولوا كان راجل مجدع " .. خفض رأسه قليلاً وهو يتابع طب إدعيلة بقي خلي الزنزانة قُله وخلاك قاعد في الروقان لاحشرات ولا روايح فتابعته مستكماً ولا نور ولا ميه فإستوقفني محتداً إيه ياعم سلامة الشوف .. تعالى هنا إطلع علي حرف الحوض ده ولف اللمبة اللي فوق دي حاتنور الدنيا كلها والحوض ده كله مليون أكياس ميه تكفيك شهر قابل للتجديد وعندك جرايد هنا تقعد تقرأ فيها سنه مع النفاذ ومسحوق غسيل في الركن هناك وأطباق بلاستيك وكبايات مالهاش سوابق وفي كل ركن قلم جاف واقف علي سيفه والورق عندك ورا الآيه القرانيه الملزوقه دي وحاتلاقي فوق جنب اللمبه أكياس قهوة وأقراص سبرتوا للتسخين وكيس سكر ومعالق بلاستيك وفوق الشباك ده فى مصليه وسبحه

وسجائر إيه بقى عاوز إيه ثاني .. زنزانه سبع نجوم بقولك
إدعيه ياجدع .. ظل يتابع بينما كنت أستكشف كل ما قال
وكانت عيناى ويديا فى سباق للوصول إلى كل ما يصف
والغريب أن كل ما ذكره لم يكن سهلاً فى الوصول إليه أيضا
بعد إضاءة الزنزانه فتمتتمت فى داخلي ده انسان "عجيب" ..
إستفتت علي صوت الشخص ذو الملابس البيضاء يحتد مرة
أخرى " بقولك إدعيه ياجدع" إستدرت قائلاً "ربنا يكرمه"
وإقتربت من الباب متمتماً " كده ميه ميه ولا فراخ الجمعية "
إرتسمت علي وجهه علامات الإشمئزاز وهو يتابع متسائلاً
بتعرف تقرأ وتكتب .. كدت أجيب بغرور ساخر بأني طالب فى
كلية الهندسة ولو هله ظننت أنه ربما لا يعرف القراءة والكتابة
وأنه يحتاج لمساعدتي فإكتفيت بالإجابة الأسهل " آه الحمد
لله " فتابع سريعاً .. إسمك ايه .. إسمي عادل عادل إيه
..عادل الشريف .. ياسلام ..؟ كانت نظرتة فاحصة لاحظت
بعدها أنه جاد لايسخر فراجعت أخر ما ذكرت فكان إسمي
"عادل الشريف" وصف للعدل والشرف فقلت مازحاً أيوه
صحيح حاجه كده عامله زي مخلص أمين
..حانشوف..حانشوف .. بتاعة عادل إمام .. رفع رأسه إلى أعلى
متمتماً بصوت عالي "كمان مش عارف محمد صبحي من
عادل إمام" ده إحنا باين علينا "وقعنا" .. جاريتة وأنا ألتقط
كيس من الماء بقولى مضبوط وقعنا إمبراح فعلاً وإحنا
داخلين من باب السجن .. كانت الدنيا ضلمه .. صاح بصوت
جهورى يكاد يسمع الكون " بس يا عم إنت أبوس إيدك حاتطير
لي الدماغ " .. تعالى قرب هنا .. قربنا .. هكذا قلت وأنا أقترت
.. قرب كمان إنت خايف كده ليه " يا عيني علي شبابك يامصر
" .. أدخلت وجهي بين القضبان قائلاً " كويس كده .. يارب
مصر تكون مبسوطه " .. إبتسم وجهة فأصبح مريحاً ولطيفاً
وأشار بأصابعه إلي الداخل قائلاً "الزنزانه دي كان قاعد فيها
القائد شهاب بتاع الانقلاب" و ... قاطعته مرغماً فلم تعد

أعصابي تتحمل كل هذا الضغط وكأني تم القبض علي لأواجه شبحاً يخرج كل دقيقة بصورة مختلفة فإستكملت عارف عارف .. كان هنا .. وكان بيطلع بالليل .. وكان كاتب مذكراته جوه في مكان سري .. وكان بيعدني من الحيطان .. في حاجه تانيه .. ؟ زالت الإبتسامة فجأة عن وجه تماماً وإستدار منصرفاً .. فى تلك اللحظة سبقنى فضولى للسؤال "إلا صحيح هو خد حكم إيه .. وإلا عدموه ولا إيه .. إرتد مسرعاً بكل الغضب مواجهاً لى فإبتعدت فى اللحظة المناسبة متفادياً تلك البصقة التي عبرت بين القضبان ثم إختفت لا أدري أين إستقرت على الجدار ثم إنصرف ذو اللون الأبيض مسرعاً دون أن يعتذر وأخذت أتفحص الزنزانة فوقعت عيناى على الآية القرآنية المرسومة بخط اليد "بسم الله الرحمن الرحيم إن تنصرو الله ينصركم ويثبت أقدامكم صدق الله العظيم "

إقتربت متحسناً بيدي لأستشعر ما يوجد خلفها فلم أشعر بوجود شيئاً فحاولت فك المادة اللاصقة .. وقع خطوات تقترب إستوقفنى فأدرت ظهري للباب مصطنعاً فرش البطانيه على الأرض .. كان صوتاً مختلفاً هذه المرة " شفت المجرم طلع مهرب فلوسه بالطيران والتانى بيغطى عليه وبعدين يخلع هو كمان ويسلم السلطة " لم أستطع أن أستدر إلا بعد أن أتم الجملة كاملة فلقد كانت تستحق الإنصات ثم إستدرت نحوه فأشار لى بيده متأسفاً متعذراً وأخذ يتهته بكلمات سريعة ..

أسف .. أصل .. كنت فاكر .. معلىش .. نظرت إليه متفحصاً متفادياً أن أكون مادة السخرية الوحيدة فى هذا السجن الذي يستخدم أساليب تعذيب مختلفة فقررت أن أبادر بالهجوم قائلاً "الكلام اللي إنت قلته ده خطير .. عندك دليل علي الكلام ده .. ؟ ظل صامتاً باهتاً إلى أن بالغت فى التقمص وسألته " إيه علاقتك بالقائد شهاب بتاع الانقلاب " ؟ فتهلل وجهه قائلاً "حبيبي" إنت تعرفه .. ؟ إقتربت مشيراً إليه بالإقتراب وقلت بصوت خافت هو باعتني علشان آخذ المذكرات بتاعته

وأخرجها وأطبعها وأنشرها علشان الناس تعرف الحقيقة ..
إقترب الشخص أكثر فأكثر وقال بصوت لا يكاد يسمع .. امال
ليه إمبراح قدام المباحث قلت إنك ماتعرفهوش ..؟ كان وقع
جملته علي أذني يشبه طبول الهنود الحمر عند إحاطتهم
بفريسه وجائني هاجس أن الحل الوحيد هو الإستعانة
بشخصية عبد الفتاح القصري..ومقولته الشهيرة .. "كتاكت .."
فى شبه حالة من الإغماء اللحظى أخذت أسترجع كل هذا
الكم من المصائب التى توالى على رأسى بسبب العزاء ..
فلعنت العزاء ولعنت خالي ولعنت الموبيل ولعنت عربية
الترحيلات ولعنت السجن ولعنت نفسى .. ولعنت "الزrzانة **27**

الحلقة الخامسة

كنت إستكمل لعناتى عندما إستكمل غرس سيفه فى عنقي
قائلاً ما فيش حد قالك إن لما محمد بك يكلمك تجاوب زى
الناس .. زاغت عيناى وبدأ لسانى فى القسم ..والله العظيم ..
فتابع " ما تخافش " شعرت بالدمع يتحسس قنواته إلي عيني
عندما ظهر على الجانب الأيسر بين القضبان ذلك الشخص ذو
الزى الأبيض وبالطبع توقعت أن يكون هو أيضاً فلان الفلانى
كما توقعت أن يكون ما حدث مسجل بالصوت والصورة ..
طال صمتى مستوقفاً الزمن حتى نطق لسانى "والله العظيم
ما أعرفه ولا عاوز أعرفه ده إيه اللي بيحصل ده .. قسماً بالله
مظلوم " ... كانت الإبتسامه علي وجهيهما باهته وكان صوتي
يجلجل فى الإستئناف بكامله فأرتدت إلينا أصوات من الخارج ..
وأنا والله مظلوم .. والله العظيم مظلوم .. ياربنا يابتاع الغلابة ..
الرحمه ياناس .. ولا إنتو خلاص من غير إحساس ..
إلتفت كل منهما حولهما ثم إنصرفا مسرعين وتسمرت قدمائى
بالباب وذهنى شارد غير قادر على إستيعاب ما يحدث وإذا
بشخصاً بالملابس الشرطية الرسمية مصوباً نظره تجاهي ..
كنت لا أشعر بوجودي وكانت قدمائى تنسحب إلي داخل

الزنزانة منتظراً أن أفيق من هذا الكابوس العجيب المتتالي بلا فواصل إعلانية ولم ألحظ أن عيناى لم تنتقل من النظر الي الشاويش حتى سمعت اذناى مالم أكن أرغب أن أسمعه .. "واقف كده ليه يا إبني فيه حاجه" فاشرت بإصبعي وهمست "لا شكراً" إنتبه الشاويش إلي عدم موضوعية كلمة شكراً مع إستفساره فتابع "تعالى هنا .. إنت واكل إيه " فإنتبهت إلي أنني لم أتناول الطعام منذ يوم أمس فقلت بشجاعة أنا ماكلتش حاجه من يومين فإبتسم قائلاً "إيه بطلت يعني" فتابعت هو أنا كنت لقيت حاجه وما أكلتش .. كنت أستدر عطف هذا الكائن الذي يبدو رحيماً فإستطرد إنت بتجيب من مين وأنا أجيبك فأجبت أنا جديد هنا وما أعرفش فإقترب أكثر هامساً طيب أجيب لك إيه ؟ رددت متعجلاً " أي حاجه كل اللي يجيبه ربنا كويس " فإبتسم الشاويش وقال يعني "تامول ماشي" .. إيه ده ؟.. يعني إيه تامول..؟ تحول مرة أخرى الوجه الباسم إلي حمرة غاضبة وإنصرف هاتفاً بصوت جهوري نام ياعم الله يهديك .. هذه المرة إستبقت خطواتي مقررأ الإختباء داخل الزنزانة متجنبأ الحديث مع هذه الكائنات نهائياً .. مساء الخير .. كان الصوت هادئاً رخيماً فأسرعت بالرد "مساء النور" ثم إستبقت الحوار مبادئاً "مين حضرتك" كان وجهه دسم اللحم والشحم ذو شارب خفيف .. أجابنى ببساطة "المقدم رفيق" .. كان لسانى يهمس بكلمات أكاد أخفيها عن نفسى " هو السجن ده مخصوص لبشوات البلد ولا إيه .. ؟ " و إلا جايبنهم يضربوا المتظاهرين هنا علي رواقه ؟

إبتسم الشخص اللطيف قائلاً "مقدم شرطة سابق" .. شجعني وجهه المبتسم فسألته من " الشرفاء " ؟ أقترب مستفسراً تقصد إيه ؟ تراجع متابعأ أقصد من المؤيدين للثورة يعني ؟ ضاقت عيناه متسائلاً السؤال المقرر علي السجن بكامله "إنت تعرف القائد شهاب بتاع الإنقلاب " هذه المرة لم أرد نفيأ ولا إيجابأ فقلت سمعت عنه هنا فإقترب متهللاً وغمز بإحدى

عيناه قائلاً " راجل " .. شكرته قائلاً " الله يخليك " فأقرب أكثر هامساً " مش عليك أقصد هوراجل له هدف له غاية له حلم عاوز يحققه " ثم إلتفت حوله وأضاف عنده أمل فى حياه حلوة للناس وبيحب كل الناس .. عاد بقدمه خطوة ثم إلتفت مرتين حوله ونظر إلي أعلي الدور الثالث وعاد ليستطرد خافضاً صوته أكثر .. بيعامل الناس علي إنهم بني آدميين .. ولما يضحك تحس الدنيا كلها بتضحك .. عارف إحنا بصراحه أي كلام .. بنخون بعض .. صدقني الراجل ده بيجبرك تخرج الإنسان الطيب اللي جواك .. ثم إلتفت جهة اليسار وأشار بأصابعه وإستطرد قائلاً عارف الزنزانة اللي فى الآخر دى ؟ فيها الجماعه بتوعنا بتوع ماسبيرو .. كان دايماً يروح يقعد معاهم أو ييجوا له ويتناقشوا في الأديان رغم إننا صعب نتكلم فى الدين مع حد بس هو له أسلوب كده يخليك ترتاح فى الكلام معاه .. إنت عارف إنه دفعه ابن خالي ؟ حاولت تبديل قدماي من الألم وأنا أقرب من القضبان مصطنعاً إهتمامى بما يقول وتساءلت " بجد والله " فأجاب .. صدقني .. سرحت بخيالى وأنا أسترجع إسمه " رفيق " و " صدقنى " فإنطلق لسانى قائلاً رغم أنى لم ألتقى بالقائد شهاب شخصياً ولا ادرك هل هو شخصية حقيقية أم هى من صنع الخيال إلا أننى أظن أن إنتشار إسمه بين الناس بسبب ضعف قدرتهم وليس نتيجة لقدراته .. فليس هناك من يستطيع أن يغير من سمات شخصية متوارثة أو طبيعة بشرية أو إعاقة خلقية ولا أعتقد أن هناك أحداً يستطيع أن يجعل الناس تغير من أنفسهم ولكن من المؤكد أنهم يرون أنفسهم فيه .. يرون فيه مايتمنون لأنفسهم ويسعدون بمن يشعرهم بنقائهم وأنهم يستحقون غد أفضل وهكذا يتعلقون به وبالأمل المتعلق به .. فى تلك اللحظات الفلسفية من جانبى كان المقدم رفيق يستكمل حديثه عن القائد شهاب بتاع الإنقلاب دون أن يستمع إلى حرفاً واحداً مما قلته أو ربما أنى لم أقل شيئاً إلا فى خاطرى لأننى

وجدته يتابع " ده سافرعشرين دولة " كنت علي وشك المقاطعه لأسترجع مالم أسمعته ولكنني ضقت ذرعاً بإهتمامى اللا إرادى فقررت أن أقاطعه وأطلب منه إستكمال حديثنا لاحقاً لأنني متعب وأحتاج إلي الراحة .. كنت أدفع نفسى للخروج بعيداً عن التأثير النفسى الذى يأخذنى إلي الرغبة فى المتابعة .. فوجدته يستكمل " وعمل مشاريع للشباب كثير وخصوصاً فى الصعيد " إستأذنته بالإشارة دون مقاطعة بأن أجلس علي حوض الخيل فإبتسم قائلاً تعرف كان مسمي الحوض ده إيه ؟ فأجبت بمنتهى الثقة "حوض الخيل" .. تعجب الرفيق رفيق فزينت كلماتى بإبتسامة وأضفت مازحاً "لاحظ إني قاعد في المضممار" فإبتسم إبتسامة هادئة قائلاً "طب وأنا بأحكيلك ليه ما إنت عندك مذكراته .. سألت مصطنعاً الدهشة .. هنا ؟ .. أيوه .. ظهرت عليه حيوية غريبة وكأنه سيعبر بين القضبان وأشار بأصابعه "هنا" شايف الآيه دي .. "فيها" .. قلت " دورت وراها مافيش حاجة .. فتعجب قائلاً " دورت ؟ ليه ؟كنت بتدور علي إيه ؟ " توجست القلق مرة اخري قبل الإجابة ولكنني قررت المواجهة وأكملت قائلاً واحد جالي هنا وقال لي علي الورق اللي ورا الآيه .. قاطعني متسائلاً "جمال المحامي" ؟ .. كنت قد بدأت أشعر بالنعاس وأجبت " ما أعرفش إسمه إيه" وهممت بالإستئذان وإذا به يستأذن فحمدت الله وإستدرت متوجهاً للنوم ولكن اذني كانت تستعيد صدي إستئذانه بقوله "أستاذك دقيقة واحده ؟ " لم تطل الدقيقة وفوجئت بالثلاثى يقتربون من الزنزانة .. كان الغضب مازال واضحاً علي وجه محمد بك الذى تجنبت النظر إلى عينيه وتابعت الذى إقترب منهم من القضبان هامساً لي أنا جمال المحامي ومعلش مشيت لأن الشاويش كان بيمر فى الطرقة .. ثم أردف جمال المحامى " إمسك " ثم أخرج من جيبه نظاره مطوية ودفعتها من أسفل الباب فأخذتها وفتحتها ثم وضعتها علي عيني فلم أري شيئاً وسمعت صوت أحدهم

ينصحنى بالتوجه إلى الآيه فإقتربت منها غير مصدقاً عيناى ..
وجدت الآيه القرآنية مكتوبه بالكلمات فى محتواها وكان
التظليل والتحديد هو كتابة مصغرة تضيق وتتسع فى شكل
فقرات تمثل فى مجملها حروف الآيه ذاتها وبدأت عيناى تقرأ
بعض كلماتها وصوتى يُسمع الثلاثى المنصتون أمام "الززنة
"27"

الحلقة السادسة

كانت عيناى تجريان بين ما كُتب داخل الحرف الأول فى الآيه
القرآنية بحثاً عن بداية وعندما إنطلق لسانى بأولى الكلمات
كان صوت "جمال" هو الأعلى والأقوى قائلاً "وطى صوتك"
فتابعت بصوت منخفض " فى العاشرة من صباح **26** مايو "
صاح جمال مرة اخرى " بأقولك وطي صوتك ياجدع إنت بدل
ماتودينا فى داهية " رفعت عيناى ناظراً إليه بإنفعال موضحاً
له أن صوتى لا يكاد يُسمع ثم عدت مرة اخرى أبحث عن
السطر ذاته بين فقرات كثيرة فلم أصل إليه وتوقفت عيناى
على سطر غيره فقرأت كانت أصابعى تعمل بسرعة البرق
علي صفحتى فى الفيس بوك وفى منتهى السرعة نشرت أنه
تم القبض عليّ القائد شهاب .. صاح جمال مره اخرى قلت
وطي صوتك الله يخرب بيتك .. شعرت بالغضب وإمتلكنى
الفضول أن أنفرد بنفسى وتلك اللوحة العجيبة فأشرت لهم
بالإنصراف وكان عصا القيادة قد إنتقلت إلي يداى .. فأنصرفوا
.. شبكت قدماى مقرفصاً وغرزت عيناى بين السطور وصرت
أشعر بشيء يسرى فى دمي يتجسدني وكأننى غصت فى
عالم الأساطير عبر آلة الزمن وتهيأت لفك طلاسم اللوحة
وأحضرت القلم والأوراق وبدأت أعيد كتابة محتوياتها فى
وريقات .. ربما أجد صاحبها فأعيدها إليه أو أنشرها فى إحدى
دور النشر فأصير كاتباً مشهوراً ثم أخذت أحصى حروف الآيه

بدون البسمة والتصديق فوجدتها ثلاثون حرفاً فنهضت منتشياً قائلاً تاهت ولقيناها ياسلام لو تبقى مسلسل من مسلسلات رمضان أو أنشرها حلقات على الفيس بوك كل يوم حلقة فربما يدق الحظ بابى ويكتشفها أى دور نشر فتصبح ذات يوماً رواية أو فيلماً .. أو .. ربما يتم ضبطتى متلبساً بها فيقطعوا رقبتى .. توجست الخيفة فيما قد أتعرض إليه جراء ما أنا مقبل عليه وإرتعدت أناملى وأنا أفرغ محتويات حرف الألف الذى هو الحرف الأول من حروف الآيه " إن تنصروا الله ينصركم ويثبت أقدامكم" لذا قررت أن أذيل القصة بإقرار إبراء ذمه من كل ما تحويه اللوحة و واننى مجرد راوى للقصة و لا أعرف عن صاحب اللوحة إلا ما ذكر فيها وأننى براء من كل أحداثها وشخصياتها وكل ما يترتب على نقل ما بها أو نشرها من عواقب .. وأننى حين أشرع فى كتابتها للنشر أتنازل عن الحق الأدبى والمادى فى حال نجاحها والعهد لىست على الراوى وهذا إقرار منى بذلك - القاهرة - سجن الإستئناف -

"الزنانة 27"

الحلقة السابعة

كنت متوقفاً فى زاوية زنزانتى عندما بدأت أكتب ماقرأته بين سطور اللوحة السرية المعلقة بالزنزانة **27** والتي كانت تصف مشهداً دقيقاً لعملية القبض على القائد شهاب ولولا أننى لا أعرف صوته لأقسمت أننى كنت أقرأها وكأنما أسمعها بصوته يقول .. كعادة اليوم بينما كنت متوجهاً إلى مكتبى فى العاشرة من صباح **26** مايو **2011** تلقيت مكالمة هاتفية من صديق اللجان الشعبية "راضى" يسألني عن مكاني فأخبرته أنني فى طريقى إلى المكتب فأقترح على أن أترك سيارتى ليقلني فى طريقة بسيارته لتتحدث خلال الطريق عن بعض الأشياء وما أن وافقت حتى كان "راضى" أمامى فى أقل من

دقائق معدودة ثم إنطلق إلي الطريق فأخبرته أنني لست في عجله من أمرى ويمكن أن نناقش الأمر الذي يريدني فيه فهز رأسه أن لاضرورة لذلك ريثما نصل إلي المكتب .. إهتز هاتفى فى جيبى وكان المتصل "سليمان" من مكتبى ويلقى إليّ بالإستفسار عن مكاني الآن فأخبرته أنني في الطريق فقال أنه يوجد ضيوف بانتظاري بالمكتب فسألته عن أسمائهم فقال أنه لايعلم ولكن الملفت أن أحدهما سأل عنى بالإسم كاملاً وبالرتبة أيضاً ..تنبهت أنها زيارة رسمية جداً وبدا علي "راضى" بعض التوتر أثناء القيادة وبوصولنا إلي المكتب وجدت في الإستقبال شخصان لم أرهما سابقاً فقابلتهما بحفاوة وطلبت منهما التفضل إلي المكتب لتناول القهوة ووجلوسنا جميعاً لمحت "راضى" يجلس بعيداً ويتصفح جريدة قديمة كانت ملقاة علي المنضدة ويحاول تجنب التعارف والحديث طلبت لنفسي فنجان القهوة الصباحي وللضيوف ماطلبوه من مشروب الشاي وبدأ مشوار لم ينته حتي كتابتي له الآن بعد ثلاثة أشهر كاملة .. ثم تبادلنا عبارات الترحاب للمرة الثالثة .. أهلاً و سهلاً .. أهلاً بحضرتك ..هكذا باسماء رد التحية الشخص الأصغر عمراً فسألته هل تعارفنا سابقاً .. قال لا والله لكن أنا أعرف حضرتك كويس وقال موجهاً قوله إلي زميله إيه يا عم هو الحكاية صوت بس لكن ماتعرفوش بعض .. نقلت بصرى إلي الشخص الآخر الذي بدا متديناً هادئاً تبسم بدوره قائلاً لقد تحدثنا تليفونياً من قبل عندما كنت تساعد أحد المقاولين بسيناء كي يستخرج تصريح عبور للنفق خاص بلودر أو شئ من هذا القبيل .. لقد كان يذكرني من باب الحرج كي أصل من تلقاء نفسي ليس إلي إسمه وإنما إلي جهة عمله فقلت منتبهاً يا أهلاً بالرجاله .. بدأ زميله يهندم من ملابسه فإلتفت إليه وأنا أتابع وقع كلماتي علي وجهه "وإنت أكيد سواق اللودر بتاع التصريح" فأشار بأصابعه مصطنعاً إبتسامة باهته "لا" وإنتقل بعينه تجاه "راضى" الذى إبتسم مسقطاً

الجريدة عن وجهه فقلت على فكرة الاستاذ "راضى" أحد أبطال اللجان الشعبية أثناء الثورة .. فأوماً برأسه قائلاً .. أهلاً وسهلاً .. تشرفنا .. فأردفت وما يبطقش "البشوات" ولا "شغل البشوات" .. فتح "راضى" فمه وعيناه قائلاً .. الله .. الله .. له كده ياباشا .. فابتسمت وأدرت كرسي المكتب تجاه جهاز الكمبيوتر وقلت معذراً " بعد إذنكم ثواني علي ماتت تعرفوا علي بعض " .. كانت أصابعي تعمل بسرعة البرق تكتب علي صفحة الفيس بوك أنه تم القبض على القائد شهاب اليوم .. ثم أغلقت الصفحة متوجهاً إليهم قائلاً "خير يابكوات" فبادر الذي يتوسم في نفسه القدرة علي الكذب قائلاً كنا في مأمورية في هذه الأنحاء فتعطلت سيارتنا وقلنا أنه بوجود مكتبك قريباً فإن بإمكانك متفضلاً أن تقلنا بسيارتك إلي مكتبنا فقلت مختبراً قدرته علي الإستمرار فى الكذب طيب إيه رأيك إن فى المكالمة بتاعة اللودر ماقلتش مكتبي فين .. فأجاب اللي يسأل مايتوهش يافندم .. فتابعت وأين تعطلت السيارة كي ارسل إليها لإصلاحها .. فلاحقني .. لا .. لا داع لذلك .. كنت علي وشك أن أستمر فى مداعبته وأنا أتناول القهوة وأنظر إليه من أسفل إلي أعلي فما لا يعلمه أنني أمقت الكذب والكاذبين .. قاطع زميله الحوار وبدا أنه ينتوي أن يستكمل الكذب بكذب آخر فأدرت جسدي تجاه جهاز الكمبيوتر مرة اخري لأتأكد من بدء التعليقات علي ماتم نشره وبالفعل وجدت تفاعل على المنشور فأغلقت الجهاز وإستدرت مرة اخري إلي الضيوف فوجدتهم قد توصلوا إلي مادفعتهم إليه أنه لا بد من المواجهة ولا فائدة من الحيلة فقال الصغير الكاذب ها حضرتك هاتوصلنا ولا إيه .. فقلت طبعاً ولكن عذرا لأنني لم أصطحب سيارتي اليوم ولكن الاستاذ "راضى" متفضلاً سيقوم نيابة عني بتوصيلكم فإلتفت "راضى" تجاهي وكأنه يخلصهم من تلك الورطة فأسرع بالتصرف موجهاً مفتاح سيارته سريعاً بإتجاهي قائلاً "السيارة تحت أمرك" فقلت

"واحد يا استاذ راضى أنا وإنت واحد" فقاطع أحدهما مش معقول يافندم لازم تيجي تشرب معنا القهوة فإستمريت في المداعبة قائلاً أكيد قريب أعدى عليكم أشرب القهوة معاكم ثم تابعت .. إتفضلوا فتسمرت قدم الكاذب الصغير وكأنه علي وشك أن يبكي قائلاً يافندم أرجوك تعالي وصلنا مع الاستاذ "راضى" وإرجع معاه تاني فأرهقته مرة اخري بقولى "كده مش حا يكون فيه وقت للقهوة" .. نظر إلي زميله وكأنه يتوسل إليه أن يتصرف .. ظل الباب مغلقاً ونحن جميعاً وقوف إلي تلك اللحظة حتي فتحه "عمار" بقوة متعجباً من سبب وقوفنا جميعاً هكذا فدارت ذاكرتي سريعاً فيما لو شعر "عمار" بما يضمرة الرجلان لى من شر ومن توقع حدوث مواجهه أو تطاول منه عليهما دفعنى إلى إنهاء الموقف بيدي لا بيد "عمار" فأشرت لهما بإستباقى إلى السيارة بينما كنت اتمتم فى صدرى بسم الله الرحمن الرحيم " إن تنصروا الله ينصركم ويثبت أقدامكم " صدق الله العظيم

الحلقة الثامنة

كنت أسترجع الحوار الذى لم يذكر فيه بأن الضيوف ينتميان إلى جهة بعينها بينما نزل "راضى" مسرعاً وأدار محرك سيارته وإنتظر حتى إستقر الجميع داخلها ثم أخذ يقود دون أن يسأل سؤالاً واحداً إلى أن توقف بالسيارة أمام بوابة مكتبهم فنظرت إليه قائلاً الله ينور عليك يا (يهودا) فتبسم وكأنه لايفهم قائلاً "إيه أدخل والباب مقفول يعني" ؟ قلت ومين قالك تيجى على هنا تحديداً ثم البلد فيها أكثر من جهة .. عرفت مينين إن ده مكتبهم ؟ أجاب "راضى" ببرود شديد " ياباشا طالما سيبتونى من غير توجيه فى الطريق يبقى أكيد أنا مشيت صح " .. توقف الحديث عند فتح البوابة ودخلت السيارة إلي حيث لن أستقلها مرة اخرى .. بدا النشاط المرتبط بتواجد الشخص بمكانه وشعوره بالسلطه والقوة يظهر على وجه

الكاذب الصغير حينما قال " إتفضل يافندم .. إتفضل فوق " ..
كنت أسرع الصعود علي الدرجات إلى أن فتح أحد المكاتب
وأشار لنا بكف يده كما خدم القصور لنجلس فى الإنتظار ثم
أغلق الباب خلفه .. جلست وأشعلت سيجارة وجلس "راضى"
بالكرسي المجاور ونظر إلي قائلاً يمكن موضوع "فواز" والفتنه
الطائفية اللي كنت بتحلقها فنظرت إليه بطرف عيني قائلاً
يعني مش جايين نشرب القهوة فقال "الصراحه كده مش
شكلها قهوة خالص" فابتسمت قائلاً في جميع الأحوال إنت
حاتخرج من هنا وأتمنى إنك تكمل جميلك و ترجع المكتب
عندنا تبلغهم إنهم قبضوا علىّ .. كانت يدا "راضى" تعبت
بعلبة سجائر مور أخضر موضوعه علي المنضدة المجاورة
عندما فتح الباب مرة اخري بصوت إتفضل يا شهاب بك
فنظرت إلي "راضى" مودعاً و متعجباً مما يفعله الإنسان وراء
هذا الجسد المخلوق من الصلصال الطيني المعتم وكيف
يواجه نفسه بأفعال عندما يضع جانبه يوماً فيقوم أمام
الرحمن فى يوم الحساب .. كنت أسترجع بذاكرتي مايعلمه
"راضى" من خلال تساؤلاته فى الفترة السابقة عندما كانت
قدماي تصعدان مرة أخرى لدور أعلي ولكنهما لم تجريا علي
الدرجات هذه المرة ولم ينتبه الكاذب الصغير لذلك فلقد كان
تركيزه الكامل علي ماستراه عيناه من إعجاب حينما يدخل
على قائده ومعه القائد شهاب.. كان قائده يجلس علي كرسي
المكتب ويجلس أمامه بأحد مقاعد الضيافة شخصاً آخر بديناً
ثقيلاً بدا متوتراً ..أخذت عيناه تتفحص كل شىء وكأنما يجري
تقديراً دقيقاً للخطر ... جلست .. فبادر أحدهما أستاذك
الموبيل فابتسمت قائلاً الرقم ولا الجهاز نفسه .. فأجاب
الإثنين فنظرت إلي الشخص الآخر قائلاً "خير هو في إيه"
فرفع ورقة باهته لاتساوي الحبر الذي كتبت به قائلاً في أمر
بالقبض عليك ويمكنك أن تختار بين الذهاب مكبلاً بالحديد
معصوب العينين أم بهدوء تستقل السيارة ذهاباً إلي التحقيق

بالقاهرة دون مقاومة .. بإمكان أي شخصاً عاقلاً الإختيار.. هكذا أحبته حينما دخل شخص آخر يبدو علي وجهه ثقل الرحلة التي سيقطعها إلي القاهرة ذهاباً وإياباً ولكنه أظهر إستعدادة قائلاً "جاهز يافندم" .. فوقفت دون إنتظار وتحركت فسابت خطواتي نزولاً خطوات الشاب الذي إنتوي عدم الكلام طوال الرحلة فأردت أن أختبر نيه العنف لديه .. فتوقفت بمحازاة الدور الثاني كي يمر أمامي فوجدت يده تستعرض ظهري وكأنما يدفعني إلي الأسفل فنظرت إلي عينيه الزرعية اللون قائلاً كان معي الاستاذ "راضى" فأجاب "رؤح" ثم أضاف لو سمحت "الموبيل" ناولته الجهاز وأنا أضغط بأحد أصابعي على زر الإغلاق ويدي الاخرى تتلمس هاتفى البديل بجيبي والذي وضعته مسبقاً على وضع العمل الصامت .. هاهي السيارة .. يالها من رحله شاقة كنت قد استرحت من تلك الأنواع من السيارات بعد خروجى إلى التقاعد منذ عامين فأنا موقن بأنها ستقطع المسافة بسرعه السلحفاة وتشبعنى بجميع أنواع الغازات المسيله للدموع وتعزف فى اذنى مقطوعات الإزعاج وتمنح جسدى جرعات العلاج الطبيعى الإجبارية بالمطبات أو بدون .. هاهي المصيبة الأكبر بالمقعد الخلفي حيث سأجلس فى نصف مقعد فقط نظراً لوجود جثة عملاقة تجلس بالنصف الآخر تتقمص شخصية مخبر أصلع الرأس جاحظ العينين نزل بنشاط من السيارة كي يثبت لقائده أنه لا يزال حياً يرزق وجاهز للقيام بالمأمورية بل ويتفهم مهامه تماماً حينما أقدم على تفتيشي ليتأكد أنني لا أحمل سلاحاً ثم أشار لي بالدخول للجلوس بالجانب الأيسر خلف مقعد السائق مما ذكرني بأن هناك سائق أيضاً سيشاركنا رحلة العذاب ومن مقعدى الخلفى بدا علي مؤخرة رقبة السائق أنه قد تم إستدعاءه بينما كان فى صالون حلاقة الشعر فزاد فضولي لرؤية وجهه في المرآة فوجدته كما توقعت محتتفاً حاجباه وكأنه يعلم مقدار مقتى للرجال الذين

يستعدون شعر الوجه .. بدأت الرحلة وظللت طوالها أتابع إهتزاز الهاتف البديل بجيبى ومرات عديدة أخذت أتحمس بأصابعي تقديرياً بحثاً عن موضع زر الإجابة فأضغطه ثم أبدأ فى الحديث متعمداً عسى أن ينقل الحوار إلى المتصل بعض المعلومات عن مكانى وأستمر فى الحديث رغم أن الشخص الذى يجلس بجوار السائق قد قرر مسبقاً أن لايتحاور معي لأي سبب من الأسباب وكان زميل المقعد المجاور لى لا يساعدي فى مجارة الحديث أيضاً حيث إستلقي نائماً مما دفعنى إلى أن أفرض حديثي على السائق عند كل ضغطة علي زر الإجابة فى المحمول مرة أخرى قائلاً الطريق طويل جداً وقطعاً السجائر سوف تنفذ قبل الوصول وطبعاً مافيش وقوف لشراء سجائر لأنك معاك واحد تحت التحفظ وأستمر فى محاولات الحديث إلي أن يهتز الهاتف مرة أخرى فأعيد الكرة مرة أخرى قائلاً لكن ليه مافيش مسمى للتهمة وكان مقبوض عليّ لأسباب سرية ؟ كان عقلي يخيل إلى من يكون المتصل الذي يطيل فى الإستماع أحياناً بمقدار الفاصل الزمني بين الإهتزازات أو أنه قد يكون فى كل مرة شخصاً مختلفاً كان فضولي يكاد يدفعني إلي النظر إلى المحمول للتأكد ولكنني لم أرد أن اجازف بأن يستيقظ القليل الذي بجواري ظناً منه أنني أحمل سلاحاً لم يجده أثناء التفتيش أو أن يلتفت فيكتشف أنني أملك هاتف آخر لم يعثروا عليه .. كدنا أن نصل إلى وجهتنا ورغم شرود ذهني بمراجعة كل شىء يمكن أن يؤخذ ضدى من تعاملات وأشخاص أفقت فى إحدى مناطق القاهرة الراقية عندما ألقى السائق علبة عصير فارغة من النافذة إلي الشارع فوجهت إليه العتاب متسائلاً "تفتكر مين اللي حايثيل العلبة اللي رميتها دي" فإلتفت السائق وكأنه لا يصدق أن المقبوض عليه يشغل فكره بنظافة الشارع فأجاب دون إستئذان من قائده قائلاً "ماهو الشارع مليون زباله ماجتش علي العلبة دي" فتابعت قائلاً ما هو لما الشارع يكون

مليان زباله معني كده إن مافيش حد بيشيل الزباله منه يبقي مانرميش فيه ونزوده .. تعجبت من عدم تدخل قائده فى الحديث فإذا بي أشدد بلهجتى قائلاً "أتمنى إنك لم تقصد الناس بجملة "الشارع مليون زباله " .. فإلتفت قائده قائلاً " لايافندم طبعاً مايقصدش كده .. إعتذر يا بني خلىنا ننهي المأمورية دي ونخلص " إعتذر السائق قائلاً " إحنا آسفين ياشارع" .. ثم تابع قائده قائلاً "تفتكر يافندم لو كنت غميت عينيك طول الطريق كان ممكن تعرف أن السواق رمى علبه العصير في الشارع ؟ رددت قائلاً " حينها كنت سأظل واثقاً أن كل شخص يرى خطأ لن يتركه دون أن يصححه وكنت سأظل أظن أن هناك ضميراً يجلس بجوار السائق .. فقاطع الحوار وهو يعتدل فى جلسته ويتنفس الصعداء قائلاً " أخيراً وصلنا "

الحلقة التاسعة

كانت آخر كلماتى التى دونتها نقلاً عن اللوحة وأنا منهمكاً فى زنزانتي هى أخيراً وصلنا .. ولكنها لم تكن آخر ما قرأته فلقد سابقت عيناى الأحداث بلهفة فقرأت بلهفة بعضاً من ما كتب داخل الحرف الثالث فى اللوحة لأعرف ماذا حدث بعد الوصول إلى مقر التحقيق ولكن وقع أقدام كثيف أخذ يرج سجن الإستئناف وكأن هناك هجوم تتارى .. أعداد غفيرة من المجندين يحملون الأسلحة لمحت أحدهم ينظر إلى فإنكمشت فى ركن الزنزانة أدعو الله بكلمات لا أذكر منها الآن شيئاً .. مر الوقت طويلاً ثقيلاً فقررت أن أصطنع بعض الجراءة وتقدمت إلى القضبان الحديدية فرأيت مايقرب من خمسون سجيناً يجلسون خارج عنبر الحبس والمجندون يقفون حولهم للحراسة .. صور لى خيالى الساذج أن هناك هجوماً يأتى من خارج أسوار السجن وأن الجنود يستخدمون نوافذ الزنازين لمواجهة للشارع لتأمين الأسوار.. تسارعت الخطى صعوداً

وهبوطاً ومر وقتاً طويلاً لم يطلق فيها الجانبين طلقة واحدة فتصورت أن الهجوم المنتظر لم يحدث بعد .. إنتهت زقزقة الطيور المتسرب صوتها من نافذة الزنزانة معلناً الثامنة صباحاً عندها مر من أمامى مجند فى زيه الأسود يبدو فلاحاً بسيطاً فإنطلق صوتى فجأة " هو فى إيه " نظر إلى براءة وهو يقول "تفتيش المصلحة" عندك ورق أبيض ؟ فأجبت متردداً " لا طبعاً .. ولا ورقه .. ؟ إنصرف الجندى وتنفست الصعداء وأخذت الملم كل الأوراق البيضاء والزرقاء التى دونتها وألثفت حولى باحثاً عن موضع لا تصل إليه عين ولا يد .. كانت نفسى تحدثنى بأننى قد تورطت فى ما ليس لى قدرة عليه وبدأت أتخيل وصول التفتيش إلى زنزانتى وهم يذيقوننى مالذ وطاب من صنوف العذاب .. كانت الأوراق فى يدي تزيد عن حجم الرزمة أو هكذا تخيلتها نتيجة خوفى وظلت عيني تنظر إلى اللوحة التى أخرجتهم من خلفها وكأنها لن تحتمل إحتوائهم مرة اخرى فلقد كانت مصفوفة بطريقة تحتاج إلى وقت لإعادتها إلى ماكانت عليه .. حتى وإن مزقتها فأين أخفيها ؟ كانت الأصوات تتزايد وتعلو وتقترب فأقتربت خافياً الأوراق فى ملابسى خلف ظهري وممسكاً بالقضبان كيفما تصور الأفلام سجيناً ينتظر الحكم ويداخلى رغبة ملحقة فى الصراخ والبكاء أوقف كلاهما عن الخروج مرور أحد الباشاوات فى زيه الكامل أمام الزنزانة وإلتصقت عيناى على وجهه دون رغبة منى فكانت سبباً فى توقفه موجهاً سؤاله " إنت إيه " ؟ لم أطل فى البحث عن إجابة تناسب السؤال وأجبت سريعاً جداً " مسجون " .. فكان هو الآخر سريعاً فى سؤاله التالى " لا ياراجل "؟ تنبهت فصحت قولى " أقصد مسجون ظلم ياباشا والله " .. إستدار الباشا مخاطباً جنوده .. "إفتح لى هنا يابنى " فجأة سرت الفرحة بوجدانى وتراقصت عيناى وصاح لسانى " ياما إنت كريم يارب " .. الحمدلله .. ربنا يخليك ياباشا .. إنت حضرتك ربنا بعثك ليا من السما .. نظر الباشا فى عيني نظرة

عميقة وهو يفتح الزنزانة قائلاً "إنت عبيط يابنى" ؟ فى غمرة
سعادتى بالحرية إندفعت قائلاً " لا والله ياباشا بس كنت
شاكك إن يكون فى حد لسه كويس زى حضرتك كده وبينصر
المظلوم .. والله ما عملت حاجه أصلاً ده أنا كنت باتكلم فى
الموبيل " .. قاطعنى الباشا وهو يجذبنى بيده اليسرى من
خلف رقبتى رافعاً صوته فى اذنى قائلاً " وكمان عندك موبيل "
طب إطلع لى بره كده .. إستوقفتُ الباشا بإستدارتى موضحاً
له أن لى حقيبة بالداخل سأدخل لأخذها قبل أن أغادر السجن
.. إنفعل الباشا مخاطباً جنوده " خذوا الحيوان ده بره " .. كانت
الجنود أسرع من الأمر نفسه قبل أن يكتمل .. كان سلوكهم
أعنف من إحساس الحرية الذى كان يسرى فى دمي .. منهم
من كان يصدم ساقى بحذاءه ومنهم من يطوى ذراعى خلف
ظهرى بينما تسابق عدداً من المخبرين إلى الزنزانة متلاطمين
مع جسدى فغصت فى دوامة من تضارب الفهم أفقت منها
على يداى مقيدتان أعلى رأسى وموثوقة فى عامود كبير
بظهرى ونيران الألم تحرق أكتافى ويتسلل لهيبها إلى لسانى
فيرتجف بصوت أنين لا يخفى عن السامعين .. كالدهرام مر
الوقت أكابد تحمل الألم حتى خرج الباشا من الزنزانة موجهماً
سؤالاً مباشراً إلى عيناى "فين الموبيل يا حيوان إنت ؟ تزامن
السؤال مع صفة كالجبل سقطت على وجهى فصارت
الوجوه فى عيناى أكبر حجماً وأصوات تأتى من كل مكان
حولى وداخلى والصفعات تتوالى .. شعرت حينها أن وجهى
قد تمدد إلى أن بلغ صدرى ولم تكن رقبتى تفعل شيئاً ينم
عن وجودها .. "ما فيش حاجة ياباشا" كانت هذه الجملة سبباً
فى إنقطاع الصفعات .. لكنها تحولت إلى لكلمات .. "الموبيل
فين " .. إنت مش قلت كنت بتتكلم فى الموبيل ؟ تعلقت
بحنجرتى كلمة واحدة أردت أن أصفه بها تعبيراً عن قدراتى
العقلية المتدنية لكن الكلمة أبت أن تغادر حنجرتى كما أبت
أن يرسمها سن قلمى وأنا أكتب الآن .. رفع الباشا بعض

الأوراق أمام عيني متسائلاً .. ورق إيه ده .. وإيه الجهات اللي
إنت كاتبها دي .. " إنت جاسوس ياله " ؟ تعاضم السؤال فى
اذنى وأصاب لسانى شلل تام ثم نظر إلى الآلات البشرية
قائلاً الزنزانة دي مش تتفتش .. هاتوا لى الجدران على الأرض
دوروا فى كل شبر فى "الزنزانة **27**"

الحلقة العاشرة

كنت مازلت مقيداً بالقائم الحديدى وذهنى منبطح أرضاً
يسترجع مرات ومرات كونى مجرد عابر سبيل تورط فى
مشكلات متتالية نتيجة مصادفتى لكلمات كتبت بيد شخصاً
لا أعرفه فنالنى كل هذه القسوة فما بال صاحب القصة الذى
سطرها داخل آية قرآنيه كل ما فعلته هو إعادة نسخها كتابة ..
حين تذكرتها رفعت عيني متلصصاً كى أرى ما حدث لها وكنت
متمنياً أن لا تكون قد طالتها أيديهم .. فوجدت نصفها معلق
بيد أحدهم يكاد يلقي به على الأرض ويقدم على نزع ماتبقى
منها .. نازعت روى قائلاً حرام عليكم دى قرآن .. مال الباشا
نحوى برأسه واضعاً يداه بجيبه قائلاً " فى دى معاك حق " ثم
تابع موجهماً حديثه إلى أحد الآلات البشرية المدمرة " يا أخى
ده كلام ربنا .. إحرقها بقى علشان حرام " .. لا.. صرخت بآخر
ماتبقى فى روى من قوة وتابعت سيبها حأبقى ألصقها ..
فعاد الباشا مرة اخرى يسألنى " وشايل اللصق فىن " ؟ وكان
ما قاله كأنه شفرة يحرك بها آلات الدمار فعادت الأقدام
تمارس رياضتها على جسدى بينما عقلى يخيرنى بين الموت
أو الإغماء ويبدو أننى تخيرت الأخير .. أفقت على زجاجة
خضراء تملأ عيناى وفوهتها محشورة فى فمى تصب مشروب
غريب الطعم يشق جوفى وخلفها رأيت وجه مسئول المباحث
ذو القدمين صاحب العينان المتخاصمتان هادىء الوجه
مبتسماً يقرأ ماكتبته من القصة ثم رفع رأسه إلى قائلاً
"ماقلتش ليه من الأول إنك تعرف القائد شهاب بتاع الانقلاب

.. كدت أسبه بعيناي .. عندها سمعت صوت ينطق " حمار " نقول إيه بقى فى حظنا الإسود .. وقعنا فى إيد واحد حمار .. كانت هى نفس الكلمة التى دارت فى رأسى فبحثت عن مصدر الصوت فوجدته "جمال" المحامى وتعجبت من جرأته فى سب الباشا بهذا اللفظ .. وتعجبت أكثر من عدم إستياء الباشا بل أضاف "حمار برأس عجل " على رأى القائد شهاب .. ثم تصافحت كفوفهما وعلت الضحكات وهما ينظران تجاهى .. إستجمعت بعضاً من قوتى قائلاً "أنا زعلان منك يا جمال إنك ما حذرتنيش إن الورق الأبيض ممنوع ثم إلتفت مواجهاً للباشا قائلاً كمان حضرتك ما قلتش إن الورق ممنوع وبالحظ عرفت لما المجند سألنى عندك ورق فى الزنزانة علشان فى تفتيش من المصلحة .. إستوقفت كلماتى ضحكاتهما وبرز من خلفهم رجل أصلع الرأس يبدو فى زى السجن كهيئة رجال الأعمال واضعاً يده خلف ظهره تقدم بضع خطوات تجاهى ثم توقف أمامى متسائلاً "إنت خريج هندسة إنت ؟ فصحت "طالب ..لسه طالب" فتابع قائلاً "طالب إيه وزفت إيه" ؟ ورق ؟ ورق أبيض يبقى ممنوع يا راجل ؟ صحت بقوة "المشكلة مش فى الورق .. المشكلة فى اللى مكتوب فى الورق " فتهلل وجهه مقترباً ومتسائلاً "أيوه إيه بقى اللى كان مكتوب فى الورق ؟ فأجبت بشجاعة "ماهو الورق فى إيدك .. قاطعنى بهدوء شديد قائلاً "لا مش ده أنا عاوز اللى كان فى الآيه ..قبل ماتتحرق .. تحركت عينى بسرعة البرق بحثاً عن اللوحة فوجدت بقايا رماد أسود كئيب بين قدمى جمال الذى توجه بكلماته نحوى " يابنى فكرى بك ده حبيبنا وما تقلقش وقول كل اللى تعرفه عن القائد شهاب .. كل اللى قريرته فى اللوحة .. عاوز ورق نجيب لك .. وإنت تركز وتكتب كل كلمة قريرتها .. قاطعته قائلاً "قريرت اللوحة كلها" .. لكن كنت بأنقل بالنص .. مش حايئف أكتب بالطريقة القصصية .. إنفعل فكرى بك وهو يمد يديه تجاه وجهى برزمة من الأوراق البيضاء مغلفه موجزاً

كلماته " إنت حاتعمل لنا فيها أنيس منصور ..؟ إكتب زى ماتكتب .. والإسبوع اللى جاى تترحل على سجن دمنهور تقابل القائد شهاب هناك وتكمل القصة " ..شعرت من كلمات فكرى بك كأن بينه وبينى ثأر بايت فحاولت ملاطفته قائلاً "طيب روّق يا باشا ..حاضر .. طالما تحت حمايتك خلاص أكتبها " .. أضاف فكرى بك "قدامك إسبوع" .. مش كفاية يا باشا ده الكلام كتير جداً .. هكذا خرجت كلماتى إلى فكرى بك الذى بدوره قاطعنى بعصبية "لا ياسيدى ولا كتير ولا حاجة ..إنت اللى بتغرز فى التفاصيل بدون داع" ..ثم أضاف " تفرق إيه مع الشعب إذا كانت عينى واحدة بتبص على عامود النور والثانيه على كتفك ..الشعب ماله ومال عينى أصلاً ؟ بقى اللى زيي كده إسمه "أخوّل" فى كوكب الأرض مش كده ؟ كانت الضحكات المكبوتة خلف ظهره تدل على أن الجميع يضحكون إلا هو وبالطبع أنا أيضاً فحاولت أن أجبر خاطره قائلاً وأنا أنظر إلى عينيه "يعنى حضرتك تقصد أختصر فى التفاصيل الدقيقة .. فأجاب "أيوة ياسيدى ..إختصر .. إكتب عن عين واحدة اللى تلاقيها باصه عليك " ..لم أتمالك نفسى عندما سمعت مقاله وأنا أنظر إلى عينيه وإرتسمت على وجهى بسمة وقحة تمادت فى الظهور إلى أن صارت ضحكة مسموعة صاحبها دمع بعيناي والكلمات ثائرة بداخلى مندفعة إلى فمى فقلت " ماهو ياباشا ولا واحدة فيهم بتبقى باصه عليا " إنفجرت ضاحكاً وتعالّت ضحكات الجميع بما فى ذلك فكرى بك نفسه إلى أن تماسك قائلاً " عارف لو جبت سيره عينى أو الكلام اللى حصل ده ؟ .. بأقولك تانى .. إنت تكتب اللى قرينه وبس من غير ماتحط التاتش بتاعك .. إنت راوى وبس ..إنت مش موجود .. شبح .. تكتب كل اللى قرينه على اللوحة اللى كانت فى "الزنازة

الحلقة الحادية عشر

كانت رأسى تشير لفكرى بك بالموافقة على كتابة القصة وقليل من الإبتسام يتوشح وجهى وما أن أتم فكرى بك تعليماته حتى بادرت بالسؤال " حضرتك عاوزنى أكتب القصة ليه .. هو حضرتك تعرف القائد شهاب ؟ " إنفجرت الضحكات من حولى وإعتدل فكرى بك ليجاورنى متربعاً ويديه أمام ساقيه قائلاً " شكلك نويت تبدأ بيا " .. طيب أحكيلك بس بشرط تسيبك من عينى ورجلى وتركز فى المضمون .. مش بتلاقى فى الروايات كده حوار بين اتنين ؟ ممكن تكتب بنفس الطريقة .. فكرى ونقطتين فوق بعض .. عادل ونقطتين فوق بعض .. وتكتب ده قال إيه وده قال إيه ؟ من غير لا عيون ولا يحزنون ؟ نظرت إلى فكرى بك وأنا أعتدل فى جلستى متقمصاً شخصيته قائلاً " ياباشا كل أديب و له أسلوبه و دور الكاتب هو توصيل القارىء لتخيل الموقف ومعايشته فى المكان والزمان وإن إستطاع أن يجعل القارىء يشتم الرائحة ليتعايش مع الأحداث لفعل .. قاطعنى فكرى بك قائلاً " ياسيدى إكتب زى ما تكتب إنت شايف القصة رايحة تأخذ جائزة البوكر " ؟ بدأت أستعد للرد حين تابع فكرى بك قائلاً " ماكنتش أعرفه " ثم تابع .. كانت دخلته السجن غريبه .. كنت فى تفتيش فى الحوش .. لمحت وجه غريب داخل من البوابة وبيسأل عن المسئول إتحركت وقابلته قدم نفسه بإسم "هانى" كان شكله وسيم جداً شعر أصفر وعين ملونه "أشرت بإصبعى مقاطعاً .. شفت بقى مين اللى بيحب سيرة العيون " تبسم فكرى بك ثم إستكمل بجدية قائلاً .. فتح لى خطاب القرار فقرأت " محاولة تغيير النظام " وبحثت فى جيبى عن قلمى لإمضاء إقرار الإستلام لكنه إستوقفنى قائلاً " لازم نقعد علشان أفهمك شوية حاجات عنه " فأشرت إلى المكتب ورمقت عيناه تتابع ما يحدث للمساجين فى حفل الإستقبال

دون أن يصدر تعليقاَ ويبدو أن ما يحدث لم يكن غريب عليه ..
كان يسير كالجليد حاداً شديد اللهجة عندما سألته عن ما يود
من مشروب و دفعنى للدخول فى صلب الموضوع مباشرة
فتسائلت " إيه حكاية الرجل ده " فأجاب كل إللى أقدر أقوله
إن فى تعليمات من أعلى مستوى بخصوص التعامل معه
وتحذيرات من مناقشة أو الحديث معه .. بمعنى أدق حظر
إدارة حوار معه نهائياً لا مع إدارة السجن ولا المساجين "
الخلاصة ممنوع الحوار معه نهائياً .. إستوقفت كلماته بقولى
" طيب كان فضل عندكم أضمن " فتابع " كان عندنا فى زنازة
إنفرادية مظلمة مائة يوم ومع ذلك نجح فى مصادقة الحرس
والخدمات وتسبب فى نقل عدد كبير مننا إلى الصعيد بسبب
تسرب معلومات خطيرة إلى مواقع التواصل بالأسماء وتسرب
معلومات عن قيام سيارة خاصة بنا بالذهاب والعودة مرتين
يوميّاً لتوصيل وجبة للكلبه ورقم السيارة وعنوان الفيلا وطبعاً
كان من الصعب تخيل كيفية حصوله على المعلومات
وتسريبها وهو فى حبس إنفرادى ومراقب ليل نهار إلا من
خلال الحراس علشان كده صدرت أوامر بنقله إلى سجن
الإستئناف وبعيداً عن أى سجون بها تجمعات نظامية
وبالمناسبة فكرتنى إنه حالياً فى السيارة مع ثلاثة من رجالتى
وأتمنى ألحق قبل ما يقوم بتجنيدهم ويدخلوا التنظيم ..
وقعت كلمة "التنظيم" على قلبى وكأنتى لم أعمل بالمباحث
لمدة ست سنوات بالسجون فشعرت بقلق شديد فسألته "هو
إنت إتكلمت معاه " فأجاب " لا طبعاً .. ما عنديش إستعداد
أفقد وظيفتى " ثم إنتفض بنية الإنصراف وتوقف عن الكلام
قليلاً ثم تابع "ياريت توقف المهزلة اللى بتحصل بره دى وهو
داخل مش عاوزين مشاكل وتسريبات وحقوق إنسان " غادر
هانى ودار عقلى عندما وقعت عينى على المساجين تحت
أيدى المخبرين وهو على وشك الدخول وكنت أنتظر دخوله
مقيد باليدين والقدمين وتكميم الفم وأسرعت بإصدار أمر

بوقف الضرب فتزامن ذلك مع لحظة دخوله فانتقلت كل الأعين إلى البوابة بحثاً عن سبب إيقاف التفتيش وكان المشهد أمام الجميع ..رجلاً طويل القامة فى الأمام ورجلين من خلفه يحمل كل منهما حقيبة ويحيطون فى المنتصف بشخص غير مقيد على الإطلاق .. يلتفت يميناً ويساراً وكأنه فى زيارة تفقدية .. كان وسطاً مريح الوجه يرتدى اللون السماوى وموكبه يسير تجاهى بكل تأكيد ..قررت أن أستمر فى أداء عملى كمعاون مباحث وأن يكون صمتى هو أنسب لغة للحوار .. مد هانى طويل القامة يده بخطاب القرار وأومات له برأسى فإستدار للمغادرة وأمر رجاله بوضع الحقائق والإنصراف ثم مد يده مصافحاً القائد شهاب وتمتم بكلمات خافتة " أنا آسف يافندم ..غصب عنى " تبسم القائد شهاب وهو ينظر إلى أعماق عينيه قائلاً " عارف " وفجأة تحول جبل الجليد إلى طفل صغير وإنهار باكياً مرتيمياً فى صدر القائد شهاب وجسده ينتفض وأجهش صوته "سامحنى يافندم" إلتفت حولى فوجدت كل من بالفناء فى صمت رهيب يتابعون ما يحدث فقررت أن أقطع الحدث صارخاً بأعلى صوتى " ياغانم" إطلع فوق قول لناصر يجهز" الزنزانه **27**"

الحلقة الثانية عشر

كنت أتظاهر بالشدة وأنا أصدر الأمر للمخبر غانم بالصعود إلى زميله ناصر المسئول عن الدور الثانى لتجهيز الزنزانه لإستقبال القائد "شهاب" وكان رد غانم أشبه بصب ماء بارد فوق رأسى على مرأى ومسمع من الجميع حينما قال " ناصر هنا جنب حضرتك ياباشا " .. أشعرنى رد ناصر السريع "خدامك ياباشا" بقدر كبير من الإرتياح وكنت قد تعمدت عدم النظر إلى وجه القائد "شهاب" وليس فقط عدم الحديث معه وبالتزامن مع إنصراف هانى ورجاله قررت أن ألقى بغانم إلى

التهلكة لما سببه لى من حرج فإنفعلت قائلاً " مستنى إيه يا
غانم ما تشوف شغلك مش فى إيراد جديد وصل " .. تعلقت
عيناى بغانم وأنا اتابع تحركة نحو القائد "شهاب" لتفتيشه
ومصادرة أى مخالفات فى حقائبه لا تسمح بها قواعد السجون
وظل عقلى يتصور مايمكن أن يحدث من حوار بينهما إلا أن
"غانم" إتخذ خطواته تجاهى قائلاً "الموبيلات ياباشا " .. لفت
غانم نظرى بأنها مهمتى الشخصية وكأنه يعيد الكرة إلى
ملعبى مرة أخرى فتابعت بصوت مرتفع " ما أظنش إن معاه
موبيلات ياغانم إنت مش شايف جاى منين " فتجرأ غانم
موجهاً سؤاله إلى القائد شهاب " معاك موبيلات " فأجاب
بصوت دافىء " معايا إثنين " فتابع غانم "الموبيلات ممنوعه
والفلوس ممنوعه " .. توجهت لغانم بالأمر " شوف ياغانم
معاه إيه وإحفظهم فى الأمانات و أى ملابس غير اللون
الأزرق وبعدين تطلع على الدور الثانى وأنا حاقهم ناصر يعمل
إيه " كان قليل الكلام متمسم بالإحترام فشعرت أنه ليس هناك
داع للقلق من الحديث معه وكذلك لا داع للقلق على غانم
فإنصرفت متخذاً ناصر بذراعى وأوضحت له بعضاً من
النصائح التى ذكرها جبل الجليد الباكى وما ذكره من تعليمات
.. ثم تابعت المرور للإشراف على المساجين وصعدت إلى
الدور الثانى وأنا أبلغ رئيس المباحث هاتفياً بما رزق به سجن
الإستئناف اليوم الذى بدوره قاطعنى قائلاً " إرفض إستلامه "
فتابعت أرفض إيه ياباشا بأقول لمعاليك الجواب جاى من
أعلى مستوى كان لازم أستلمه .. إرتفع صوته قائلاً " طيب
بأقولك إيه طالما إنت إللى إستلمت تبقى مسئوليك .. أنا
مرفوع على خمسة وأربعين قضية مش ناقص يعنى .. وقهم
الناس عندك مافيش أى إحتكاك ولا مد إيد لا عليه ولا علي
حد قدامه .. ومافيش خروج نهائى لا حمام ولا غيره " كله جوه "
خد بالك على نفسك يا أبو الأفكار عاوزين نأكل عيش يا آبا ولا
لينا فى سياسة ولا لينا فى إقتصاد إحنا عاش الملك مات

الملك .. إنت بتقول سايبه فى التفتيش .. زمانه جند المخبرين
كلهم .. تفتيش إيه اللى بتعملة وهو جاى من أعلى مستوى ..
؟ سمعت لأول مرة صوت القلق يهز الأحبال الصوتية لأكثر
رجال المباحث قوة وشراسة وأشهرهم فى فنون القتال ..
شعرت بالخوف ينتاب مثلى الأعلى فحاولت تهدئته قائلاً "
أعلى مستوى .. ده جاي معاه موبيلات وثلاثمائه وخمسين
جنيه .. قاطعنى بصوت صاخب "يانهار إسود" .. أخذ الصمت
من كلانا زماناً زاغت فيه عينى ترصد حركة السجن حتى
سمعت صوت زوجته تحدثه " مالك يا "محمد" فى إيه ؟
وسمعت الرد سريعاً "ده فكرى معايا على الخط بيقول جالنا
مصيبه فى السجن" فتابعته زوجته "تفتيش" فتابع "ياريت" ..
إستأذنت فى إنهاء المكالمة عندما وجدت نفسى فجأة بداخل
مكتبى ولا أذكر كيف قادتنى قدماى إليه فإستدرت تجاه
الباب وإذا بصدرى يرتطم بصدر غانم فصرخت فى وجهه
"إنت هنا ليه .. وفين الراجل .. ؟ أجاب غانم بهدوء " وإنت نازل
يافندم حضرتك شاورت لى أنزل " .. لم يكن ماسمعه أذنى
بالشئ اليسير .. فأنا لا أذكر أننى أشرت لغانم بشئ كما أن
مصطلح "أفندم" ليس من أعرافنا .. نظرت لغانم مدققاً بصرى
وسألته "غانم .. هو إنت قلت يافندم فى وسط كلامك ؟
فأجاب غانم " لا يافندم .. خالص " .. جلست وأشرت لغانم
بالجلوس وأمرته بإغلاق الباب ثم وجهت له سؤال مباشر "
قول لى يا غانم .. إيه رأيك فى الراجل ده .. ؟ رد غانم وكأنه
متلهفاً للحديث "بص ياباشا .. أنا راجل فلاح واللى فى قلبى
على لسانى وتقول لى تعرف فلان أقولك أيوة تقول لى
عاشرته أقولك لا تقول لى يبقى ماتعرفوش .. لكن الراجل ده
الحق يتقال ومن غير ما أعرفه أقولك إنه راجل محترم .. ومن
الآخر كده "بيعرف" ومافيش حد ينفع يكذب عليه لأنه ببص
جواك " سمعت ناقوس الخطر يدق فى أذنى إلى أن أنهى
غانم آخر كلماته " أنا عن نفسى لو فى إيدي أى حاجه أعملها ..

حأعملها هو إحنا حانفضل ساكتين كلنا كده لحد مانشيل
الطين ..؟ ظل ناقوس الخطر يدق متوافقاً مع هاتفى الذى
إهتز بالرنين عندما ألقى غانم "بالطين" فوق رأسى ولمح
بطرف عينه أن زوجتى هى المتصل فإستأذن فى الإنصراف
ولاحقته بكلمات يائسة "بأقولك إيه .. مالکش دعوة بالراجل
ده ولا من قريب ولا من بعيد" .. كنت قد ضغطت زر الإيجاب
فلم أنتبه إلى رد غانم .. حاولت أن أكون ودوداً عندما سألتنى
زوجتى "غريبة أوى .. ولا رنه من الصبح .. ولا حتى سألت
إنتى فىن ؟" فأجبت " كويس إنك إتصلتى .. إنتى تعرفى حد
إسمه شهاب" ؟ .. صممت لبرهة ثم صاحت فجأة " مافيش
فايدة فىك .. كام مرة قلت لك بطل شغل المباحث ده معايا..
"سارعت فى محاولة لتهدئة البركان قائلاً " ده معتقل وجابوه
عندنا " فإزداد غضبها وأغلقت المكالمة بقولها وكمان حصلت
بتسألنى عن معتقلين ..؟ بدأ عقلى يتخيل ما هو قادم بعد أن
تنقل ماحدث إلى والديها وما سيفرض على من مناقشات
كى اصلح ما فسد بإيضاح أنه ليس سجيناً عادياً وأننى لم
أقصد الشك بسؤالى وإنما كنت اوضح مايشغلنى ولكننى
تأكدت الآن أن مجرد ذكر إسمه يجلب المشكلات .. أسرعت
مهرولاً إلى الدور الثانى وأنا أهمس فى صدرى "ناصر" يارب
ألحق "ناصر" .. كان ناصر يجلس على مكتبه فإنتفض واقفاً
حينما إقتربت منه فجلست وأشعلت سيجارتى وأخرجت
السؤال مع زفير دخانها " أكيد جاى تعبان ونام طبعاً .. قولى
ياناصر .. الراجل ده إيه نظامه .. بخبرتك كده خطر يعنى " ..؟
رد ناصر رداً حازماً " نظامه زى مانظامه ياباشا ..أنا ما عنديش
غير الخرطوم .. خبطه واحده تخلصى الخطر أرنب " فتابعته "
هو بيشتغل إيه ياناصر ؟" فأجاب " وأنا إيش عرفنى ياباشا أنا
مالى .. ياكش يكون رئيس جمهورية .. أنا ماليش غير الجته " ..
كانت سيجارتى على وشك الإنتهاء فأشرت له بيدي مؤكداً

إعجابى .. فتابع وهو يبتسم .. حتى بالأمانة معاليك دفنتها
فى " الزنزانة 27"

الحلقة الثالثة عشر

كانت كلمات المخبر "ناصر" مطمئنة .. لذا طلبت منه أن يذهب إلي القائد شهاب ليحضر لى إسم الموقع الإلكتروني وإسم حسابه على الفيس بوك فربما أحتاج إليهما عند تفسير سؤالى أمام والد زوجتى وجلست أحصى بساعتى الوقت الذى يستهلكه ناصر بين الذهاب والعودة.. ثم قررت أن أقطع أفكارى فإستوقفت أحد المساجين الذين يمرون أمامى كالطيف فكان "الحاج فاروق" مقاول من المشاهير إنهارت إحدى عقاراته وأخذت معها إمبراطوريتة وغيرت مسار حياته فقضى عمراً فى السجون ويستعد للخروج بإنهاء مدته قريباً .. طالما كان يحلم "الحاج فاروق" بتجاذب أطراف الحديث معى حتى إستوقفته قائلاً "إيه يافاروق مش حانشرب قهوة وإلا إيه؟" حالاً ياباشا .. جنابك تؤمر" هكذا أجاب فاروق ثم إختفى عشرة دقائق صارعت خلالها الأوهام قلقاً على ناصر .. عاد فاروق يحمل فنجاناً من القهوة وأذنت له بالجلوس وتابعت "إيه الاخبار ياعم فاروق .. إيه رأيك فى المعاملة دلوقت؟" أشعل فاروق سيجارته وهو يجيب " ده إحنا بقينا ولا طره المزرعة ياباشا .. محامين و رجال أعمال .. وكملت بالقائد بتاع الانقلاب " إنزلقت القهوة من يدى ورفعت عيناي ناظراً إلى فاروق بتعجب فتابع " عيب يا باشا هو فى حاجة بتخفى علي فاروق برضه فرمقته بعينى فإستطرد "الإيراد ياباشا .. كل الناس بتتكلم عنه .. إلا صحيح ياباشا فعلاً وقفنوا الضرب فى الإستقبال ساعة ما وصل..؟ تحول لفظ الإيراد فى ذهنى إلى أرقام بسرعة فائقة فإيراد المساجين الذين وصلوا اليوم يفوق الأربعين وتم توزيعهم على ثلاثة أدوار وبكل دور مايزيد عن

الألف سجين .. الكل سيتناقل ما حدث فيما بينهم .. إرتشفت من القهوة وأنا أبحث عن إجابة رداً على سؤال فاروق حينما تذكرت أننى فقدت ناصر وقتاً طويلاً فهمت بالوقوف متجهاً إلى الزنزانة وإذا ناصر يظهر أمامى مبتسماً واضعاً يده تحت ذراع القائد شهاب ويسير فى مودة بالغة وكأن بينهما صداقة طويلة .. "ضاع ناصر" .. يتجه ناصر نحو ليضعنى فى مواجهة لا مفر منها .. تمتمت فى نفسى "ربنا ياخذك يا ناصر" .. أشرت بيدي بإنصراف فاروق وبادرت ناصر قائلاً "جبت الموقع؟؟" "وقف القائد شهاب بجوار ناصر متبسماً بعدما نزع يد ناصر من ذراعه وأجاب ناصر "جبت الموقع وجبته هو بنفسه ياباشا جنابك تؤمر" كان ناصر متهلل الوجه فرحاً على غير عادته عندما أضاف "ده طلع حد جميل أوى ياباشا ولا خطر ولا حاجة" ظل الحرج يأكل أجزاء من وجهى فحاولت أن أستوقف ناصر الذى قررت أن أستبدله بمخبر آخر فقلت مقاطعاً "هو فين حسنى يا ناصر؟" .. أشرت للقائد شهاب بالجلوس وانتظرت إجابة ناصر عن سؤالى عن الأمين حسنى الذى قررت أن يحل محل ناصر فى الإشراف على الدور فكانت إجابة ناصر صادمة "والله ياباشا مابقينا عارفين .. شوية يقولوا فى المستشفى .. وشوية يقولوا فى سجن المزرعة .. وما حدش فاهم حاجة" أشعلت سيجارة اخرى موجهاً كلماتى إلى ناصر "إبعث لى الأمين حسنى ياناصر وإنزل إنتظرنى فى مكتبى" وضع ناصر الورقة أمامى وذهب .. أخذت ارتب أفكارى قبل البدء فى الحديث فلم أجد منها شيئاً .. فقررت تفادى الحديث وبدأت أتصيد المساجين أثناء مرورهم أمامى مغلظاً صوتى مع توجيه بعض الضربات لمن تبلغه يداى أو قدماى ثم جلست موجهاً حديثى نحو القائد شهاب "طبعاً نظامنا مش عاجبك خالص ياباشا" لم يرد ولم يوجه النظر تجاهى فتابعته "القوة هى الأساس فى السيطرة .. طول ما السجين حاسس إنك أقوى منه يخاف منك .. عارف لو وصلهم

إحساس إنك ضعيف ممكن يخربوا الدنيا .. ممكن يخطفوا
المخبرين .. إحنا بنتعامل مع ناس الإجرام فى دمهم ماينفعش
معاهم غير العنف .. ده طبعاً غير المخبرين زى ما إنت شايف
كده بأسأله على حسنى المخبر بيكلمنى على حسنى مبارك
.. أقوله يخللى باله من القائد إذا إحتاج حاجة يفهم إنى بأقوله
خد بالك منه ده خطر .. منتهى التخلف .. قاطعنى وصول
الأمين حسنى وهو متسع العينين مستعداً لتنفيذ أى أوامر
فحمدت الله أن حافظت على إسترسالى فى الحديث دون
فرصة للرد من جانب القائد شهاب فأنهيت حديثى بالوقوف
واضعاً الورقة فى جيبى الخلفى وموجهاً أوامرى إلى حسنى..
وَصَلَّ القائد شهاب "الزنزانه **27**"

الحلقة الرابعة عشر

كنت أترقب خطواتى مبتعداً افكر فى تصرف ناصر الأحمق
حين إستدعى القائد شهاب لمقابلتى دون أمر منى وبغير داعٍ
وبالرغم من نجاحى فى التهرب فى فتح باب المناقشة معه
دون أن يشعر بذلك إلا أن عيناى ظلت متعلقة بعودة الأمين
حسنى الذى لم يخيب رجائى وعاد مسرعاً .. لفت إنتباهى
شيئاً بيده فسألته ومددت يدى لتناول ما معه فوجدتها ورقه
صغيرة .. أخذت أقرأ فى خفاء بعض من كلماتها " يواجه الوطن
الآن عدو يتسرب إلى النفس بضراوة السرطان ألا وهو اليأس "
.. أفقت على الأمين حسنى يمد أنفه يقرأ معى حتى تعثر فى
قراءة بضراوة فطويت الورقة مسرعاً بها إلى جيبى الخلفى
وسألته جبت الورقة دى منين ؟ فأجاب " القائد قال لى خدها
" فتابعته " بلاش تاخذ منه حاجه تانى " خفض حسنى رأسه
إلى الأرض وأجاب بالموافقة فتابعته " فين ناصر " وقبل أن
يجيب قاطعته عندما تخيلت أن تكون إجابته أن " ناصر " الله
يرحمه كان زعيماً للعروبة .. شددت بقسوة فى التنبيه على

حسنى بما لا يسمح بالخطأ هذه المرة وأسرعت إلى مكتبى
ومنحت ناصر يوماً للراحة وتأهبت للمغادرة متوجهاً إلى
منزلى ودق هاتفى مكالمة من محمد بك رئيس المباحث
يسأل مباشرة عن أخبار الضيف الجديد وكنت على وشك أن
أخبره بأننا قد فقدنا إثنين من أعتى الرجال لكنه بادرنى " ده
طلع قصة كبيرة ومواقع وجروبات على الفيس .. ده أنا مراتى
طلعت عضو فى جروب من بتوعه ..شكلك جبت لنا مصيبة
يا فكرى " قاطعت بشيء من اللطف قائلاً جروب إيه طيب
ماتبعته كده أقرأ وآخذ فكرة .. فقاطعتنى "إضافة " ..
إنت عاوز تودينا فى داهية ..حأبعثلك إسم الجروب رسالة ..
سلام .. وما أن أنهى الإتصال حتى تسلمت رساله برابط
الكترونى .. حامت بعقلى فكرة إعادة إرسال الرسالة إلى
زوجتى لعلها تهدأ قليلاً قبل وصولى عندما تعرف أننى كنت
أسألها عن معرفتها بشخصية ليس شكاً فى سلوكها وبالفعل
أرسلت إليها الرابط وسرح عقلى فى أننى أصبحت أحد أطراف
النشر عنه رغم التوجيهات والتعليمات والأوامر الصادره بشأنه
..حاولت إيقاف ذهنى عن التفكير وتوقفت لشراء باقة من
الورد وتعطرت قبل وصولى إلى المنزل الذى كان كما توقعت
.. فى الصالون تجلس حماتى ولكنها كانت باسمه الوجه على
غير العادة ممسكة بيديها مجموعة من الأوراق ..تبسمت لها
وتوجهت إلى غرفة المكتب فسمعت بها صوت إهتزاز
الطابعة وعملية نسخ متواصل وزوجتى على الهاتف تحدث
إحدى صديقاتها "لا مش ده إنزلى تحت شوية .. أيوة هو ده
الجروب .. أيوه اللى فى خمسة آلاف ومائة وأربعين ..
إستوقفها والدها الذى يمسك بهاتفه المحمول قائلاً "خمس
آلاف مائة واحد وأربعين أنا إتقبل إضافتى للجروب " .. علمت
حينها أنه لاداعى لتقديم الاعتذار كما أنه لاداعى لما أحمله
من ورود كذلك علمت أنه لن يكون هناك غداء فى هذا اليوم
العجيب .. إقتربت زوجتى مهرولة وألقت بنفسها فى أحضانى

ثم طبعت قبلة كنت قد نسيت مزاقها على شفتى ثم إلتفتت إلى والدها قائلة " هات صورته يابابا ..بص كده يا حبيبي .. هو ده ؟ .. كدت أخبرها بأننى لم أدقق فى ملامحه .. فأجبتها دون النظر .. أيوة هو .. أدار والدها مقعده موجهاً حديثه لى متسائلاً " إنت إتكلمت معاه يافكرى ؟ حاولت إستدراك موقفى بمغامرة غير مدروسة موجهاً كلماتى إلى زوجتى قائلاً " معايا ورقة بخط إيده " لم أستكمل كلماتى حتى إنهاالت على الاسئلة .. ورقة إيه .. ورينا .. إستنى يا دينا خليكى معايا على الخط .. "فكرى" بيقول معاه ورقة منه .. حاضر حأفتح السماعه الخارجيه .. إقرأ يافكرى بصوت على .. وما أن أخرجت الورقتين من جيبى حتى إنقض والدها ممسكاً بهما ثم إنتشلت زوجتى إحداهما منه وجلست أنا بعيداً أتعجب مما يحدث وأترقب .. دينا إستنى طلع فى جروب تانى كمان وصفحة فيس بوك .. بابا معاك إيه .. نهض والدها واقفاً ومقلداً صوت جمال عبد الناصر مستخدماً لكنته الشهيرة " يواجه الوطن الآن .. عدو يتسرب إلى النفس بضراوة السرطان ألا وهو اليأس .. يأس يتغلغل فى كيانه .. يصيب الصدق ويضل الإيمان ويقضى على المحبة والسلام .. يتلف السماحة ويفسد العدل ويضيع الحق ويحقر العلم ويفتت الوحدة ويهدر الكرامة .. فلا أهدركم من عدو أكثرمن اليأس " تعالت أصوات التصفيق بالمنزل مع صياح زوجته هايل يابابا وصوت والدتها يقول "والله زمان فكرتنى بالذى مضى" كما تعالت أصوات التصفيق فى الزنزانة و الذى أفاق فكرى بك عن تقمصه لدور والد زوجته .. مع وكزات فى صدرى تدفعنى إلى التصفيق فتوقفت عن الكتابة بعد أن دونت كل ما رواه فكرى بك بالنص فى وريقات صغيرة أخفيتها داخل "الزنزانه **27**"

الحلقة الخامسة عشر

كانت أنفاسى تتسارع مع صوت نقرات عصا على قضبان
زنزانتى ومالبثت أن وضعت جانبى لبضعة دقائق بعد أن
دونت بعضاً مما أتذكر من اللوحة حتى أيقظنى ثلاثى آخر
يقف كالظلال أحدهم قصير جداً والآخر طويل جداً وما بينهما
ظل جمال المحامى .. لم أعد أميز بين الحلم والحقيقة فقررت
ألا أتفاعل مع الأحداث وأن أتركها تسير بى كيفما تشاء
فأخذت أنظر إليهم فى بلاهة حتى نطق قصيرهم بصوت
أجش " إفتح يا عم عبد الناصر أهو صحى أهو .. إدخل
يامنصور " فتح الأمين عبد الناصر ودخل القصير ومعه
" منصور " ثم أغلق عبد الناصر الزنزانة وإنصرف .. جلس
القصير على يسارى وتوجه الطويل مباشرة إلى قصاصات
أنقاض اللوحة المحترقة ومد يده ممسكاً بها لأعلى كأنه
يكشف على أوراق نقدية مزورة .. وضع القصير كتفه بكاملها
على عنقى قائلاً " إسمع يابنى علشان لا تتعبنا ولا نتعبك ..
أنا عمك " ذهب " .. وإحمد ربنا إنه بعتنى لىك فى الوقت
المناسب .. تسمع عن عيلة " ذهب " .. ؟ " كنت على وشك أن
أجيب بأننى سمعت عن عم ذهب فى مجلة ميكى إلا أن
ملامح الجدية والشراسة على وجهه أوقفت لسانى وطقطقت
رقبتى نفيماً .. أضاف " إحنا أكبر عائلات الجيزة ومعلمينها ..
يعنى من الآخر كده " فتوات الجيزة كلها " .. المتر جمال بلغنى
إنك بتتدلع .. إيه الحكاية .. مش عاوز تكتب القصة مثلاً وإلا
إيه ؟ .. كانت يد عم ذهب تتناقل أكثر متزامنة مع سؤاله ..
نظرت إلى المدعو منصور وأنا أهمس بصوت ضعيف " أنا
تعبت ومش قادر أكمل .. إذا كان الاستاذ منصور يتفضل
مشكوراً يكتب ببقى كتر ألف خيره " .. أجاب ذهب وهو يميل
رقبته بطريقة متموجة " لا يا حبيبى .. " إنت إالى .. حاتكتبها "
فتابعت طيب يساعدى فى الكتابة علشان فعلاً مش قادر "
تابع ذهب " لا ياسيدى .. ده الاستاذ منصور .. عضو حركات

ثورية ما أعرفش إسمها إيه بس هي حاجات كثير كده .. يعنى لما بيكتب بيتحبس " قاطعت ذهب بجرأة زائدة " يعنى أتحبس أنا ..؟ ضغط ذهب على رقبتى أكثر وهو يميل برقبته مرة اخرى تجاه وجهى قائلاً " يابنى إنت مافيش حد يعرفك .. ولا فى عين عليك .. تكتب تنشر ولا حد حايدور وراك " إلتفت المدعو منصور رامقاً ذهب بعين الحكمة ثم وجه حديثه تجاهى قائلاً " يا سيدى الفاضل .. كل إنسان له رسالة منها رسالة خير ومنها رسالة شر .. وإنت والحمد لله بدأت رسالتك .. وبأمر الله تكملها وتوصل للبلد كلها .. عاوزين نعرف عيوبنا ونعالجها يا استاذ عادل .. من فضلك كمل القصة علشانى وعلشانك علشان توصل للناس كلها " شعرت ببعض الإرتياح حتى قاطع عم ذهب قائلاً " يابنى أنا صابر عليك بالعافيه القائد شهاب راح دمنهور قعد شهر وإترحل على سجن العقرب وإنت لسه قاعد هنا ومين عارف حاتخلص إمتى وتروح دمنهور إمتى وتلحق تكتب إمتى إرحمنى أنا مش عاوز أتعصب عليك " قاطعت عم ذهب قائلاً " تعبت .. مش فاكّر اللى قرينه أعمل إيه يعنى ؟ " .. تابع ذهب " بسببته .. روح يامنصور قول للشيخ كلم عم ذهب عاوزك " إنتفض منصور وذهب مسرعاً وإقترب عم ذهب من اذنى قائلاً " الإفترا وحش يابنى .. وبياتك فى وسط عيالك يسوى الدنيا .. لما تخالف أوامر البهوات وماتعملش اللى هما عاوزينه يبقى مصيرك تترمى فى السجن .. وإلا إنت مش معايا ..؟ قاطعت عم ذهب بهمسة مكسورة دون أن أعى سبب ما قاله " معاك " تابع قائلاً " حلو أوى .. عندك أنا مثلاً كنت مقضيها مخدرات كباريهات أراضى إنتخابات .. وفلوس مالهاش أول من آخر صحيح بالحق وعمرى ماظلمت حد بس قلت كفاية بقى وأتوب وأرجع لربنا .. الكبار قلبوا عليا الدنيا ولقيت نفسى متشال هيللا بيلا ومتلفق لى قضية وحكم وحبس .. صحيح برضه محبوس بقيمتى وصيتى وسمعتى بس محبوس ..

توقف ذهب عن الفضفضة عند وصول منصور ومعه رجل له
لحية خفيفة باسم الوجه يمسك بيده شيئاً أشبه بمسبحة
طويلة جداً.. نظرت إلى ذهب متسائلاً " هو فى إيه " فأجاب
ذهب بطريقة ريا وسكينة " ماتخافش ده الشيخ " تامر " ..
ألقي الشيخ تامر السلام وتابع معلقاً على ذهب " مش قلنا
بلاش شيخ دى " .. تبادل ذهب وتامر المصافحة كفاً بكف
وتبادلا الأماكن فجلس الشيخ تامر أمامى مباشرة وأخذ
منصور مكانه مرة اخرى يتفحص ما كتبت من الأوراق .. لم يكن
أمامى إلا وجه الشيخ تامر فوجدته صغير السن صحيح
الأسنان حسن الصورة .. أغمض عينيه وهو يهم أن يضع يده
فوق رأسى وسمعت من خلفه صوت منصور يهلهل " أهه يا
ذهب مكتوب هنا إنى كنت معتقل وقابلنى القائد شهاب
وإشتكيت له من التعذيب علشان أعترف على زمايلى .. مش
قلت لك إنى متأكد إنه هو القائد شهاب اللى قابلته فى
معتقل " تحت الأرض " .. إستوقفة ذهب قائلاً " واللّه ودخلت
التاريخ يا منصور أفندى " .. تابع منصور " وإنت كمان أهو يا
عم ذهب .. مكتوب هنا " ثم إعتدل ليروى لذهب ما ذكر عنه
ولكن يد الشيخ تامر كانت قد إستقرت فوق رأسى دون مقاومة
منى فأخذتنى إلى حالة من الدوار لم أدرك معها إلا أنه يتمتم
بآية " إن تنصروا اللّه ينصركم ويثبت أقدامكم " ثم وجه سؤاله
إلى جمال المحامى قائلاً " هو وصل فى الكتابة للجزء رقم كام
يا استاذ جمال " رد جمال بسرعة " الجزء الثامن نقلًا من الحرف
الثانى " .. أغمض الشيخ تامر عينيه وتلى " إنه من سليمان
وإنه بسم اللّه الرحمن الرحيم ألا تعلوا على وأتونى مسلمين " ..
إرتفع صوت منصور قائلاً " إيه ده يا شيخ تامر .. إنت مهندس
أصلاً .. مكتوب هنا إنك مهندس والشيخ عمرو كمان " .. لم
يجبه الشيخ تامر وإسترسل فى تمتته مرتلاً " قال علمها عند
ربى فى كتاب لا يضل ربى ولا ينسى " .. بدأ وجه الشيخ
يختفى من أمام عيناي وتظهر فى مخيلتى سيارة بيضاء تعبر

من بوابة حديدية ضخمة وتتحرك الصورة كأنها تجرى بالعرض السريع ..وقفت السيارة ونزل منها ثلاثة أشخاص أعرف أحدهم تمام المعرفة " نعم إنه هو "القائد شهاب" .. وقف بجوار السيارة وأمسك الشخص الضخم بذراعه وتحرك معه إلى داخل مبنى شاهق الإرتفاع ..إستدارت السيارة للمغادرة نحو البوابة .. سمعت همس الشيخ تامر فى اذنى " إدخل .. سيبك من العربية وإدخل مع القائد شهاب " إزداد العرض سرعة فدخلت حيث يجلس القائد شهاب ممشوقاً وبجواره الرجل ضخم الجثة ويقف أمامه شخصاً يحمل كلابشات معدنية وغماضة للأعين ثم إستدار تجاه القائد شهاب الذى نهض غاضباً وأطلق كلمات تحمل الغضب نحو الرجل فإستدار للخارج .. سمعت صوت الشيخ تامر مرة اخرى "حاول تسمع يقولوا إيه " .. كان صوت الشيخ تامر هذه المرة متوتراً ومرتفعاً عن المرة السابقة فنظرت إلى وجهه ومن خلفه جمال المحامى يصرخ "غلب إيه ده بس ياربى يابنى إحنا لحقنا سمعنا كلمتين .. إنت كل شوية حاتفوق وتقطع الجلسة " .. حاول الشيخ تامر إستكمال محاولته بقراءة الآيات مرة اخرى إلا أن عقلى كان قد أفاق على واقع وجودى داخل جدران "الزنزانة"

"27"

الحلقة السادسة عشر

كنت أستند برأسى إلى الجدار وعيناي بارزتان من وجهى تنظران إلى جمال المحامى عندما إرتفع صوت الشيخ تامر قائلاً إذا كنت سامع نفذ الأمر .. كنت أسمعه ولكننى لم أسمع ما هو الأمر فأعاد مرة اخرى " إرجع من حيث أتيت " .. وجدت رأسى تتناقل وتسقط على صدر الشيخ تامر وخيالى يسبح حتى وجدت أمامى القائد شهاب يضع يديه خلف ظهره وعلى عينيه رباط أسود ويمسك بكل ذراع رجل ضخم الجثة

يوجهان حركته أثناء السير .. مر القائد شهاب أمامى دون أن يرانى وعندما إبتعد وجدت يديه مقيدتان بالحديد من الخلف ..إستبقت بما لى من القدرة على التحرك سريعاً فقطعت الممر الذى يتحركون فيه .. غرفة مجهزة بالكاميرات فى كل الإتجاهات وعدد من الميكروفونات لا يحصى ومكتب من الخشب يجلس عليه شخص بدين وبجواره آخراى وكثيرا من الاوراق وحفنة أقلام وجهاز تسجيل صغير .. كانت هيئتهم تدل على أنهم يستعدون لتحقيق ما وكان أحدهم قد بدأ يسطر بالفعل عندما دخل القائد شهاب وأجلسه العملاقين على مقعد مواجه للمكتب مباشرة .. نهض البدين وأخذ يدور حول القائد شهاب عدة مرات والآخرى يتبادلون القيام والجلوس والحركة فى دوائر حولة حتى دخل شخص أصلع الرأسى فسارع الجميع بالوقوف فأشار لهم بالصمت ثم مر أمام القائد شهاب عاقداً ذراعية أمام صدره وأشار لأحدهم برفع الغمامة عن عينيه .. إرتفع صوت الشيخ تامر مرة أخرى يكرر "إسمع بيقولوا إيه " كنت أتوق شوقاً لسماع مايقول .. إقتربت أكثر فأصبحت أقف أمام القائد شهاب فنظرت إلى داخل عينيه فوجدتها تبرق غضباً ويحرك شفثيه دون أن أسمع حرفاً واحداً ثم نهض واقفاً فأشار الأصلع إلى رجاله بإصطحابه إلى الخارج .. مد أحدهم يديه بالغمامة على عينيه مرة أخرى ومد الآخر يده بالقيود الحديدية ثم تحركوا جميعاً إلى الخارج .. إستدار الأصلع غاضباً نحو المكتب وأخذ حفنة من الأوراق ثم وقع عليها وألقاها مكانها ثم إستدار نحو المدخل وإنصرف .. صاح الشيخ تامر "أسرع " فأسرعت بنظرة خاطفة على الأوراق والتوقيع عليها بالسجن سنة مع النفاذ ثم عدت مسرعاً لمتابعة القائد شهاب فوجدتهم فى سرداب تحت الأرض فتحوا إحدى حجراته حالكة الظلام ثم أدخلوا القائد شهاب بها ثم إنصرفوا.. إرتفع صوت الشيخ تامر قائلاً " أسرع " كان الظلام كثيفاً لا يخترقة بصر وسكنت الحركة والأحداث فسمعت

صوت الشيخ تامر يعلو " أسرع " تذكرت المصطلح الذى إستخدمه جمال المحامى بمقولة تقطع الجلسة ففتهمت أن الشيخ تامر يستخدمنى لمعرفة ما حدث بالماضى للقائد شهاب وأن وجودى الحقيقى هو داخل " الزنزانه **27**"

الحلقة السابعة عشر

كانت الساعات تمر كالدهر بينما ظل الشيخ تامر يكرر "أسرع" كان الظلام أمام عيناى لا ينتهي ويمتد بمقدار شهوراً طويلاً وكلما اعتادت عيناى على الظلام لا أرى إلا بعضاً من الحركات القليلة حينما ينهض القائد شهاب لأداء صلاة أو أداء بعض الحركات الرياضية ثم يعود للجلوس والتسبيح ولذا لم أجد ما أنقله إلى الشيخ تامر ومجموعة المستمعين المتشوقين لمعرفة ما حدث للقائد شهاب ولكن الشيخ تامر ظل يطالبني أن أسرع إلى ان رأيت حرساً مسلحاً يقفون بسيارة بيضاء ينزلون منها ويدخلون إلى حيث زنزانه القائد شهاب ويصطحبونه معصب العينين إلى السيارة ثم عادوا فأحضروا خمسة أشخاص آخرين إلى السيارة مقيدين ومعصوبي الأعين ثم تحركت السيارة مسرعة وخلفها سيارة أخرى للحراسة حتى وصلت إلى منطقة صحراوية عندها أصدر الشخص الجالس بجوار السائق أوامره بنزع عصابة الأعين عن الجميع فأقتربت متشوقاً لرؤية وجه القائد شهاب فوجدت عيناى تبرقان تجاه شخص يجلس فى المقعد الذى أمامه وإلى اليمين قليلاً والذى هو أيضا بدوره ينظر إلى الخلف ليتفحص الحاضرون .. كانت نظرات القائد شهاب تكسر حاجز الصمت الرهيب وكأنها تقرأ ما يدور بعقل هذا الشخص فكنت أسمع همهمة خفيفة تردد " لا يا قائد .. مش أنا .. إنت عارف إنى راجل ولو دبحونى " إستمر القائد شهاب فى نظراته الحادة وإستمر الشخص فى هممته " عذبونى يا قائد .. والله العظيم عذبونى .. إوع تشك فى " جميل " ياقائد إلا أنا .. ده لو

على رقبتي .. أوماً القائد شهاب برأسه ثم إنتقلت عيناها إلى رأس شخصاً آخر يجلس أمامه وكأنه يقرأ أفكاره وإذا بى أجد نفسى أشاهد معه مايراه " الآف من الأوراق المطبوعة فى حقائب تندد بالظلم .. مقابلة مع القائد شهاب .. مظاهرات فى ميدان التحرير.. إقتحام بالقوة لمنزله والقبض عليه وإحضار كل ما وجدوه من أوراق " إنتقلت عينا القائد شهاب سريعاً من عقل " شرف " إلى عقل الشخص الجالس بجوار السائق فأسرعت للمتابعة معه " مسئول عن تحركات العرض على التحقيق موالى تماماً للسلطة ملتزم بالذهاب والعودة دون مناقشات خاصة مع القائد شهاب الذى قرأ عنه كثيراً من تقارير مختلفة ..همس لى الشيخ تامر " أيوة هنا شوف إيه اللى يعرفه عنه بسرعة " صدرت له الأوامر بجمع المعلومات التى تفيد فى القبض على القائد شهاب وإسمه " هشام " وهو أحد المكلفين بذلك وعندما قرأ ملف القائد شهاب وجدته متميز إلى حد خارق فى مجالات متعددة منها الرياضة والحاسب الآلى وعلم النفس والسلوكية وجمع المعلومات وحصل على عديد من الأوسمة والنياشين وميداليات التفوق على المستوى العربى والدولى بالإضافة لإجادته بعضاً من اللغات الأجنبية ويحظى بعلاقات واسعة فى جميع المجالات ميسور الحال ويساعد المحتاج .. همس الشيخ تامر " مين اللى بلغ عنه " فى هذه اللحظة كانت عينا القائد شهاب تنتقل إلى رأس آخر وأنا معه " شاب حديث الزواج رزق بطفله يدور بعقله ماسببه لنفسه من مشكلات إستدعت تدخل والد زوجته الذى يعمل بمركز مرموق وانه إستطاع أن يبدل أقواله ليجعلها علاقة نسائية على مواقع التواصل الاجتماعى دون علمه بأن الفتاه تنتمى إلى أى فصيل .. إنتقل القائد شهاب مرة أخرى إلى الشاب المجاور " شاب أعزب ضعيف الصحة والبنية والنفس يدمن المخدرات ويعانى من تحكيمات والده التى سوف تزداد بعد تدخله لإنقاذه بتغيير أقواله فى

التحقيقات وإستبدالها بأنه إصطنع الشجاعة عندما قام بتوزيع أوراق منشورات من أجل إصطياد الفتيات من مواقع التواصل الإجتماعى حيث ينتقى بعض منهن فيبدأ فى معارضه أفكارهن بهدف فتح حواراً معه على رسائل الخاص ثم يتراجع عن المعارضه ويبدى القناعة فتحدث المعرفة واللقاء ثم العلاقة.. كانت هذه هى كذبتة فى التحقيقات التى أشرف والده على تصحيحها .. توقفت السيارة بعد عبورها بوابة كبيرة وتعلقت عينا القائد شهاب على شخص يقف خارج السيارة وكأنه يأمره بعدم إظهار معرفته به وأن يتصرف بطريقة عادية ..ثم غاصت عينا القائد شهاب إلى داخله مسترجعة ذكريات قديمة فلقد كان القائد شهاب يوماً ما قائده و يتذكر عن القائد شهاب النشاط والكفاح وكم من مهام قام بها معه فهو لا يهاب الموت بل كاد الموت نفسه أن يهابه تعلم منه الكثير فكيف يصير اليوم مكبلاً مقبوضاً عليه لابد أن فى الأمر شيئاً ولكن إشارته بعدم إظهار معرفته به لابد أنها فى الصالح .. همس الشيخ تامر الذى كدت أنساه " اللى إسمه هشام فين خليك معاه " بحثت عن هشام فوجدته داخل غرفة كبيرة يعرض بعض الأوراق على شخص بدين ويجلس بجواره شخص آخر يملى عليه و كان هذا البدين يقهقه قائلاً " مفهوم ياباشا يعنى الولدين يمشوا والباقى تجديد طبعاً عارف جنابك أنا ليه متميز عن زمايلى علشان ماشى بطريقة أطيعوا الله وأطيعوا الرسول وأولى الأمر منكم ..هات يا باشا مش إنتوا خلاص حقتوا يبقى اللى تشوفوه يمشى المهم أسيادنا يكونوا راضيين علينا .. إكتب يابنى أسماء الأربعة وقدامهم خمسة عشر يوماً على ذمة التحقيق مع مراعاة التجديد " إنطلق هشام سريعاً إلى السيارة التى تحركت وغادرت وعدت أنا إلى "الزنزانة 27 "

كنت أشعر بالدوار وأنا أفتح عيناى على وجه الشيخ تامر الذى
بدا عليه الضيق وهو يرفع صوته قائلاً " إنت شغال بمزاجك
مين قالك إرجع " ثم تبعه صوت جمال المحامى ساخراً " جاز
مش عاجبه الزنزانة هناك فجاء يريخ هنا شوية " عاد صوت
الشيخ تامر مرة أخرى لقراءة الآيات ورأسى تقع على صدره
مستسلماً للدوار إلى أن سمعت صوتا ينادى " حاتخرج وإلا
أقفل " تكرر هذا الصوت ثم تبعه نغزات فى كتفى أفقت على
هزاتها فوقعت عيناى على رجل بالزى الرسمى لحراس السجن
ظللت أنظر إليه نظرة باهته دفعته إلى أن يستكمل بقوله " ما هو من كثر البلاوى اللى بتشربوها لازم يجيلكم هلاوس
وكوابيس .. حاتقوم تخرج الفسحة وإلا أقفل عليك ؟ تماسكت
قليلا وأشرت له بأننى سأخرج بينما بحثت عيناى عن الآية
القرانية فلم أجدها فأرجعت ذلك إلى أن منصور قد يكون قد
أخذها ليستكمل الكتابة بدلاً منى عندما فشل الشيخ تامر فى
الإستكمال عندما غلبنى النوم من شدة الإرهاق .. كنت ألتفت
يميناً ويساراً كأنما أبحث عن شىء لا أعرفه وكان السجنان ينفخ
أنفاسه غيضاً وصبره ينفذ من الانتظار.. نهضت بحركات
متثاقلة وأنا أسأله " هو إسم الكريم إيه " فأجاب " إسمى عطيه
زى امبارح " بدت علامات التعجب على وجهى فإستكمل
عطيه " مش سألتنى إمبارح لما كنت بتدور على ورقة وقلم
وإلا إنت نظام ذاكرة اليوم الواحد وإلا إيه .. ماتخرج يا عم الله
يهديك خلينا نخلص من اليوم ده " إنصرف عطيه بمجرد
خروجى وتركنى فى حيرة لا أعرف إلى أين أذهب وبينما
يتجول المساجين من حولى ذهاباً وإياباً يلقي بعضهم على
بعض تحيات الصباح لم يلتفت إلى أحدا منهم وكأنه لا يروني
.. فسرح عقلى بأنه ربما أكون مجرد شبح بينهم ولعل عطية
أيضا كان شبحاً أو أنى ما زلت تحت سيطرة الشيخ تامر الذى
يحركنى دون أن يرانى أحد ولكنه أتى بى إلى سجن
الاستئناف بدلا من معتقل القائد شهاب .. فى جميع الأحوال

أنا حر الحركة ويمكنني الذهاب إلى حيث شئت .. تحركت بين المساجين ولا أحد منهم يهتم .. فتأكدت أنني غير موجود ..

أسرعت خطواتي وارتفع صوتي وأنا أسأل نفسي "باب السجن فين " وإذا بأحد المساجين يمسك بذراعى قائلاً " باب سجن إيه إنت إتجننت .. إنت ضارب إيه ؟

إزدادت قبضة يده على ذراعى عندما إقترب شخصاً آخر هامساً إليه بهدوء "إيه يا لبيب فى إيه " إستمروا لبيب فى التوبيخ قائلاً "مش مكفيه اللى إحنا فيه قال رايح يدور على باب السجن " تبادل الشخص الآخر وضع الإمساك بيدي وهو يهمس فى اذنى " و المسيح الحى لو ما إتلميت لأكون مبلغ أبونا إن إنت ورومانى ماشيين فى سكة المخدرات " إقترب لبيب من اذنى متسائلاً "هو رومانى فين " نظرت نحو لبيب قائلاً " رومانى مين ؟" خبط لبيب بكفيه وهو يقترب من الشخص الآخر قائلاً " شايف ياسامى .. ده مش معانا فى الدنيا .. ده فى عالم تانى " همس سامى فى اذن لبيب "رومانى" رجع من الترحيلة إمبراح وطبعاً تلاقيهم ضربوا هباب من اللى بيشربوه أكيد .. نظرت إلى وجه سامى مستعظفاً وقلت " والنبى تسيبونى فى حالى أنا اللى فىا مكفينى " إنتفض سامى قائلاً " والنبى ؟" فقلت "آه .. عليه الصلاة والسلام " فإبتسم سامى ساخراً وأضاف " طب زيد النبى صلاة " فقلت " عليه أفضل الصلاة والسلام " فتحول وجه سامى إلى الغضب ونظر إلى عيناى قائلاً " عارف .. إن شاء الله حتى لو أسلمت .. حاتكمل القصة يعنى حاتكمل القصة .. أسرعت خطوات سامى ولبيب وهما يمسكان بذراعى حتى صرت أمام شخص قصير سمين إبتسم لى قائلاً " الواد رومانى حطلك التامول فى الشاى يا مغفل " إستدرت حولى لأرى أصحاب الضحكات التى جلجلت حولنا فإذا به يستكمل " بس إنت خرفت تخريف .. تعالى بقى اقعد كامل لنا الحكاية .. ده إذا كنت لسه فاكرها " إنطلق الضحكات عالية

غير عابئة وأشار لى بالجلوس على الحصير أمام زنزانتهم
بينما وجه إليه لبيب قوله "إعمله شاي ياعونى بس من غير
برشام يمكن يفوق " كان عقلى شاردًا فهزنى سامى بكتفه
قائلًا " هووو .. رحى فىن ياعم عادل ؟ عندها أقبل عونى
وبيده كوب من الشاي قائلًا " هو لسه ماخلصش القصة .. ده
مترحل النهارده بالليل على سجن دمنهور " أشار لهم سامى
بالصمت ثم مال نحوى برأسه قائلًا " إنت كتبت لحد فىن "
فملت ناحيته أكثر قائلًا " مش عارف " إرتفعت ضحكاتهم مرة
أخرى بينما إستكمل سامى " طيب كتبت عن موضوع
ماسبيرو والضرب اللى حصل لنا هناك وموضوع إمبابه
والقهوة بتاعتى اللى كسروها وضربوا نار فيها وبعدين عملوها
مقر ميدانى وخدونا حبسونا وتجديد فى تجديد وجلسه كل
شهر والشهود مش بيحضروا " فأجبت " الحقيقة مش عارف
إن كنت كتبتة وإلا لسه لكن الاكيد إنه بيتكتب دلوقتى وإنت
بتقوله " .. تعالت الضحكات أكثر فاكتر بينما بدا على سامى
الجديه وهو يسألنى " طيب فىن اللى إنت كتبتة " فملت عليه
محاصرا فمى بيدى حول أذنه قائلًا فى " الززانه 27"

الحلقة التاسعة عشر

كانت الضحكات صاحبة ترج سجن الاستئناف وتزايد بينما لم
أجد سامى ينظر تجاهى فأفقت على أن الضحكات لم تكن
ناتجة عن جملى الأخيرة وإنما كانت لسبب آخر إتضح عندما
وجه سامى حديثه إلى قائلًا " أهه جالك رومانى حبيبك
ياسيدى " ثم إستطرد موجهًا سؤاله الساخر إلى رومانى " إيه
اللى رجعتك من طره يارومانى رفضوا يستلموك ؟ " قام
رومانى بحركات سريعة خلع فيها ما يرتديه بقدمية
وطوقهما حول بعضهما وهو يجلس ويمد يده إلى كوب
الشاي الخاص بى ويجيب " ياعم سامى كويس إنهم رفضوا
كان زمانى مفحوت ده بيقولك هناك مطحنه " إعتدل سامى

فى جلسته وهو يلتفت نحو "رومانى" وهمس بصوت خافت "قولى لى بصحيح القائد شهاب كان معاك فى الترحيلة من دمنهور" أزاح رومانى كوب الشاى من فمه وكأنما تذكر شيئاً قائلاً "يابويا .. أنا ماكنتش أعرفه .. إحنا كنا خارجين من سجن دمنهور نركب عربية الترحيلات كل إثنين فى كلابش واحد وبصينا لقينا عربيات مدرعه وحرس وسلاح وهيصه كله إترعب ولسه بأركب قالوا لى أنا واللى معايا لا إنتوا مش هنا .. إطلعوا العربية اللى ورا خالص دى .. وأنا بأنزل تانى البطانية وقعت من إيدى وملفوف فيها حاجاتى ولسه بأحاول أجيبها لقيت اللى معايا فى الكلابشات بيقولى سيبتها هما حايجيوها وفعلاً لقيت إثنين مخبرين وإثنين عساكر بيلموا الحاجه قلت فرصه ورحت رامى الشنطة من كتفى .. تعالت ضحكات سامى ومجموعة الجلوس بينما نحن نستمع إلى رومانى الذى إستكمل بقوله "ملت بكتفى على أحد المخبرين وسألته بهدوء" هو فى إيه ياباشا" قال لى "حراسة مشددة لسجن طرة شديد الحراسة" قلبى وقع رحت مايل عليه وقايل له "أنا رايح طره تحقيق يا صاحبى مالى أنا ومال شديد الحراسة" راح رازعنى حته دين بصبه وقال "لهو إنت فاهم إن كل الحرس ده والمدرعات دى علشانك إنت يا تعبان فى نافوخك؟ ده علشان القائد شهاب يافالح .. مالحقتش أكمل كلامى لقيتني بقيت جوه المدرعه .. أنا وزميلي وبس .. بصيت فى وشه لأول مره وأنا بأقول "عارف كل الهيصه دى ليه" حسيت إنه ماسمعنيش فكمليت كلامى "سمعت إن فى واحد معنا تقريباً مخطرينه وعامل لهم قلق يعنى إحتمال يحصل علينا ضرب نار فى السكة" حسيت برضه إنه ماسمعنيش فقلت له "بس سيبك إنت أحلى حاجه إنهم حطوني أنا وإنت لوحدنا فى العربية الأخيرة وأكيد لو فى ضرب حايداً بالعربية اللى فيها الراجل الخطر ده قدام يعنى إحنا بعيد" همس زميلي بصوت خفيف "ماتعرفش إسمه إيه" قلت "إسمه القائد

شهاب " إبتسم وقال لى "طيب ياسيدى أنا القائد شهاب " هو قال كده وأنا هاتك ياضحك وأبص على الكلابشات اللى فى إيدى وإيده وأضحك وهو يقولى "حايبدأوا بالعربية اللى فيها الراجل الخطر مش كده " وأنا أضحك وأبص على الكلابشات لحد ما عينى دمعت من الضحك وبأضرب بعينى لقيت حد طالع المدرعه طلع مسجون سمين أوى ومتكلبش فى كرسى بلاستيك وطالع متبسم وبيقول " أيوه كده العربية دى فاضية " أنا سمعته بيقول كده وماقدرتش أمسك نفسى من الضحك والقائد شهاب يهمس لى أمسك نفسك وأنا أبدأ رحت قايل للراجل والكلام خارج منى بالعافيه وعينى مليانه ضحك على دموع " أصل دى العربية اللى حايضربوها بالنار ياعم الحاج " لقيت الراجل أتفزع وقال لى " يا راجل فال الله ولا فالك .. العربيات إتحركت وسراين الدنيا شغاله وفين وفين وصلنا ترحيلة دمنهور .. نزلنا من المدرعه ودخل كل المساجين على زنانتين وأنا والقائد شهاب زنزانه كبيره أوى وفاضية ولسه بأقوله " يبقى حايضربونا بالنار هنا ياباشا " لقيت الباب بيتفتح وداخل الراجل السمين ده تانى وبيبص لى رحنا واقعين ضحك أنا والقائد شهاب راح الراجل هو كمان ضاحك على ضحكنا وقايل " حتى لو حايضربونا بالنار .. أنا قلت لهم عاوز أروح مع القائد .. تصدق يا باشا أنا عملت كثير.. زورت ورق للعربيات اللى داخله من بره وطلعت رخص سواقة بالفلوس من غير إختبارات .. صحيح لما كنت فى المرور كنت مدورها بس التهمه دى بالذات أنا برىء منها وتصدق إنها جت لى بعد ما توبت .. أكيد ده تكفير ذنوب بقي قبل الواحد مايقابل رب كريم .. لسه الراجل ماكملش كلامه ولقيت المخبرين بينادوا قطر القاهرة وصل اللى مترحل إستئناف يخرج من الزنازين على محطة القطر والمساجين اللى مش مترحلين بينادوا على القائد شهاب بصوت عالى " ربنا معاك يا قائد .. ربنا يقويك وينصرك " قعدنا فى المحطة شوية ولقيت القائد

شهاب يقولى " عارف المسلمين بيصلوا إزاي ؟ فقلت له آه
بيفضلوا يقوموا ويقعدوا كده قام مبتسم وقايل لى " لو جت
لك فرصه إن ذراعك يدخل الجنه تسيبه " بصيت بإستغراب
قام قايل لى " أنا حاقوم أصلى وإنت معايا لما أقوم تقوم
ولما أقعد تقعد " .. ضحكت وقلت له ياباشا هو يعنى إنت
تروح الجنه وتهد حيلى أنا ماتصلى وإنت قاعد زى كل الناس
ما بتصلى وهى قاعدة إلا بقى إذا كانوا حايأخدوا لنا لقطة
تنزل فى المجلات تحت شعار الوحده الوطنية .. إبتسم القائد
شهاب وصلّى وهو قاعد و ركبنا القطر وقعدنا فى عربية
المساجين على الأرض وخبطنا عيش وحلاوة ونمت لحد
محطة رمسيس صحيت على عربية مدرعة داخله جوه
المحطة بظهرها أخذتنا أنا والقائد شهاب على سجن
الإستئناف الساعه إثنين بالليل .. ولقيت الحوش بدأ الإستقبال
والضرب شغال و المخبر اللى إسمه ناصر جه جرى فك
الكلابشات وسابنى فى الحوش مع الحوش و أخذ القائد
شهاب على "الزنزانه 27 "

الحلقة العشرون

كنت أستمع إلى رومانى وهو يسرد رحلته مع القائد شهاب
وعقلى يسترجع ثغرة بين الأحداث لا أذكرها فكيف أصحو من
غفلة لا أجد بعدها الشيخ تامر وجمال المحامى وكيف أترك
القائد شهاب فى معتقلة المظلم و أفيق فأجد رومانى يحكى
عن ترحيل القائد شهاب من سجن دمنهور إلى سجن
الإستئناف ثم إلى سجن طره شديد الحراسة .. لمح سامى
عقلى شارداً بينما لم يتوقف رومانى عن الكلام وشرب الشاى
فنكزنى سامى بيده قائلاً " ركز معانا يا عم عادل الله يكرمك
بدل ماتفوتك حته ماتكتبهاش وتخلى القراء يتوهوا" .. إقتربت
من سامى هامساً " هو جمال المحامى فىن " تعجب سامى
من سؤالى لكنه أجاب " عنده جلسه وزمانه راجع " فتابعت

"والشيخ تامر فين " أجاب سامى بهدوء أكبر " خرج إمبارح
عقبال أملكك حايبقى عضو فى مجلس الشعب " قررت أن
اصارح سامى بما يدور فى عقلى فأشرت إليه أن يقترب من
فمى وهمست " أنا مش فاهم أى حاجه وحاسس إن فى فرن
بلدى فاتح فى نافوخى والناس واقفة تشتري من غير طابور "
أشار سامى لرومانى أن يتوقف عن الكلام وإنتهزت الفرصة
فإسترقت كوب الشاى من أمام رومانى وتناولت آخر رشفة به
ثم أرحت ظهرى إلى الحائط وتنهدت وكأنما أفرغ حملاً ثقيلاً
عن صدرى .. أشار سامى لكل الجلوس بالإقتراب أكثر حوله
ثم بدأ حديثه " يظهر إن عادل تعب من متابعة القصة لوحده
علشان كده إحنا لازم كلنا نساعدده ونسهل عليه مهمته
علشان القصة دى مش قصة القائد شهاب لوحده دى قصتنا
كلنا قصة كل معاناه بيشوفها المخلصين فى بلدنا وكل ظلم
وقهر بيتعرض له كل شريف و كل فساد عايش فينا وبيقضى
علينا ومن حسن الحظ إن القائد شهاب كتب عن كل ده
وضرب المثل بكل شخصية قابلها وكتبها علشان يوصف بيها
حالة من حالات المجتمع علشان كلنا نعرف ضعفنا فين و
قوتنا فين علشان يوم ما يبجى الحق يظهر يلاقى ناس تنصره
مش يلاقينا كلنا أخذنا الباطل فى سكتة " .. ظل سامى يتابع
وكانه يلقي نصيحه فى الكنيسة بينما يهز الجالسون رؤسهم
فهماً وتأييداً إلى أن إستوقفت سامى بسؤال ظل يلح على
عقلى حتى خرج من فمى " إنتوا تعرفوا القائد شهاب ده
منين أصلاً " صمت الجميع وتحركت أنظارهم نحو رجل يجلس
فى ركن بعيد داخل الزنزانة المواجه لنا ثم قرر سامى أن ينقل
المجلس إلى الداخل فأشار للجميع بالدخول وأمسك بيدي
بينما إستعد رومانى للإنصراف وهو يوجه كلماته نحوى "
الإستقبال فى سجن دمنهور " ملط " يا زميلى ولا تقولى عوره
ولا إنسانية والخرزانات فى عز البرد ما أقولكش لكن عموماً
إبقى خد بطاطين كثير معاك علشان الزنازين هناك ثلج يا

زميلى ثلج " أومات برأسى لرومانى وأنا أتحرك إلى داخل
الزنزانة والجميع يضعون القبلات على يد الرجل الجالس
ويجلسون بشكل نصف دائرى حوله .. ضغط سامى على يدى
كى أجلس ثم تقدم نحو الرجل الرقيق الجسد نحيف الوجه
وإنحنى مقبلاً يده ثم عاد ليجلس بجوارى .. نظر الرجل إلى
قاع عينى نظرة عميقة ثم توجه إلى سامى بسؤاله " الكسوة
وصلت والمعونه " فأجاب سامى بهدوء " وصلت يا أبونا
ومنتظرين أوامرك " تابع الرجل " إبقى إدى كسوة كاملة
لعادل ومعونه وإبعت له فلوس فى الكانتين بتاع سجن
دمنهور " أوما سامى برأسه ثم تابع " بالنسبة لرومانى يا أبونا
لسه غضبان عليه علشان حكاية الحبوب اللى بياخذها .. الولد
مؤدب قام من نفسه ومشى قبل ما ندخل عندك لكن هو
غلبان ومحتاج رعاية .. " قاطع الرجل سامى قبل أن يكمل
جملته قائلاً " الكسوة دى حق ياسامى .. الناس باعتها للكل ..
ياخذ طبعاً كسوته " هز سامى رأسه مبتسماً ثم نظر نحوى
وكأنما يوجه الرجل لبدء الحديث معى أو أن دورى قد حان
للكلام أو الإستفسار عن ما يدور بعقلى وما أن هممت بالنظر
إلى الرجل حتى قال " تعرف إيه عن حق الإنسان فى الحياة ..
حق الإنسان فى العبادة .. حق الإنسان فى السعادة " نظرت
إلى وجه الرجل بتركيز شديد فإسترسل قائلاً " تعرف إيه عن
رسالة الخير اللى إنت بتكتبها للناس .. " نظرت نحو سامى وأنا
أهمس " أنا " فإستكمل الرجل " أيوة يابنى إنت .. إنت مش
شخص .. إنت رواية مكتوبة يمسكها الناس ويقرأوها .. حاول
تكون مفهوم وبسيط واضح وصريح لأن كل اللى حايقراً
حا يكون لوحده وهو بيقرأ .. إنت وهو وبس .. لازم يفهم من
كلامك إن العيب مش هو اللى فى الزنزانة لا .. العيب فىنا
كلنا .. العيب مالينا .. الرسالة لازم تخليه يواجه نفسه يعرف
عيبه ويعالجه ويقوي علشان يقدر يحقق ذاته .. لازم يحس إن
الظلم إلى بيقرأه ويحزنه إحنا اللى سايبينه عايش وبيقوي ..

الكذب إالى بنشوفه إحنا اللي بنصدقه ونسكت عليه ..
الفساد اللي فى حياتنا إحنا اللي بنقوية بضعفنا " إنتفضت
معتدلاً فى جلستى وإقتربت برأسى من الرجل هامساً " بس
أنا أضعف من ده كل.. أنا نفسى بايظ يا أبونا " إبتسم الرجل
إبتسامة خفيفة قائلاً " يبقى إنت أول واحد لازم يقرأ الرواية
أول ماتخلصها " إبتسم الجالسون دون صوت وتمايل أحدهما
على الآخر هامساً بينما تابع الرجل " كلنا كده يابنى مين فينا
مابيغلطش .. القائد شهاب نفسه مش ملاك .. لكن المهم
الرسالة توصل و نعرف عيوبنا ونواجهها علشان نقدر نعالجها
.. مين ممكن يقولك عيوبك من غير ماتزعل منه غير نفسك ..
علشان كده لازم تكتب بطريقة تخللى كل واحد يقرأ وكأنه
بيكلم نفسه بيواجه حقيقته علشان يفوق ويفوق غيره وبارادته
ينقلها لكل شخص بيحبه لحد ماتوصل لنا كلنا " قاطع سامى
قائلاً " يلا يا جماعه كفايه كده خلوا أبونا يرتاح " أشار إليه
الرجل أن ينتظر برهه قائلاً " القائد شهاب كان بطل وصاحب
نفوذ وشهره وكان نفسه يشوف بلدنا فى أحسن حال و ينصح
المجتمع للوصول إلى الأفضل لكن الظلم قام ضده فكان
مصيره الإعتقال فى زناناته الإنفرادية المظلمة تحت الأرض
ثم فى سجن الإستئناف مع الجنائيين ثم فى سجن دمنهور
بين رجال الأعمال ثم بسجن العقرب شديد الحراسة بين
الإخوان وذوى النفوذ والوزراء مجرمى نظام ما قبل الثورة
وعندما أنهى مدة إعتقاله عاد ليصارع مرة أخرى مجرمى
الوطن خارج السجون " قاطعت مرة أخرى عندما "أشفقت"
على نفسى من تلك المهمة قائلاً " طب وأنا مالى " إحمر وجه
الرجل غضباً قائلاً " أهى دى أكبر جريمة عملناها فى حق
نفسنا لما كل واحد فينا قال أنا مالى " مد سامى يده ممسكاً
بذراعى ليستوقفنى قائلاً " يابنى ماتحاولش مافيش فايده ..
إنت اللي حاتغنى يامنعم " تبسم الرجل وضحك الجالسون

بصوت خافت والكل يستعد للإنصراف بقبلات سريعة على يد الرجل ثم نقلتني خطواتي المرتجفة عائداً إلى "الزنزانة 27"

الحلقة الواحدة والعشرون

كانت الزنزانة مظلمة لا تخلو من ضي المغيب المتساقط من النافذة الصغيرة على جدرانها كاشفة عن كتابات متعددة لمساجين لاحصر لهم سبق أن إعتاشوا بها فإنقبض قلبي وإرتدت قدماي عن الدخول وإذا بيد ثقيلة تقع على كتفي وشخص يقترب من اذني صارخاً " صل على النبي " إلتفت وأنا أصلى عليه بأفضل صلاة وسلام فإذا بوجه جمال المحامى مبتسماً يقول "كئيبه أوى الزنزانة دى ..صح.. ولا تزعل نفسك ليها حل إوع كده .. أزاحنى جمال بيديه ثم وقف على مدخل الزنزانة رافعا صوته " كئيبه صفا .. كئيبه إنتباه " ثم إستدار نحوى رافعا يده بمحاذاة أنفه وكأنما يؤدى التحية العسكرية قائلاً " تمام يافندم الكئيبه " إنزلقت بسمة رغما عنى فإرتسمت على شفتاي وإذا بجمال المحامى يلقي بصدرة على صدرى محتضناً بقوة ومرتباً على ظهري بقوله " روق يا عم عادل بقى والله حاتروق وتحلى وتبقى زى الفل " فإندرف سيلاً من الدمع رغماً عنى حينما تذكرت أن مر بي زمناً طويلاً دون أن أرتمي بين أحضان أحداً من أهلى وبينما يرفع جمال وجهى ليرى إبتسامتى إندهش من دمع يلطخ خدى فأسرع قائلاً " الله الله الله .. ده لا عاش ولا كان اللى يبكيك يا زميلى وأنا موجود .. تعالى هنا قولى و إحكي لى فى إيه " أخذ جمال بيدي إلى أن جلسنا داخل الزنزانة و يده مستنده على كتفى جاذباً رقبتى نحوه بشدة قائلاً " عليا النعمة من نعمة ربي أعلقه .. عارف يعنى إيه أعلقه .. مين ده اللى زعل كاتبنا الكبير وأنا مش موجود .. بص .. شاور لى على أى حد فى السجن كله .. إلا طبعاً فكرى بيه علشان ده ممكن يعلقنى ويعلقك ويعلق اللى يتشدد لنا" ظلت عيناى

تمسح جدران الزنزانه بما عليها من أحرف ورسوم وعبارات ثم
إستقرت على وجه جمال وسقطت الكلمات من بين شفتاي
ثقيلة متقطعة " يعنى من بين كل الحواديت اللى مكتوبة
على الحيطان دى , إشمعنى قصة القائد شهاب اللى تتكتب
وتقع فى قرعتى أنا وإشمعنى أنا اللى أكتبها " نفخ جمال
مزيحاً وجهه نحو الجدران قائلاً " ياعم خضتنى .. ده أنا قلت
فى حد زعلك .. طيب ياسيدى تاهت ولقيناها .. بص بقى ..
أولاً إنت مش المفروض إنك تكتب قصة القائد شهاب لوحده
لا ده إنت حاتكتب قصة الزنزانه 27 يعنى بعد ماتخلص حكاية
القائد شهاب حاتدخل بقى على كل حرف مكتوب على
الحيطان دى وتكتب لنا قصة صاحبه وإيه اللى حصل معاه
وليه وإزاي " نظرت إلى عين جمال متحققاً من جديته فوجدت
صرامة لم أعهد لها فى وجهه من قبل فوجدتنى أميل برقبتي
بشدة قائلاً " نعم .. ده عندها .. ده فى المشمش .. وحياة
امى ما أنا كاتب حرف بعد كده وأهى عندكم أهى تكملوها
تحرقوها تلتزقوها على الحيطان براحتكم أنا لحد كده وكفاية أنا
جبت جاز " نهضت من جانب جمال لاحضر الأوراق المكتوبة
فإذا به يقهقه بصوت مرتفع قائلاً " عارف حكاية الراجل بتاع
المعزه " إلتفت إليه ويدها تبحث بين أشياءى قائلاً " معزة إيه
" أشعل جمال سيجارة وهو يستكمل كلامه قائلاً ده واحد
عمل زيك كده بالضبط " كان مخنوق من عيشته وراح
يشتكى للشيخ فقال له يا مولانا أنا خلاص مش قادر ..أنا ومراتى
وامها عايشين فى اوضه واحده ونفسى أعيش فى بيت أكبر
وشغلى مش جايب دخل كويس ومش عارف الحال ده
حايفضل كده لحد إمتى .. الشيخ قاله جيت فى وقتك أنا كنت
عاوز منك خدمه تعملها لى وأنا أحل لك مشكلتك .. الراجل
قاله تؤمر يا مولانا .. الشيخ قام جاب له "معزه " وقاله خد دى
معاك يومين كده و أخذها من عندك .. الراجل أخذ المعزه
وقال فى نفسه يمكن الشيخ عاوز يدينى فلوس وعمل كده

علشان يبقى نظير إني حافظت على معزته فأخذ المعزه
ورجع البيت .. تانى يوم الشيخ راح يزوره وأخذ معاه شوالين
وجرة ميه كبيرة وقال للراجل دول أكلها وشربها خليهم عندك ..
بعدها بيومين الشيخ راح يزوره ومعاه معزتين صغيرين وقال
للراجل دول ولادها وأنا نسيت إنهم فى عمر الرضاعة و
لقيتهم حزانى ورافضين الأكل أعتقد لسه ميعاد فطامهم
بدرى أستأذنك نخليهم مع أمهم وبكره بمشيئة الله أجيب لك
الخروف .. الراجل إتنفض وقال للشيخ إيه هو في إيه يامولانا
ده أنا جيت أشتكى لك إن البيت على قدنا يادوب تقوم تجيب
لى المعزه وأكلها وشربها وعيالها وبكره تجيب لى خروف
كمان إزاي يعنى ده إحنا بقينا خلاص مش عارفين نتحرك فى
البيت ولا نأكل ولا نشرب .. تبسم الشيخ وقال للراجل طيب لو
أخذت المعزه وولادها وأكلها وشربها ومشيت يبقى إزاي الحال
.. الراجل قاله يبقى كتر ألف خيرك .. الشيخ قال له طيب
ماكنت تحمد ربنا من الأول على نعمته وترضى بعيشتك
وتشكر ربنا كمان عليها " كنت قد إنجذبت لما يسرده جمال
المحامى محاولاً أن أفهم المغزى الذى يقصده من تلك
الحكاية وما أن أتمها جمال حتى دخل ذهب قائلاً " دلوقتى
يقولك وأنا مالى أنا ومال الراجل بتاع المعزه " نظرت نحو
ذهب بينما إرتفع صوت جمال مدوياً " أهلاً ياباشا يا ألف أهلاً
وسهلاً والله لسه كنا فى سيرتك بالخير يا باشا " إنتقلت
أنظارنا أنا وذهب سريعاً من على وجه جمال الذى كانت عيناه
متسمرتان على شيئاً خلف ظهورنا إلى أن وقعت أبصارنا
على فكرى بك ومن خلفه مسئول تفتيش المصلحة وبجواره
محمد بك يرتدى جلباباً أبيض وطاقيه خضراء ومن خلفهما
الشاويش عبد الناصر والجميع وقوف على مدخل " الززانه

الحلقة الثانية والعشرون

كنت أوشك على الإنهيار بينما كان المفترض أن أظل واقفاً أثناء وجود مسئول المباحث ومسئول تفتيش المصلحة لكن ساقاي لم ينتبها لذلك وتركتا جسدى يخور لأسقط على الأرض بينما عيناى متسمرتان على وجه فكرى بك الذى لم يحرك ساكناً إلى أن أسرع جمال بوضع يده أسفل كتفى ليجلسنى مستنداً على الجدار وموجهاً كلماته إلى فكرى بك قائلاً " ده قاطع النفس خالص ياباشا" وضع فكرى بك يده خلف عنقه رافعاً رأسه لأعلى وهو يزفر قائلاً " إدى الواد ده حاجه تفوقه .. الورق ده لازم يكمل ولازم يخلص ويوصل للناس .. إنت سامع " أوما جمال برأسه بالإيجاب ثم إقترب بوجهه من وجهى وهو يفتح فمى ليضع فيه حبة ما قائلاً " يابختك يازمىلى .. بتبرشم بأوامر مسئول المباحث .. عليا النعمة إنت زاعقلك ولى .. ثم وضع زجاجة خضراء على حرف شفثاى قائلاً " إشرب .. إشرب يابن المحظوظة " تابع فكرى بك كلماته إلى جمال " كل واحد يروح على زنزانة وخليك إنت معاه هنا لحد الترحيلة ويكمل القصة هو يقول وإنت تكتب وراه ده لما يفوق طبعاً مش ناقصه كلام مساطيل " مر وقتاً ليس بالقليل حتى أفقت تماماً فوجدت الأصوات قد تلاشت من حولى وإنصرف الجميع وكان جمال المحامى يللمم كل شىء فى الزنزانة ويضعه فى حقيبة كبيرة ثم جلس أمامى عندما شعر أننى أفقت فوجه كلماته إلى قائلاً " بص ياسيدى أنا قلت لفكرى باشا إنك حاتفوق بعد ساعة وإنى حأجهز لك حاجتك للسفر لأنك حاتتحرك على دمنهور كمان ساعتين وحاتكمل القصة هناك " كنت أنظر إلى جمال دون أن أنبس بحرف ثم تابع كلماته قائلاً " بص يا عادل .. صحيح إنت مالكش ذنب إنك تكتب القصة لكن أكيد لو فهمت الغاية منها حاتحب إنك تكمل كتابتها .. القصة دى بتقول إن كلنا بنغلط لكن جوانا أكيد

جزء حلو .. والمطلوب إننا نعرف عيوبنا وننمى الخير اللى فىنا
وإنت دورك تعرف وتكتب كل حاجة بتشوفها وتسمعها زى
ماهى .. يعنى بالبلدى كده إنت وكيل نيابة بتحقق معانا كلنا
اللى جوه السجون وإللى براها .. لكن مش علشان تحبسنا كلنا
.. لا علشان تنقذنا كلنا " كان تأثير ما إبتلعته بيد جمال قد
سرى فى دمي فأعتدلت مواجها لجمال وأنا أتناول الورق
والقلم قائلاً " طب إسمك وسنك وعنوانك " قهقهة جمال
ضاحكاً ثم أردف " لا يا حبيبي تحقيق من غير فضايح ولا
تشهير .. يعنى تعمل لكل واحد إسم ثانى وماتكتبش رتب
وماتجيبش سيرة حد من كبارات البلد مش عاوزينها تتمنع من
النشر " إعتدلت وأنا أضع القلم على الورق دون أن أنظر إلى
جمال الذى تابع قائلاً " أنا طول عمري كنت ماشى جوه الحيط
خايف أواجه وخايف من المشاكل وخايف من السلطه و خايف
حتى من اللى بأناقشهم وأنا بأدافع عن الناس وبأجيب
حقوقهم ما هم يقدروا يحبسونى لو شكلى مش عاجبهم
..كنت بأخاف من السياسه ومن كل حاجه لها علاقة بالسياسة
ومجرد الكلام فيها .. الخلاصة مشيت مع الأضمن .. مع
الرايجه .. قوة العلاقة مع السلطه .. باشوات .. وكلاء نيابة ..
سكرتارية المحاكم .. القضاة .. وبعدين إحترفت المحاماه
بالطريقة الأنجح .. رشاوى .. هدايا .. سهرات .. فلوس ومخدرات
وستات .. بالطريقة دى وصلت للشهرة على مستوى
منطقتى .. عمري ما حسيت بذنب إنى بأتعامل بالغلط وفى
الغلط وللغلط .. من الآخر .. أنا كنت محامى شمال .. لحد
ما قابلت القائد شهاب .. واجهنى بانى وصولى و إنتهازى و
متسلق .. عدلنى على القبلة .. كنت بأحكى له عن قضيتى ..
حاولت أوهمه إنى مظلوم وإنى كنت بأدافع عن واحد غلبان
سعيت إنه يعمل كشك يأكل منه عيش لكن الناس
ماعجبهاش إنى عملت له ترخيص وحاولوا يكسروا له الكشك
فإستنجد بيا فخرجت من البلكونه وضربت عليهم نار بالبندقية

الخرطوش وإتحبست على ذمة القضية .. لما حكيت له القصة
فسر لى كل سلوك أنا عملته و إدانى درس فى الأخلاق خلانى
حلفت من ساعتها إنى أكون إنسان جديد .. إنسان صادق ..
محامى محترم .. أبقى راجل له كلمة .. ومن ساعتها وأنا
بأحاول .. إرتسمت بسمه خجل على وجه جمال وهو يقول " و
زى ما إنتوا عارفين يا شطار إن الخير دايماً بينتصر على الشر ..
صحيح الشر بيطلع عين الخير طول الفيلم لكن فى الآخر
برضه الخير بينتصر " كان جمال قد أنهى حديثه عندما إرتفع
صوت السجن فى الخارج ينادى " اللى يسمع إسمه ينزل
تحت .. اللى يسمع إسمه ترحيلة وجه بحرى ينزل تحت .. اللى
يسمع إسمه ترحيلة دمنهور ينزل تحت " نظرت إلى جمال
فوجدته منصتاً إلى الأسماء منتظراً سماع إسمى كى
يودعنى وكان الصوت الجهورى يرج السجن بالكامل دون
فواصل تسمح بالتعليق وبدأت الأسماء تتوالى على مسامعنا
" هانى عويس خضر .. سمير لويس حنا .. سامح صالح الراوى
.. عادل محمد الشريف .. جمال أحمد حماد " قفز جمال من
مجلسه وأسرع تجاه الباب وهو يصرخ " يانهار اسود ومنيل ده
إسمى .. دمنهور إيه وزفت إيه .. لم يلحظ جمال أثناء هرولته
للخارج أنه لم يرتدى شيئاً بقدمية من الفزع .. وتعجبت كيف
كان جمال يتقبل لى شيئاً ويعد لى حقيبتى بينما يرفض
نفس الشىء لنفسه .. وماذا إذا كان جمال هو المكلف
بإستكمال القصة وكتابتها فهل كان سيقبل المهمة من أجل
توصيل الرسالة إلى الناس .. سرح خيالى فى إن كان هذا جزء
من ما أراد القائد شهاب تحديداً أن يروى عنه فى قصته أننا
بالفعل لا نكثرث لما يحدث للآخرين من حولنا بمشاعرنا
الحقيقية ولا نضع أنفسنا فى أماكنهم فعلاً و أننا إن ساندنا
غيرنا نكتفى بمؤازرهم بعبارات مصطنعة باردة خالية من
المشاعر و أصبحنا لا نحب لغيرنا مانحب لأنفسنا لأننا أصبحنا
نحب أنفسنا وانفسنا فقط .. سرح خيالى فى نفسى لأننى

فعلت ما فعله جمال تماماً.. راجعت أننى لم أستشعر ملاقاه
غيرى بين جدران هذه الزنزانة اللعينة.. وحيداً ليلاً ونهاراً بين
أربعة حوائط لا تدخل إليها الشمس أبداً ولا يُرى من نافذتها
سماء ولا أرض ولا يكسر صمتها إلا وقع الخيرزان على أجساد
المساجين و شرز العصا الكهربائية وألفاظ السباب واللعان التى
تبلى بها آذان المساجين و أحاديث المساجين عن أفاعيل
الظلم والذل والمهانة .. لم أستشعر كل عزيز قوم ذل قضى
قدراً من عمره بين هذه الجدران بل كان همى هو نفسى وما
أعانيه أنا هنا .. مررت بعيناي مرة أخرى على جدرانها
وإستنشقت رائحتها فإذا بى أسترجع ماكتبه القائد شهاب عنها
فى قصته فوجدته لم يكن سجيناً بها ولم يدع لليأس مكاناً
فيها ولم يسمح للخوف أن يزورها يوماً بل ترك بداخلها كلمات
من نور إن خرجت للناس أخرجتهم من سجنهم داخل أنفسهم
.. لذا قررت أن أستكمل مهمتى فى كتابة روايتى " الزنزانة 27
"

الحلقة الثالثة والعشرون

كانت الظلمة تغلف كل شىء حولى عندما دَقَّعت قدمى
للمغادرة ورمقت بنظرة محزونة خروج بعض المساجين من
الزنازين المجاورة إستعداداً للرحيل إلى سجن دمنهور بينما
كان جمال المحامى عائداً تجاهى يتراقص يبدو عليه نجاح
متوقع بعد أن قام برشوة المسئول عن الترحيل بعدد لا بأس
به من صناديق السجائر ليرفع إسمه من كشف الترحيل ..
أصبته إصابة بالغة عندما وجهت له سؤالى " بتقول إنك
إتغيرت .. وبقيت إنسان جديد .. للأسف الرشوة بقت بتجرى
فى دمك زى المخدرات .. الحيلة والمكر أصبح جزء لا يتجزأ من
إسلوب حياتك لتنفيذ رغباتك " دمعت عينا جمال وهو ينظر
نحوى مودعاً بلا أمل فى اللقاء مرة أخرى .. وأغلب الظن أنه
لم يكن يتمنى أن يكون آخر ما سمعه منى هو عتاب ثقيل

بعد كل ما قدم لى من المساعدات كما أظنه كان يتمنى أن يكون آخر ما يكتب عنه فى سطور الرواية أنه قد أفاق من غيبوبة السلوك الخاطيء للأبد .. ربما كان يتمنى أن يضرب به مثلاً يطرح الأمل فى الإصلاح لكل من يقرأ عنه فى هذه الرواية إذا كتب لها الخروج للناس .. وكعادة الرياح لم تأتى بما تشتهي السفن فلقد كان صوت السجنان حكماً نهائياً بأن تبقى سيرة جمال فى أذهانكم بعودته إلى ما ينتمى إليه من الفساد والرشوة لإتمام مصالحه .. أضع السجنان علي جمال فرصة القول الأخير كما أضع على كلانا لحظة عناق الوداع الذى تمنيته لأستشعر إنه كان هناك بقايا من طيبة القلب تعيش فى صدر جمال وبحركات غاضبة أمسك السجنان بيد جمال متحركاً به نحو زنزانة وعاد ليدفعنى تجاه النزول إلى أسفل حاملاً على ظهرى أغراض نومى وحقيبتى إلى أن وجدت بالفناء تلاً من الحقائق والأمتعه يقف أمامه عدداً لا بأس به من المخبرين من ذوى الخيرزان يضعون البصمة الأخيرة لهم على ظهر من يضع أمتعته بضربة موجعة مصحوبة بسبة مختصرة وإن إستشعر أن ضربته لم تكن مؤلمة بالقدر المرضى له تبعها بعدة ضربات سريعة يصاحبها سيلاً من السباب يطفىء به نيران غل دفين و إن كلفه ذلك أن يهرول خلف السجين مواصلاً ضرباته إلى أن يجلس بين الجموع ثم يعود فاتحاً يديه بجانبية مختالاً بقوته التى لا صاد ولا راد ولا مانع لها .. ثم يقف ليشعل سيجارته باحثاً بعينه بين المساجين عن من يبدو عليه إستنكار مافعل ليصبح فريسته التاليه .. ينهى سيجارته وهو يحصد بعينية نظرات الإعجاب من زملاءه المخبرين الذين يباشرون واجبهم المقدس مثله على أكمل وجه ساهرين فى البرد القارس تاركين أهلهم وزويهم من أجل الوطن .. جل ما تمنيته حينها هو أن تراه زوجته أو إبنته أو أمه لتعلم حقيقتة وعلى النقيض لم أتمنى لسجين أن تراه زوجته أو إبنته أو أمه أو يقرأ أحدهم

بين سطورى ما يحزن قلبه على سجين لهم .. لكن من المؤكد أن الله يرى ويسمع ويعلم كل شىء .. حينها يرتفع صوت الأذان لصلاة الفجر بينما لا يتوقف صوت الخيرزان بل يرتفع معه ليشق الهواء ويستقر على ظهر أحد المساجين ثم يضع المخبر الخيرزان على مدخل المسجد ويدخل لأداء الصلاة ثم يعود ليمارس واجبة المقدس بينما يستمر آخر فى أداء عمله قانعاً فى طيات نفسه بأن العمل عبادة .. لم ينقطع حماس المخبرين لحظة إلى أن إستقر جميع المساجين داخل عربات الترحيل المظلمة التى يدخلها السجين هارباً من ضربات تلاحقه إلى باب العربه فيقفز للداخل داهساً بقدمية سجيناً آخر تقدمه بلحظات ويسقط على وجهه فيصبح بعضهم فوق بعض مكبلين بالقيود الحديدية على أرضية العربة ثم يغلق الباب ليسود الظلام الدامس فيصير لوناً وحيداً منفرداً حول الجميع إلى أن ينجح أحد المساجين فى الوصول إلى وضع الجلوس فيشعل سيجارته ثم يطلق كلماته البائسة إلى كل سجين بالعربة فيستمع الجميع إلى صوت لا يميزون له صاحب يقول " كل اللى حصل ده ولا حاه جنب اللى حا يحصل لنا فى دمنهور يارجاله .. هناك بقى ولا تقولى حقوق إنسان ولا حقوق حيوان .. قال حقوق إنسان قال .. فىن حقوق الإنسان لما يقلعك زى ما ربنا خلقك ويشربك مسحوق غسيل ويخليك تجيب اللى فى بطنك .. ياراجل ده لو حد عمل كده فى قطة بره كانوا الناس قطعوه .. فىن حقوق الإنسان لما يوطى رأسك زى الخروف ويخلق لك شعرك زيرو وإنت بتتفرج علي المخبر بيقطع شنتك بالسكينه علشان يشوف إيه اللى فيها ويفضي الشاى والسكر على الأرض ياراجل دى حتى الصابونه ما بيرحموهاش بيقطعوها ويرموها .. طيب ماترميها على طول ياعم من غير ماتقطعها وإلا هو قهر والسلام على الفلوس اللى بتترمى فى الأرض.. ده إحنا رايعيين على مصيبة سودا .. ده فيه شوية مخبرين هناك

أجارك الله وهما اللى مدورين كل حاجة .. فكرك إنت
المخدرات والموبيلات بتدخل إزاي بعد تفتيش الإستقبال اللى
مايفوتش الهوا ده .. بعلمهم ياعم وبعلم مسئول المباحث ..
والله معاهم كشف بأسامى اللى مدخلين لهم موبيلات ولما
يبقى نازل تفتيش مصلحة بيبقوا واخدين خبر وبيلموا كله ولا
كأن كان فيه حاجة .. بس كله بثمانه .. بس أوسخ حاجة بقى ..
المساجين المرشدين يا صاحبي .. ودول بقى أكثر من الهم
على القلب هناك .. تدخل حاجة من ورا المخبرين وإلا تجيب
سيرة حد منهم .. يابويا .. الصبح تلاقى القوة الضاربة داخله
عليك والخرطوم بتاع الحريق مغرق العنبر كله بالفرش بالشنط
بكله .. من الآخر كده سجن دمنهور يعنى الإفترا نفسه .. لا
تقولى إستئناف ولا برج عرب ولا طره .. دى نار الإستئناف ولا
جنة دمنهور " ينهى صاحب الصوت كلماته ويخمد نار
سيجارته ليستكمل سجين آخر مالديه من معلومات قائلًا "
وإلا التأديب بقى .. يدخلوك يامولاي كما خلقتنى وخراطيم
البوتاجاز تنزل على ظهرك ماتفهمش جايه منين وماتبطلش
غير لما يغمى عليك " كانت العربة قد تعبأت بدخان السجائر
ولم تكن قد تحركت بعد و ما أن تحركت حتى إنتفض كل
سجين ليتعلق بمزغل صغير مغطى بالأسلاك ليطل على
الطريق .. وتتعالى الأصوات فلا يميز منها شيئاً إلا صوت
صراخ بتوسلات للماره للإتصال بزويهم ويقذف كل سجين
ورقة صغيرة مدون عليها رقم هاتف .. يحمل كل منهم عدد
كبير من الأوراق الملفوفة للرقم نفسه وموجز قصير عن نقل
المذكور إلى سجن دمنهور .. لم تنقطع المحاولات بإنتهاء
كمية الأوراق بل تحولت إلى محاولات شفوية " أخويا ..
بأقولك إيه والنبى .. خد الرقم ده قول لهم سيد راح دمنهور ..
الله يكرمك يا خويا ..أختى معلش والنبى ولو فيها رزالة
علشان خاطر ربنا .. إطلبى الرقم ده وقولي لهم زواره راح
دمنهور .. يا حاج .. يا حاج .. والنبى وحياة عيالك يا شيخ .. زيرو

عشرة .. الله يكرمك يا حاج .. تستمر المحاولات دون إنقطاع إلى أن تصل العربة إلى محطة رمسيس فينزل المساجين فى مسير متتالى مقيدىن اليدين على مرأى ومسمع من الناس ويصطف حولهم جنود الترحيلات ممسكين بالأيدى ويسير القطيع إلى أن يستقر بمكان الإنتظار المخصص لقطار الوجه البحرى .. فى خضم هذا الزخم من الضوضاء تسمع أذناى صوتاً حزيناً لأحد المساجين ألفت لأجده مقيداً بيدي دون أن ألاحظ وجوده منذ البداية .. تنبتهت لكلماته فوجدته يقول " بص الناس بتبص لنا إزاي .. يانهار إسود .. إيه يا جدعان مالكم .. بنى آدميين والنعمه .. الناس بتبص لنا وبتبعد كأننا وحوش ياعم .. والله رمسيس دى كنت بأدخلها باشا وكنت بأركب فى المكيف كمان " إستوقف شريكى فى الكلابش أحد المارة ماداً يده إليه بورقة قائلاً " بأقولك إيه يا باشمهندس إحنا ولاد ناس وربنا وجدعنه منك ياريت تتصل لى بالرقم ده .. إيه ياعم فى إيه مالك بتبص لى كده ليه " مال سجين آخر على شريكى وهو يقهقه قائلاً " يعنى ضاقت فى عينك الدنيا للدرجة دى مش لاقى غير مخبر وتقول له يتصل لك " تابعت بعينناى نظرات المارة من الناس فوجدت ما لاحظته زميل الكلابش صحيحاً .. رجالاً ونساء يستترون برداء من الخوف عند النظر إلينا .. ينظرون فيرتبكون ثم يبتعدون .. لما لم يميز الناس بين المجرم والمظلوم .. لما لم يفترض الناس أنه ربما يكون بيننا من غضب من أجلهم فإعتقل .. أو ربما يكون بيننا غارماً مسكيناً إضطره الإحتياج إلى هذا المصير .. أو ربما يكون بيننا شخص سجن لأنه يبحث لهم عن مخرج من سجنهم الكبير .. لماذا لم يتخيل أحداً منهم أن يصبح هو نفسه أو أحد أولاده غداً بيننا كما حدث لنا .. الحق أقول لكم لقد ضاق صدرى بكم .. أكاد أحترق من نظراتكم .. تكاد أنفاسى تختنق من رائحة خوفكم .. لعلكم بالفعل تستحقون ما بكم .. لأنكم .. لا تميزون بين الطيب والخبيث بقلوبكم .. لذا سأكتبكم

كما رأيتمكم .. من المجهول دوماً تخافون .. بأفعالكم تستحقون
ماتلاقون .. ليتنى ما رأيتمكم و يا ليتنى لم أغانر "الزنازه 27"

الحلقة الرابعة والعشرون

كنت جالساً أتابع نظرات المارة بينما مندوب الترحيلات
يتفحص وجوهنا وهو يسير أمامنا مختلاً إلى أن إستوقفه
صوت أحد المساجين قائلاً " أبوس إيدك ياباشا الكلابش
حايقطع إيدى ..والنبي خليه يهويه شوية مش قادر أستحمل
الوجع و ربنا " غلظ المندوب نبرة صوته قائلاً " بأقولك إيه
وحياة اللى جابتك ماتشتغلناش فى الأزرق بدل ما أعلقك "
فأجاب السجين " حاضر ياباشا أوامرك " لم تكن كلمات
المندوب مسكنة للألم بيد السجين كما لم تكن كلمات القائد
شهاب التى إسترجعتها عند وصفه لطبيعة البشر مخفة
لأحزانى " يبتعد الناس عن عمال موقع البناء وعن عمال
اللحام وعمال النظافة ليس كرهماً فى عملهم وإنما حرصاً على
ألا يمسه أذى بلا ذنب إقترفوه " أفقت على أصوات
المخبرين " كله يقوم .. إركب .. إدخل .. إقعد .. إقفل " بحثت
بعيناي عن السجين صاحب الكلابش الضيق الذى يمزق يديه
فوجدته يجلس هادئاً فسألته عن يديه فأوماً برأسه إيجاباً وهو
يقول " وَسَعْتُهُ بَعُودَ كَبْرِيْتِ .. شَايْفِ الْفَتْحَةَ دِي .. تحط فيها
عود الكبريت كده وتوسع الكلابش .. بس ما يتفتحش ..
بأقولك بس علشان ماتفكرش " مست شفتاي بسمة هاربة
من أحزانى ثم تابع " شكلك كده طالع على حضانة دمنهور
يازميلى " رفعت عيناي مصوباً نظرى إليه وقبل أن أنبس
بحرف تابع قائلاً " لا مش بأتريق عليك يا صاحبي .. أصل سجن
دمنهور مرسوم عليه من بره صورة بكار ورشيده علشان كده
بيقولوا عليه الحضانة " قاطعه سجين آخر قائلاً " لا ياعم إنت
بكار إيه .. ده إسمه معسكر العمل بدمنهور وعلشان بيوزعوا
فيه لبن سموه معسكر اللبن بدمنهور وبعد كده قالوا عليه

حضانة " ثم تابع ليبرهن على معرفته التامة بكل ما يخص سجن دمنهور قائلاً " بص يامعلم إنت أول ما تدخل حايقلعوك ويقعدوك زى ماولدتك الست الوالدة ساعتين على ما يوصل زبانية جهنم من بيوتهم أصلهم كلهم من دمنهور .. شوية مخبرين بقى من اللى قلبك يحبه .. خصوصاً رمضان و قزاز أول ما يوصلوا يفضلوا يسبوا فى أهلك وجدودك لحد مايوصلوا لجدك أحمس وبعدين يشربوك فيه بصابون لحد ماتجيب كل اللى فى بطنك ويحلقوا لك دماغك زيرو وينادوا الدكتور يتفرج على جسمك علشان اللى واخذ مطواه أو داقق وشم مش بيستلموه وبيرجعوه تانى ويبقى إسمه رد سجون وبعدين ياصاحبى تدخل على عنبر الإيراد .. فاكر محمد رضا بتاع ثلاثين يوم فى السجن لما قال لفريد شوقى إنت بقى الوارد الجديد ومال إيدك وردنارى خالص كده ؟ إنت بقى حاتدخل عنبر الوارد ده تلاقى واحد إسمه طه بس ده بقى بيدور على اللى إيده مش نواعمى علشان هو نفسه نواعمى " إرتفعت الضحكات بعربة المساجين داخل القطار بينما تابع سجين آخر " ده عامل الإيراد سُكنه ياعم علشان الزباين تتغير عليه يادوب ليلة والثانية ويبجى غيره " قاطع سجين آخر مستكماً " برضه كله بعلم المخبرين يا صاحبى " ثم تابع " مش فاكر سردينه ؟ ده كانوا بيدخلوه التأديب ويدخلوا له العيال الصغيرة اللى لسه جاين من الإصلاحية يفترسهم .. وإلا مختار .. يانهار إسود على مختار " قاطعه صوت سجين يجلس بعيداً قائلاً " ياعم فضك بقى من السيرة دى أحسن القطر يتقلب بينا .. بأقولك إيه يا زميلى .. طول ما إنت فى حالك ومالكش دعوة بحد حاتعيش تمام خصوصاً لو دخلت عنبر ثلاثة بتاع الأموال العامة وإبعد عن عنبر أربعة بتاع المخدرات .. إنت تهتمك إيه ياصاحبى ؟ " أجبت بتردد " سياسى " فإستطرد قائلاً " يبقى عنبر إثنين بتاع المتنوع .. بص أول ماتدخل تطرف الأمين صبرى كرتونة سجائر وتقول له

عاوز أروح عنبر ثلاثة بتاع البشوات هو حا يتعامل وحا يشغلك فى الفرن ويدخلك عنبر ثلاثة " تجرعت كل ماسبق وأنا أشعر أن قواى تخور وتمنيت أن يصطدم هذا القطار فينقضى أجلى قبل مواجهة كل ما سمعته أذناى .. طال بنا الوقت فى وضع الجلوس بلا مقاعد على أرض العربة المجاورة لدورة المياه التالفة والتي تشبعت أرضيتها بالبلل بينما يرتكن كل سجين بالجدار ويحكى بعضهم بين الحين والآخر بعضاً من عذاباتهم داخل السجون ويذكرون عدداً من الأسماء المتجبرة من رجال السجن وما يبببتون لهم من غل وكره من جراء أفعالهم وكأن سوء المعاملة داخل السجن باتت سبباً فى مضاعفة إجرامهم حتى أصبح كل طرف منهما يتحين فرصة سانحة للأخذ بالثأر من الطرف الآخر ويحتكمون فى صراعهم إلى قوانين لا ثوابت عندها فى الحكم .. فتارة تنصف المسئول فيجعل المظلوم مجرماً وتارة تنصف المجرم فتزيد المسئول ضراوة .. بعد رحلة شاقة توقف القطار فى محطة دمنهور.. تراحم المخبرين على مدخل العربة وتعالى أصواتهم " قوم .. اخرج .. إنزل .. إضرب " صوت الخيرزان يدوى من حولى ويتبعه صراخ المساجين يعلن أن وقع الخيرزان فى هذه البرودة القارسة التى تكاد تسقط أصابعى لا يوصف بالكلمات .. تقوقعت برأسى داخل صدرى متجنباً ما إستطعت من الضربات وهرولت وأنا أهمس فى نفسى .. ولا يوم من أيام " الزنزانه 27 "

الحلقة الخامسة والعشرون

كانت عربات الترحيل مصطفىة تستقبل كل سجين يخرج من عربة القطار مهرولاً تحت وابل من لسعات الخيرزان إلى أن تكدس الجميع داخل العربات وإنطلقت لمسافة غير بعيدة لكنها كانت كافية لسماع مزيداً من الأساطير عن سجن دمنهور والقائمين عليه مما جعل قدمائى ترتعدان عند النزول

من العربة عندما توقفت حيث أصبح الخيال واقعاً .. رأيت المساجين تلتصق بالحائط لا يرتدون شيئاً وصوت أجش يصرخ ويكرر "إشرب كمان ..إشرب كله "إلتصقت أنا أيضاً بالحائط بينما يتابع الزبانية الإفراغ الكامل لما فى جوف المساجين للتأكد من خلوها من المخالفات والممنوعات ثم إفراغ ما بالأمعاء الغليظه أيضاً على مرآى ومسمع من الجميع .. حينها تيقنت من عدم أهمية وجود ساتر للعورة كما تيقن الجميع أنه لم يعد هناك ما يخشى عليه من التكشف بعد وليس هناك داع للحياء من نظرات مخبرى سجن دمنهور الذين يستثنون أنفسهم من كل محرمات الأديان والأعراف والآداب والأخلاق فهم كائنات مختلفة عن الإنسان وإن تشابه الوجه قليلاً بما يشبه العينان والأنف والفم إلا أن طريقة الإستعمال تختلف عن الإستخدام الآدمى حيث لا ترى عيناه محتويات عبوة من السكر إلا بعد إفراغها تماماً على الأرض ولا يمكنه أن يميز المخدرات عن الفضلات إلا بعدما يفحصها بأنفه كما لا يمكنه أن يمنع فمه عن تناول كل ما يجده داخل حقيبة السجين أثناء التفتيش بينما يطلق لسانه عبارات السب واللعن على السجين نفسه وأهله .. حان دورى .. حينها أدركت أن زجاجة المسحوق يعاد ملؤها من صهرىج قديم عفن تكفى رؤيته أن أتقياً ما بأمعائى الدقيقة وبالفعل لم تكد يداى تلمس الزجاجة حتى أفرغت كل ما بجوفى .. تبسم المخبر وهو يضع يده على ظهرى بعطف متسائلاً " إنت منين ياله " فأجبت وأنا مازلت مائل الرأس للأسفل " من مصر " قهقه فاتحاً فاه رافعاً وجهه لأعلى قائلاً" وبتشتغل إيه يا حيلتها " فأجبت " صحفى " تناول من يدى زجاجة المسحوق فوضعها أرضاً ثم إصطحبنى تجاه أحد المكاتب حيث يجلس شخصاً يدون فى بعض الملفات قدمنى إليه قائلاً " الراجل ده شكله محترم .. خد بالك منه يا عبد القوى بيه " أشار لى عبد القوى بالجلوس وهو يخرج هاتفه من جيبه قائلاً " تحب تكلم حد فى الموبيل

تطمئنهم " أجبته فى سرعة متناهية " لا شكراً .. لكن ياريت ..
لو ينفذ تدخلنى عنبر ثلاثة " لم يتعجب عبد القوى من
مطلبى وأجاب قائلاً " معلىش الليلة دى لازم تقضيها فى عنبر
الإيراد وبكره الصبح من النجمة أنقلك عنبر ثلاثة " ثم تابع
موجهاً حديثه إلى صاحب الصوت الأجدى الذى لم ينصرف
بعد قائلاً " دخله عنبر الإيراد ياقرزاز ووصى مختار والصبح إنقله
الأموال العامه وأنا حأوصى عليه زكريا و الشيمى " أمسك
صاحب الصوت الأجدى بذراعى متوجهاً نحو عنبر الإيراد وأمر
بفتح الباب الحديدى مستدعيماً مختار من داخل العنبر وبعد
كلمات موجزة إصطحبنى مختار إلى داخل العنبر الذى كان
متروساً بالمساجين ولا موضع لقدم فتسمرت بعد أن أغلق
الباب على همسات المساجين يصارع بعضها بعضاً حول
اذنى إلى أن وقف أمامى شيئاً على هيئة تشبه تمثالاً لجائزة
اوسكار ذو وجهاً بشوشاً أزرق العينين مكتوف اليدين ممشوق
القوام تبسم فى وجهى ثم حمل الحقيبة عنى وأشار لى
بالسير خلفه فوق أجساد المساجين النيام .. كانت خطواته
مدروسة يعلم أين يضع قدميه فأخذت أتبعه خطوة بخطوة
إلى أن توقفنا على صوت مختار " أيوه هنا يا عباس " وإذا
بعباس يوقظ أربعة من المساجين بيديه وقدميه مشيراً لهم
بمغادرة أماكنهم وإصطحاب فرش نومهم معهم .. لم يخل
وجه عباس من التحفز حيال ردود الأفعال الممتعضة وكأنه
كان يتمنى أن يعترض أحدهم أو يعبر عن إستياء ولكنه لم
يحدث .. أسرع عباس بتناول أشياءى وقام بطيها ثم قاس
بيديه مقدار شبرا وقبضة يد جعلها مساحة لنومى ثم أمر
الأربعة مساجين أن يدبروا نومتهم فى المساحة المتبقية
وأشار لى بالجلوس قائلاً " كلها سواد الليل يا صاحبى .. خد
بالك من حاجتك ولو فى حاجة خايف عليها حطها تحت
دماغك أو هات أشيلها لك " أو مأت برأسى شاكرا وبدأت أتفقد
حولى فوجدت بجانبى رجل كبير السن يضع بجوارى قدم

صناعية ونائم فى وضع الجلوس وهناك آخرين نائمون على مدخل دورة المياة .. وهناك من هم نائمون فوق النائمون .. فعدت بخيالى فى مقارنة سريعة بين هذا الجحيم وما كنت أتمتع به من نعيم بين جدران " الزنزاة 27 "

الحلقة السادسة والعشرون

كنت قد أطلقت العنان لعيناي فى جولة داخل العنبر أتفح كل شىء إلى أن رمقت عباس يجلس بالركن يرتقب حركاتى وحينما وقعت عيناي عليه أشار لى بكوب من الشاي فتبسمت فقفز برشاقة بين أجساد النيام ثم جلس أمامى مبتسماً فسألته " قول لى يا عباس .. إنت حضرت هنا واحد إسمه القائد شهاب " أشعل عباس سيجارته وأخذ نفساً عميقاً ثم نفثه إلى أعلى وبرقت عيناه ثم قال " الراجل ده إدانى درس العمر .. أول ما وصل هنا إستقبلته زيك كده .. بس هو إستأمنى على شنطته مش نام عليها زى حالاتك كده .. وسرقت منها سجائر وراديو ونظاره .. والصبح قبل ما يتنقل عنبر ثلاثة لقيته بيدينى كتاب أقرأه وبيقوللى لما تخلص الكتاب إبقى هاته وهات معاه الراديو والنظارة والسجائر .. بعد كام يوم كان القائد شهاب إتعرف فى السجن كله وبقي له كلمة وقابلته فى الراحة صدفة وسألنى على السجائر والراديو والنظارة وحلفت إنى ما أخذتش حاجة من الشنطة وسألنى على الكتاب فقلت له قرئته فسألنى بيحكى عن إيه فقلت له عن حياة هتلر فسألنى فهمت إيه منه فقلت له هتلر كان مجنون ومجرم بجد فسألنى هتلر كان بيشتغل إيه وهو صغير فقلت له صانع أحذية سألنى ولما كبر فقلت رئيس فسألنى هتلر كان حرامى بيسرق ؟ فقلت لا .. سألنى كان بيكذب ؟ فقلت لا .. قال تخيل إن هتلر مايسرقش ومحمد يسرق .. هتلر مايكذبش ومحمد يكذب .. قاطعته وقلت محمد مين ؟ قال محمد عباس .. اليوم ده سابنى ومشى بعد ما قال

لى يا ألف خسارة يا عباس .. فى نفس اليوم بالليل سمعت
إن رمضان المخبر ضرب مسجون وإن القائد شهاب غضب
جداً وعاتب رمضان لدرجة إن رمضان المخبر ساق عليه كل
المخبرين والمسيرين علشان يسامحه ولما وصلتنا الحكايه دى
فى العنبر هنا قلت فى سرى .. بأمانة إيه يعنى رمضان
بشنباته اللى يقف عليها الصقر دى يخاف من القائد شهاب
ليه يعنى؟ تانى يوم الصبح لقيت رمضان داخل العنبر
وبيصحينى وساحبنى على بره والخرطوم فى إيده وبيسألنى
" فىن السجاير والراديو والنظارة؟ " حسيت إن رمضان عاوز
يخدم علشان يرضى القائد شهاب فإعترفت قبل ما يضرب
وقلت له " النظارة والكتاب مع الدكتور بكر و الراديو مع
الأراجوز فى عنبر إثنين " ضغط رمضان على رقبتى بإيده
وأخذنى على عنبر إثنين وفتح العنبر ويادوب الأراجوز شاف
رمضان وشافنى كان الراديو فى إيد رمضان ورجع الأراجوز
للدكتور بكر جاب منه الكتاب والنظارة وبسرعة البرق كان
رمضان أخذنى ناحية مكتب الخدمة وبيقول " يعنى علشان
الراجل محترم نقوم نسرقه .. علشان ما هو مؤدب نقوم نبدد
عليه .. ودينى لأعملك عبره وأفرج عليك السجن كله .. ثلاثة
بالله العظيم ما أنا سايبك حتى لو قال إنه مسامحك .. هو إيه
خلاص مابقاش فى تمييز نسرق مين ونحترم مين يا شوية
زبالة " دخل رمضان على الحلاق ورجع وفى إيده ماكينه
الحلاقة ودفس دماغى بين رجليه وحلق لى شعرى كله
وأخذنى على مكتب الخدمة لقيت زكريا مسئول المسير و
ملفات المساجين خارج من جوه وبيسأل " جاب الحاجة
يارمضان " رد رمضان " طبعاً يا بيه أصل دى نوعية وسخه "
خرج القائد شهاب على صوت رمضان وفجأة نزل رمضان
بإيده وبكل قوته على ظهرى وقعنى فى الأرض والقائد
شهاب بيسأل وهو بيحاول يمنع رمضان عنى " هو عمل إيه
يارمضان " خرج الشيمى وهو بيقول للقائد شهاب " تعالي

بس ياقائد ومالكش دعوة بالموضوع ده .. أصل الطيبة ماتنفعش مع الأشكال دى " نزل زكريا على ركبته وهمس لى " يا أخى عيب ده من آمنك لم تخونه ولو كنت خاين .. طب يسوى إيه اللى أخذته قدام اللى إنت فيه دلوقتى .. مش كنت رجعت الحاجة بنفسك أكرم لك " قرب الشيمى منى وقال " إنت مش بكالوريس تجارة يابنى إنت .. وربنا مديلك شكل وسيم .. ليه ماتبقاش محترم .. والله العظيم ماينفع معاكم غير الكرباج " رفعنى رمضان بإيده وقال " اللى زى ده يربيه التأديب .. ودلوقتى أسمعكم صوته وهو بيصرخ ويقول حرمت " لحقنى القائد شهاب فى اللحظة الأخيرة وقال " بعد إذنكم كلكم .. سيبه يارمضان من فضلك " رفع رمضان إيده من على رقبتى ولقيت القائد شهاب بيقرّب منى وبيأخذنى فى حضنه وبيقول لى " ثوب الرجال غالى " أنهى عباس قصته بينما بريق من الدمع يغلف عيناه فسألته مازحاً لأخفف عنه " بأقولك إيه .. سيبك من الحركات دى .. فىن السجاير اللى خبطتها ماجبتش سيرتها يعنى " إبتسم عباس قائلاً " رجعتها والله ياعم .. هو طيب آه بس مش بيسيب حقه أبداً " تابعت مهدئاً له بسؤالى " إنت فعلاً بكالوريس تجارة وإلا دى كمان نصبه " مصمص عباس شفتيه قائلاً " ياعم بكالوريس وإنجليزى كمان بس مافيش شغل ودوخت السبع دوخت علشان أشتغل وأعمل أى فلوس .. أمى اللى تعبت علشان أتعلم أرجع أقولها إيه مافيش شغل ؟ واختى اللى عاوزة تتجوز وتتجهز أقولها إيه مافيش شغل ؟ إتلميت على شلة عواطلية .. مخدرات .. سرقة بالإكراه .. وبقيت زيهم .. سرقة موتوسيكلات .. سرقة عربيات و إتمسكنا كلنا.. ودخلنا السجن وإتعلمنا فى السجن كل حاجة على اصولها .. إتعلمت إن لو ماكنتش ديب تأكلك الديابه .. وعرفت إن البلد كلها حرامية .. فكرك يعنى اللى بيحيب عربية بمليون ده إيه شريف ؟ بلاش ياعم الكبار نعتبرهم ولاد ناس وإتولدوا لقوا العزب والأطيان

والعربيات وإشتراقات النوادي على الجاهز .. خلينا فى الغلابه
اللى هنا .. المخبرين دول ؟ منهم ناس بيسرقوا .. الصابون
والزيت وعلب الجبنة بتوع المساجين و بيأخذوها ويبيعوها بره
سرقة دى والا مش سرقة .. الفلوس والسجاير اللى بيأخذوها
من المساجين دى إيه فرده والا مش فرده؟ الموبيلات
والمخدرات اللى بتدخل دى إيه مش تهريب ؟ تأجيل
الترحيلات ونقل المساجين من عنبر لعنبر بالفلوس ده مش
رشوه ؟ وسكوت الباشوات على اللى بيعمله المخبرين ده
إسمه إيه ؟ وبتاع المباحث اللى بيقولك نقى لك تهمة
ويخيرك بين سلاح ومخدرات ده إسمه إيه ؟ والنيابة اللى
بتساعد على التلفيق ده إيه ؟ وسكرتير الجلسة اللى بينقل
قضية من دايرة لدايرة ده إيه ؟ واللى بيقبض فى سهرة
علشان يزور فى قضية ده إيه ؟ مش دول اللى بيحبسوننا
علشان يريحوا المجتمع من أمثالنا ؟ على الله بس يكون
المجتمع إرتاح .. إنتفض عباس واقفاً وهو يرفع أحد حاجبية
وكأنه يستدعى شخصية الشريرة مرة أخرى محركاً رأسه يميناً
ويساراً وكأنه راداراً يجرى مسحاً شاملاً لكل تغير حدث أثناء
إنشغاله بالحديث معى .. وبحركة سريعة على أطراف أصابعه
تنقل كالفهد بين أجساد النيام إلى أن وصل إلى أحد
المساجين فأخذ منه سيجارته وجلس بجواره ثم أخذ منها نفساً
عميقاً لم يخرجه متعمداً إلى أن وقعت عيناه على نظرتى
تجاهه فأطلق بعضاً من الدخان إلى أعلى وهو يقول موجهاً
كلامه نحوى " صور يا خويا صور .. عيال فاسده مش كده "
سرحت بخيالى بعيداً متسائلاً فى نفسى .. هل هناك أمل فى
إصلاح عباس ومن هم أمثال عباس ؟ وبينما ترصد عيناي
الجثث المتراصة جنباً إلى جنب لا يميز منها رأس من قدم كل
منهم نائم فى مسافة شبراً وقبضة يد مثبتين جميعاً على
جنوبهم .. ليس بينهم جثة واحدة ترقد على ظهر أو بطن ..
حينها أخذنى الحنين إلى " الزنزاة 27 "

الحلقة السابعة والعشرون

كانت الإضاءة خافته داخل عنبر الإيراد بينما جلست أرصد تحركات المساجين التى إقتصرت على الذهاب إلى دورة المياة المجاورة والتى يستوجب الوصول إليها السير بكل الحرص بين الأجساد المتراسة و لا يخلو الأمر من خطأ طفيف عندما يدهس أحدهم قدم أو رأس نائمة فتنبعث من جسد المدهوس بعض الألفاظ الغير مفهومة دون أن ينهض من نومه .. تابعت أحد المساجين يتحرك بحرص زائد تجاه دورة المياة بينما يرمق تحركاته سجين آخر يجلس فى الجهة المقابلة لى يرتشف شيئاً من كوب أخضر وعينيه تفحصان موضع أقدام السجين إلى أن لمست جزءاً من فراشه فأسرع بإطلاق وابل من الألفاظ النابية لم يكثرث لسماعها الشخص المتوجه إلى دورة المياة وبإستنكار شديد نظر الشخص ذو الكوب نحوى قائلاً " عيل بارد أوى .. شفت سامع شتيمته وعامل من بنها إزاي ؟" لم أجد تعبيراً للرد إلا أن أنظر تجاه دورة المياة إلى أن توارى السجين بداخلها بينما تاهب الغاضب ذو الكوب وإستقام واقفاً مستلاً شيئاً فى يده وهو يقول " طب ودينى لأعوره " راودنى شعور بأن هذه الليلة لن تمر بسلام .. خاصة عندما صدر صوتاً من بين ثنايا الغطاء المجاور له يسأله " فى إيه يا حانوتى ؟" كان مسمى "حانوتى" كفيلاً بقراءة الفاتحة رثاء على روح المرحوم الذى سيخرج بعد قليل من دورة المياة ولم يهتم الحانوتى بالرد على صاحب السؤال حيث كان ينتظر فريسته على أحر من الجمر التى عادت من حيث إختفت .. بدا على وجه الفريسة إستشعار الخطر عندما وضع كلتا قدميه على الجزء الخاص بفراشى متجنباً شر الحانوتى ولكنه كان من المستحيل تجنب كوب الشاي الطائر من يد الحانوتى إلى وجهه مباشرة .. لم يلتفت السجين إلى الحانوتى نهائياً ولكنه رفع صوته وهو يمسح آثار

الشأى عن وجهه قائلاً " يعنى ينفع كده يا مختار ؟ " نهض مختار من نومه وبدأ أنه كان المتسائل عما يحدث منذ قليل وقف مختار ينظر نظرة سريعة فحست جميع أنحاء العنبر ثم وضع ظهره أمام الحانوتى قائلاً " خلاص يا حانوتى مش دلوقت " بدت تحركات عباس هى الأخرى كأنها شيئاً متفق عليه .. حيث كان يعيد كل من إستيقظ إلى نومه مرة أخرى ويغطى رأسه بالأمر قائلاً " نام .. نام مالكش دعوة " أعاد عباس عدداً كبيراً من المساجين إلى نومهم وكأنه يحرمهم من متعة المشاهدة للصراع القادم .. ظل فى وضع الوقوف ثلاثة ورابعهم عباس .. وكانت نظرات الحانوتى تلفظ حمم بركانية على وجه السجين الذى كانت عيناه تتوسل إلى مختار أن يمنحه قدراً من الحماية بينما نظر مختار إلى عباس وكأنما يلفت نظره إلى وجود شخص مازال مستيقظ يتابع فانتقلت عيننا عباس نحوى على الفور وكأنه يأمرنى بوضع الغطاء على رأسى كما فعل الجميع .. نظرت إلى عباس فى تحدٍ واضح فإذا به يغمز لى بإحدى عينيه وكأنه يقول " تمتع بالمشاهدة " ثم إستدار عباس نحو السجين قائلاً " إنت لسه واقف .. تصدق إن إنت عيل بارد وتستاهل اللى حايجرالك " كانت هذه الكلمات بمثابة إشارة إنطلاق للحانوتى فإنطلق يبعثر تحت قدميه كل شىء ويكاد يقترب من وضع الطيران رافعاً يده لأعلى بشفرة حادة بينما تتعالى أصوات النيام بالتأوهات كلما وضع إحدى قدميه على أجسادهم إلى أن إستقر أخيراً فى أحضان السجين المرتعد وأخذه أرضاً وهو مستقر على صدره وبحركات سريعة أخذ يعبث فى وجهه بشفرته بما كان كافياً أن نسمع فيما بعد أن مافعله الحانوتى قد تطلب إصلاحه عدد سبعة وعشرون غرزة فى وجهه السجين المسكين .. عدت بذاكرتى وهمست بداخلى ماذا إذا كنت أنا فريسة الحانوتى اليوم فهل من مغيث ؟ ثم تنهدت قائلاً فى نفسى كان مالها " الزنانة 27"

الحلقة الثامنة والعشرون

كنت أتابع الحانوتى وهو ينهض عن فريسته ليشعل سيجارته بينما لمحت عباس يسرع بجمع بعض الأشياء من فراشه و ينطلق مسرعاً تجاه دورة المياة ثم تبعه مختار قبل ثوانٍ من سماعى لأصوات بالخارج ترج السجن كالرعد .. الجنود تزار بالخارج وكأنهم سيهدمون العنبر على رؤوسنا ويطلقون علينا نيران المدافع وإذا بقنابل من الغاز المسيل للدموع تقذف من النوافذ لتستقر داخل العنبر وخرطوم الحريق يوجه دفعات المياة فيندفع الجميع نحو دورة المياة هرباً من الغاز والماء وترتفع أصوات الصراخ من تأثير الغاز ثم يفتح باب العنبر ويدخل عدداً من المخبرين ليحملوا السجن الملقى على الأرض إلى الخارج ثم يغلق الباب مرة أخرى بعد أن أصبح العنبر بركة من الماء و يعود كل سجين إلى مكانه مستسلماً لما حدث دون أن ينبس بحرف ثم يجلس ليرتكب وكأنه سيعود إلى نومه مجدداً وبينما تتابع عيناى الدامعة المحترقة كل شىء حولي يكسر الصمت صوت يرتفع " تابع ياسيدى .. سجل ياتاريخ " إلتفت نحو مصدر الصوت فإذا هو عباس يجلس فوق الفواصل الداخليه لدورة المياة جافاً تماماً.. إستقرت عيناى على وجهه وإذا به يشعل سيجارته وكأنما لم يمسه شىء مستكماً كلماته " إكتب عندك واحد قوة ضاربة وصلحه .. بالذمه ينفع كده .. فين حقوق الإنسان .. غاز وقنابل على عنبر فيه شوية مساكين إفرض حد مات مخنوق دلوقت " جاملت عباس بإبتسامة باهته وإذا به يقفز فى رشاقة وكأنه تذكر شيئاً ويسرع تجاهى ثم وضع يده على كتفى وهمس فى أذنى " مش عاوز تشوف القوة الضاربة " نظرت إليه متسائلاً عن هذا المسمى الذى تقشعر له الأبدان فإستكمل ساخراً " حأوريك بس أمانه .. تكتب بقى للناس .. تعرف القراء بالقوة الضاربة .. وإلا هما مش من حقهم ينبسطوا زينا"

أمسك عباس بإحدى يداى وتسارعت خطواتنا نحو الباب ثم وضع وجهه فى نافذة صغيرة فى منتصف الباب .. وقفت بجواره أنظر إلى عينيه الملونتان تبحثان عن شيئاً ما حتى حصل على غايته فأفسح لى كى أضع وجهى فى النافذة قائلاً " بص كده على اليمين " وقعت عيناي على لون الخضرة التى كدت أنساها .. حديقة متساوية العشب تساقطت عليها قطرات من الندى وتسلفت إليها أشعة الشمس فجعلتها تبرق كحبات اللؤلؤ .. ما أروع أن أجلس للكتابة على تلك الخضرة الرائعة تحت أشعة الشمس .. مددت أنفى قليلاً للخارج أشتم رائحة الهواء مما أكد لعباس أننى فى عالم آخر غير ما كان يسعى أن يرينى إياه فتمتم قائلاً " طب شم براحتك بقى ولما تخلص حاتلاقينى بأشم جوه فى الحمام " إنفردت بهذا المشهد الرائع فلم ألتفت لعباس بل ولم أبتسم على تعليقه الأخير .. إنشغلت تماماً فى إستنشاق رائحة الحياة .. إلى أن وقعت عيناي على ما أراد عباس أن يرينى إياه " القوة الضاربة " و ما أن رأيت تلك القوة الضاربة حتى أخذتنى نوبة من الضحك المتواصل على ما رسمه خيالى عن القوة الضاربة من قبل .. إنتبه عباس فأدرك أننى قد بلغت غايته فأتى تجاهى مهرولاً فى المياه باسم الوجه ضاحكاً ثم مال برأسه قائلاً " شفت .. شفت القوة الضاربة .. الأشعة البنفسجية .. السهم الدوار .. العاصفة .. طيب شفت الواد أبو فائلة حمالات ؟ " أخذت عباس نوبة من الضحك الهيستيرى وهو يضيف " طيب شفت الواد أبو فردة بيادة وفردة شبشب ؟ " تعالت ضحكات عباس وعيناه تدمع وكان الوجود قد خلا من حوله وإسترسل قائلاً " لا وكله كوم والواد اللى واقف فى الشمال اللى لابس فائلة رونالدو على بنطلون البيجاما ومبلول وحالته تصعب على الكافر " شاركت عباس ضحكاته وتابعت " هى دى القوة الضاربة " هز عباس رأسه قائلاً " أيوة .. ضاربة بودرة " تصافحت أيدينا ثم تمتم عباس " اللهم

إجعله خير " ولم تمض دقائق قليلة حتى دخل أحد المخبرين ورفع صوته ينادى " عادل الشريف " أشرت إليه بيدي فتابع " هات حاجتك وإطلع بره " أسرع عباس وقام بإحضار متعلقاتي ثم وجه سؤال لصاحب الصوت قائلاً " عنبر كام ياعم أيمن ؟ " رد عم أيمن بسرعة " ثلاثة ياسيدي .. وحايشتغل فى المكتب كمان " ثم تابع موجهاً حديثه لى " إطلع إفرد حاجتك بره علشان تنشف وحصلنى على المكتب اللى جنب الجامع " أومات برأسى ثم نظرت إلى عباس مودعاً فأمسك بيدي قائلاً " هو أنا ينفع أبقى بنى آدم محترم ؟ " تبسمت قائلاً " ينفع " فتابع عباس " طيب توعدنى تكتب للناس إننا نفسنا نبقى محترمين " فأجبتته قائلاً " أوعدك إنى أكتب عنك وعنهم فى روايتى الجديدة " الزنزانه 27 "

الحلقة التاسعة والعشرون

كانت قدمى تتلطف فى معانقة الخضرة فى أولى خطواتها خارج عنبر الإيراد وإتخذت عيناى قبلتها نحو مقعد خرسانى إلى أن بلغت فوضعت حقيبتى بجوارى وإفترشت ما تبلل من أشياء على الخضرة تحت أشعة الشمس وما أن إستنشقت ملء صدرى هواءً حتى وضع أحدهم يده على كتفى قائلاً " إنت بتكتب فى جرنال إيه ؟ " نظرت إلى صاحب الصوت فوجدته طويل القامة وسيم الوجه طليق اللحية .. لم يمهلنى وقتاً للتعمق فى تفاصيل وجهه وأشار لى بمصاحبتة وهو يتابع " أنا قرئت نص السبعينيات .. عجبنى جدا الفرعونيات .. سمعت إنك بتكتب رواية عن السجون والمساجين .. ياريت تبقى تتوصى بالعبد لله شوية لأن أنا قصتى لوحدها عبارة عن مسرحية كبيرة " كان يضع يده على كتفى وكأنه يصطحب طفلاً صغيراً وينظر بين الحين والآخر إلى وجهى متسائلاً " صحفى مش كده .. صحفى أكيد ؟ " لم يطل

صمتى كثيراً فأجبت " أصلاً .. كنت طالب فى كلية الهندسة
وصحفى تحت التمرين فى جرنال وإتحبست ظلم وفى
الحبس جه موضوع الرواية ده كده من عند ربنا .. حبسونى
إنفرادى فى زنزانة معتقل سياسى لقيت لوحة مرسومة
ومكتوب عليها كلام بطريقة غريبة شدتنى قراءتها جداً فقررت
أنقل منها وأعملها رواية " أوسع الرجل عيناه الزرقاويتين قائلاً
" لا والله .. لوحة غريبة وفيها كتابة .. أهلاً وسهلاً .. أهلاً أهلاً ..
أنست وشرفت .. طيب نتعرف بقى .. محسوبك خليل مندوب
المريخ الدائم فى سجن دمنهور .. تعالى نروح مكتب الخدمة
ده زكريا حايفرح بيك أوى .. والشيمى حاينبسط خالص .. يا
أخى عمك أيمن جنبه ده بيحب لنا شوية تحف .. والله لو
بينقى ما حايعمل " لم أكن أدرك أن خليل هو أحد السجناء
نظراً لإرتدائه لبس رياضى سماوى اللون يختلف عن ملابس
المساجين ويحمل معه حقيبة يد صغيرة توحى بأنه أحد
العاملين داخل السجن .. توقف خليل ثم إنحنى بطريقة
إستعراضية مشيراً لى بالدخول إلى غرفة صغيرة .. بالكاد
إستطعت أن أتبين خلوها من الأثاث إلا من مكتبين من
الخشب ومقعد واحد ولوحة زيتية كبيرة رسمت بالألوان
الطبيعية لبحيرة وأشجار وبجع .. وبينما أتفحص بعينانى
ماحولى فى ظل قلة الإضاءة لاحظت وجود شخصين بالغرفة
تحرك أحدهما سريعاً وكان خفيف الشعر قصير القامة ثم مال
على أذن خليل وكأنهما يتفقان على شىء ما .. وضعت
حقيبتى بجوار المدخل وتقدمت للداخل ملقياً بالسلام .. أجاب
خليل والشخص خفيف الشعر بينما رفع الرجل الثالث رأسه
بعد أن كان منهمكاً فى كتابة بعض الأوراق وأشار بقلمه تجاه
اليمين قائلاً " لا ياسيدى .. مش ده الجامع .. الجامع جنبنا هنا
على إيدك اليمين وإنت خارج " لم ينبس أحداً بحرف كما لم
يضحك أحداً فأضاف " وإحمد ربنا إن منير مش هنا وإنت
داخل كده وبترمى السلام بالفم المليان " وضع خليل يده

على فمه مصطنعاً الرهبة من ذكر إسم منير ثم إقترب منى هامساً " أصل منير ده .. وإلا بلاش .. ربنا يجعل كلامنا خفيف عليهم " تابع الشخص خفيف الشعر قائلاً " يا عم إستنى على الراجل شوية .. قول لى يا كابتن .. إنت منين .. تعالى بس قرب كده مالك واقف بعيد كده ليه " إقتربت قليلاً وإذا به يميل بجسده لأسفل ويغرس إحدى يديه فى جانب خصرى وهو يصدر صوتاً رفيعاً قائلاً بصوت مرتفع " إوعى " شعرت بدغدغه قوية فى خصرى لكننى تماسكت عن الحركة فإذا به يثنى قائلاً " لا يا عم مش بيركب الهوا ولا حاجه .. يا خبر إحق جنبه جاى " أصدر الرجل المنهمك بالكتابة زفيراً طويلاً عبر به عن إستيائه بينما دخل المخبر الذى أخرجنى من عنبر الإيراد ويبدو أن " جنبه " هو الإسم الحركى الذى أطلقه عليه السجناء على الرقيب أيمن الذى ما أن أصبح داخل الغرفة حتى أطلق أوامره بشكل متتالى دون إنقطاع مما يوحى بأنها لن تنفذ أبداً لصعوبة إحصائها حيث وضع غطاء رأسه على المكتب قائلاً " زكريا .. خلص اللى فى إيدك و إطلع هات اللى قلت لك عليه من رمضان .. وشوف صبرى إذا كان خلص هات الصناديق كلها خليها هنا وإقفل عليها بالقفل .. زكريا .. مافيش حد ياخذ غير اللى قلت لك عليهم .. وإبقى إعمل يومية الفرن و حط العيش بتاعى فى الدرج .. زكريا .. عدى على المطبخ هات لى الجبنة علشان ألحق أمشى .. هات سيجارة ياشيمى .. فىن البرشام يا خليل خلىنى ألحق أمشى .. فىن الفطار ياشيمى .. ماتسخنوا عليه جنبه يا جدعان وتجيّبوا كام بصلة من المطبخ وشوية خيار وطماطم وعيش سخن من الفرن .. زكريا .. على فكرة عادل حايشتغل معانا هنا فى المكتب .. علمه بقى الشغل إزاي ويدخل معاكم فى العنبر مع المسيرين " أنهى أيمن أوامره بينما كنت منصتاً أخصى كل ماقاله وإذا به يقترب منى واضعاً يده على كتفى ومتحدثاً بطريقة المليجى لما ولّع فى الغيط " إسمع .. إنت حاتبقى

معانا هنا .. زكريا وشريف الدفتر .. و خليل وسمير العيادة ..
وانت حاتمك الزيارة مع الشيمي .. حاتخرج معاهم الصبح
الساعة ثمانية وتدخل معاهم العصر .. المكتب هنا أسرار " ثم
إستدار تجاه زكريا قائلاً " مش حأوصيك يا زكريا .. تفهمه
النظام علشان ده صحفى خد بالك .. أحسن يكتب حاجة كده
حاجة كده مش ناقصين مشاكل كفاية اللي جرى لنا من تحت
رأس القائد شهاب " إحتد زكرياً موجهها كلماته تجاه جنبه قائلاً "
لا .. بأقولك إيه .. إنت تقول اللي إنت عاوز تقوله فى أى
موضوع .. إنما لحد القائد شهاب إنت آخر واحد يتكلم .. ده
إنت مثال حى لكل اللي بيصارعه القائد شهاب " إهتز أيمن
وصرف عينيه عن زكريا قائلاً " هو أنا قلت حاجة .. ده كان
راجل محترم ربنا يفك سجنه .. أنا بس أقصد مافيش داعى
للمشاكل والسياسة ما إنت شفت عملوا فينا إيه لما كان هنا
وإتبهدلنا إزاي .. فين السجاير يا شيمي .. خلص يا خليل خلينى
أمشى .. خلاص يا زكريا أنا حأروح أجيب الجبنة وأبقى أفطر
فى البيت مع الولاد .. عادل .. مافيش صحافة هنا أبوس
إيدك عندنا عيال عاوزين نربيهم .. يلا .. سلام " وما أن خرج
أيمن حتى إنفجر الثلاثى بالضحك فى توقيت واحد سخرية من
هذا الأداء الذى قام به جنبه وأخذوا يعيدونه مرة أخرى
متقمصين طريقته ومصافحين الكفوف عند كل حركة تثير
الضحك .. إجتمعت تعليقاتهم الساخرة على أنه شخصاً لا
يطاق وأن لحظة مغادرته هى موعد بدء الراحة النفسية ..
إستوقف الشيمي أفكارى مقترباً من وجهى قائلاً " صحفى ؟
بجد ؟ تعالى فى حضنى يا حبيبي .. قاطعه خليل قائلاً " جرايد
معارضة صح .. شكلك معارضة طالما حبسوك " قاطع زكريا
الحديث قائلاً " بص يا إسمك إيه إنت .. إحنا هنا بنقضى كام
يوم وخارجين .. عاوز إنت بقى تفضل هنا ده موضوعك ..
أظن سمعت بنفسك اللي حصل لنا أيام القائد شهاب ده غير
اللى حصل لنا بعد ما مشى " تمنيت أن أسأل عن ما حدث

لكن صوت الشيمى خرج مفاجئاً " صحيح يا أخى ده إحنا
إتمرمطنا أيامها مرمطه .. ولا تليفون ولا جرايد ولافلوس ولا
الهوا .. ده كان تفتيش قبل الزيارة وتفتيش فى الزيارة
وتفتيش بعد الزيارة وبعد ده كله تفتيش فى العنبر يا بويا ..
الله لا يعيدها أيام " تابع زكريا حديثه قائلاً " علشان كده بقى
سيادتك تنسى موضوع إنك صحفى ده وتفتكر إنك مسجون
وبس .. عاوزين نقضى اليومين ونخرج ونخلص من الغلب ده
.. أما بقى الرواية اللى سيادتك عاوز تكتبها تبقى تأجلها لما
تخرج بالسلامة ومافيش داعى ينزل عليك الإلهام هنا
فيحبسوك إنت وإلهامك وإلهامنا كلنا .. ياريت يبقى ينزل كده
وإنت قاعد فى كافية مكيف بتشرب فنجان القهوة بمزاج .. بره
.. واخذ بالك إنت .. ساعتها بقى والله لو عاوز مساعدة مننا
من عيننا الاثنين .. نساعدك .. نحكى لك ..ولو عاوز كمان
نجمع من بعض وننشرها لك مافيش مانع .. لكن هنا ولا كلمة
.. صحيح إنت ناوى تسمى الرواية إيه " همست بهدوء "
الزنانة 27 "

الحلقة الثلاثون

كنت مرتعباً من كلمات زكريا العقلانية فأخذت أفكر أن أكتفى
بما دونت من الحلقات الثلاثون وأن أقوم بنشرها بطريقة
"اسامة أنور عكاشة" بأن تصدر على أجزاء وأن أبدأ فى كتابة
الجزء الثانى بعد خروجى من السجن عملاً بنصائح زكريا بعد
تسريب الجزء الأول خارج السجن وطال بنا جميعاً الصمت إلى
أن دخل شخصاً مصبوغ الشعر والشارب قصير القامة أشار
إلى وجهى بقلمه قائلاً " إنت هنا ليه .. إتفضل بره .. السؤال
من بره .. قلت مليون مرة مافيش دخول هنا" كان الرجل
مهندم الملبس يرتدى قميصاً أزرق وبنطال أزرق وفى قدميه
"شيشب" لا يتماشى مع هندامه وعندما طافت عيناي بين
الحضور بحثاً عن من يرد عنى وجدت الجميع منشغلون كل

فى ملكوت بعيد بل ولم أستشعر تلك الضحكات المكتومة
فى صدورهم فأوحى إليّ صمتهم بأنه مأمور السجن وفى
طريقه إلى أداء الصلاة بالمسجد .. وبينما أستعد للمغادرة
إرتفع صوت الرجل القصير مرة أخرى " قلت بره " إتجهت
نظراتى عفواً نحو قدميه عندها تبسم قائلاً " الشبشب .. هو
اللى مبوط البريستيج .. صح ؟ أنا قلت لهم ماينفعش مسير
عام السجن يبقى لابس شبشب لكن تقول إيه بقى فى زناخة
دماغ قوانين السجن .. بس إيه رأيك .. خطفتك صح ؟ " مد
يده مصافحاً وسط ضحكات الشياطين الثلاثة وهو يقدم لى
نفسه قائلاً " منير .. أقدم ساكن فى الخرابة دى .. وكل دول
بيشتغلوا عندى .. إستلمتهم كلهم وكانوا لسه صغيرين
بيقولوا لى يا عمو .. المهم إتعرفت على طقم المكتب وإلا
بناقص .. بناقص الصراحة كلهم عيال بايظه .. دقائق أروح
أسلم اليوميات دى وأرجع لك " خرج منير مسرعاً.. وكالعادة
إنفجرت الغرفة مرة أخرى بالضحكات والقفشات المستنكرة
من سلوك منير وتعليقاته ثم بدأ الثلاثى فى إعادة ما قاله
بطريقة التقليد الساخر ثم إقترب منى خليل مبالغاً فى إتساع
عيناه قائلاً " أنت فى عنبر العقلاء " بينما دخل شخصاً أصلع
الرأس يبدو فى الثلاثينيات من عمره أسرع نحو خليل صارخاً "
فَتَّحْ يابنى فَتَّحْ شوف مين بيكلمك ده أنا عنتر المفتَّح
بصباعى أخرشمك " ثم إرتفع صوت الثلاثى الساخر وهم
يتراقصون " ودى عبلتى محبوبتى سى ترى جولى سى ترى
قمر .. إنت تهزنى .. فشر " فجأة صمت الجميع عندما حضر
منير مرة أخرى منفعللاً " ينفع كده .. إيه اللى بتعملوه ده
ياحضرات .. ده منظر مكتب مسير خدمة " إلتفت منير نحو
خليل ثم صاح " والنبي ناولونى الولاة عاوز أولع روما بحالها
.. أنا مستعجل عندى إذاعة .. خطبة عظيمة أنا رايع أقولها "
وقبل أن ينهى منير فقرته الإستعراضية دخل شاباً فى
العشرينات طويل القامة إتجه مباشرة نحو زكريا قائلاً " إزيك يا

أبويآ .. خلاص كفاية عليك كده .. سيب لى اليومية دى بقى وأنا أكملها " قاطعه زكريا وهو يشير نحوى بقلمه قائلاً " سَلِّم طيب على الأستاذ عادل زميلنا الجديد.. ثم أضاف ده بقى شريف إبني أو بمعنى أصح زى إبني من ساعة ما وصل السجن هنا وأنا بأعتبره إبني فعلاً .. أما بقى اللى لعب من شوية دور عنتر المفتاح ده يبقى الاستاذ سمير" تقدم شريف لمصافحتى بهدوء وتعقل وبدا لى أنه قد إعتاد مشاهدة هذا السيناريو الساخر ربما يومياً وسريعاً مد سمير يده نازعاً يدي من يد شريف قائلاً " بسرعة .. مش وقت تعارف بصوا مين جاي " عم الصمت أرجاء الغرفة بدخول أحد المساجين وبإشارة من خليل بدأ الجميع يشكلون دائرة حوله بينما هو يحذرهم بأنه عكر المزاج ولا داعى لما سيقومون به .. ثم أخذ يلتفت فى جميع الأرجاء بطريقة غريبة وسريعة سرعان ما تبدلت إلى قفزات عندما نزع الشيمى بأصابعه أسفل صدره قائلاً " إوعى " وبغير وعى إنتفض جسده إنتفاضة من صعقته الكهرباء فصار يضرب بكلتا يديه فى الهواء بغير هدى وكادت يده تلمح وجه خليل الذى إنحنى برشاقة متفادياً تلك الضربة الخاطفة ثم بدأ الثلاثى هجوم متتالى من النزغات على السجين وهو يقفز قفزات عشوائية وتلاطم يديه كل شىء حوله بما فى ذلك جدران الحوائط والمكاتب إلى أن سقط أرضاً فصاح منير بقوة " إيه ده .. ينفع كده .. قوم يابنى .. بس خلاص .. مافيش هزار كده ياجماعة .. ده ممكن يموت فيها .. اللى بتعملوه ده ممكن يعمل ضغط عصبى على دماغه ويجرى له حابه " وما أن أنهى منير جملته حتى نزع بأصابعه أسفل صدر السجين قائلاً " إوعى " .. قفز السجين فى الهواء ضارباً بيده فصادف كفه وجه سمير الذى لم يكن حذراً هذه المرة فارتفعت الضحكات الهستيرية مصاحبة بالدموع أما السجين فإنطلق من الباب هارباً دون أن أعلم ما كانت غايته ولماذا أتى إلى مكتب خدمة المساجين .. إرتفع صوت منير

قائلاً " يعنى ينفع كده .. فى هزار كده .. الضربة اللى جت فى سمير دى كان ممكن تعمله إرتجاج فى المخ .. إستنوا كده " وبينما يقترب منير من سمير صرخ سمير " لا .. بأقولك إيه .. ماتعملش الحبطين بتوعك دول عليّ " إرتسمت الحلقة مرة أخرى حول سمير وبدأت الأصابع تبحث عن ثغرة إلى أسفل صدره فتابع سمير قائلاً " يعنى خلاص مش قادرين تمسكوا نفسكم شوية .. لازم تعرفوا الراجل الجديد إنى بأركب الهوا .. طيب ياسيدى أنا بأركب الهوا زى الواد اللى خرج يجرى ده بالضبط .. إهمدوا بقى " ثم نظر سمير تجاهى مغيراً مجرى الأمور قائلاً " إنت حضرت الخناقة بتاعة الحانوتى ومصطفى فى عنبر الإيراد ؟ " مصمص خليل شفوية قائلاً " سبعة وعشرين غرزة فى وشه إبن المفترية .. عيل غبى أوى " أردف الشيمى قائلاً " الواد مصطفى غلطان برضه .. إيه اللى يدخله العنبر وهو فى خصومة بينه وبين الحانوتى من ساعة الموبيل بتاع الواد زنان .. كان قال للمخبرين إنه مخصم واحد فى الإيراد كانوا دخلوه عنبر ثانى " إستوقف شريف الحوار قائلاً " على فكرة الموضوع مش كده خالص .. فاكرين لما الحانوتى ربنا هداه على إيد القائد شهاب وخلاه يعمل طعمية ويبيعها فى العنبر ويكسب من عرق جبينه .. الحانوتى أيامها ربنا كرمه وجاب موبيل كان بيكسب من وراه وفى يوم أخده الزنان إيجار يوم وكان نازل ثانى يوم جلسه .. بعدها بيومين الحانوتى لقى الموبيل مع مصطفى وبيحلف إنه إشتراه من الزنان بأربع كراتين سجائر طبعاً الحانوتى أخده منه عافيه قام مصطفى وهو نازل جلسته مبلغ إن الحانوتى معاه موبيل وإتاخذ منه ودخل التاديب .. راح الحانوتى دافع لمختار علشان يدخله عنده عنبر الإيراد ويستنى مصطفى لما يرجع .. ومصطفى يا عينى مايعرفش إن الحانوتى عرف إنه أرشد عليه ولا إنه مستنيه فى عنبر الإيراد وطبعاً المخبرين قابضين علشان مصطفى يدخل يتلقى وعده وفعلاً دخلوه

الإيراد راح مقابلة الحانوتى وعمل مشكلة إنه داس على
الفرشه بتاعته وراح مبوط له وشه وطبعاً مختار وذن من طين
" إستوقف سمير قائلاً " إيه يابنى ده .. مرجع .. ده إنت
ناقص تقول لنا رقم الموبيل كام " قاطع خليل قائلاً " بس
سيبك إنت .. الواد مصطفى دخلوه عندى العيادة على
النعمة ماعرفته .. كان كل همى ألحق أخيط مناخيره قبل
ماتقع .. الغبى ضاربه بشنبره غبية قاطعها من غطا علبة
تونه .. طبعا عملت له جراح غير منتظمه فى الوجه " قاطع
منير " طب بالذمه ينفع كده .. أما عيل غبى أوى .. يضربه
بغطا علبة تونه كده من غير لا زيت ولا ليمون .. ولا حتى
بصلة متقطعه وعليها شوية خل " كدت أشعر بأن موضوع
الحديث قد تغير دون أن أدري إلا أن يد خليل أمسكت بذراعى
قائلاً " إوعى تتوه مننا يا زميلى .. فى حاجة إسمها حق
القارىء .. لازم تكتب اللى بيحصل بالحرف فى رواية " الزنزانه
" 27

الحلقة الواحدة والثلاثون

كانت كلمات خليل تضع على كاهلى حملاً ثقيلاً و كانت
كلمات زكريا مازالت ترجف قلمى وبينما أنا شارداً الذهن فى
حيرتى فاجأنى الشيمى بقوله " إنت شفت التأييب قبل كده
يا عادل ؟ " أجبت نافياً بهزة من رأسى فإذا بخليل يمسك يدي
قائلاً " ياسلام .. غالى والطلب رخيص ياسيدى .. تعالى "
إنعطف خليل نحو اليسار فى ممر مجاور لمكتب الخدمة
تخلله عدداً من الغرف الخاوية يفوح منها رائحة كريهة تزداد
كلما توغلنا داخل الممر وينبعث من أعماق الممر أصواتاً
أشبه بالصراخ ترتفع كلما إقتربنا للداخل ثم إستوقفنى خليل
عندما رأينا أربعة من المخبرين يحيطون بجثة عارية يتبادلون
عليها الركلات بطريقة متتابة إلى أن يهوى عليها خامسهم
بالكرباج فيقطع الهواء بصوته ثم يقطع بشرة الجثة العارية

مصاحباً لوقعه صرخة مدوية وحركات سريعة بالأرجل من وقع
الألم فتدور الجثة حول نفسها على الأرض إلى أن يستقر
الوجه تجاهى فوجدته هو نفسه وجه الحانوتى الذى إنقض
على فريسته بالأمس فى عنبر الإيراد لكن فهد الأمس تحول
إليوم إلى جرو ضعيفاً خائر القوى ينزف الدم من فمه وأنفه
وكانما هو فى النزع الأخير .. أمسك خليل بيدي للمغادرة
مكتفياً بهذا القدر فوجدتنى أرمق الزبانية بنظرة سريعة وكانما
أرسم وجوههم لأبلغ عنهم كل من فقد أحد أفراد عائلته داخل
أحد السجون خرجت وأنا أتمتم فى نفسى " نعم هم من
يقتلون المساجين .. هم من يجعلون منهم مجرمين .. هم من
يجعل منهم أعداء للمجتمع .. هم من يسخرون من حقوق
الإنسان بل هم من يسلبون الإنسان كرامته " نظر الشيمى
إلى وجهى مدققاً عند عودتنا إلى مكتب الخدمة لكنه لم
يسخر هذه المرة عندما إستوقفى أمامه قائلاً " إنت شكلك
كده عمرك ما قابلت القائد شهاب صح ؟ " رفعت عينى تجاه
وجهه قائلاً " نفسى أقابله ولو خمس دقائق " تابع الشيمى "
علشان كده .. بص يابنى .. القائد شهاب كان جنبى فى
الفرشة شهر .. كل ليلة كنا نسهر نتكلم ونحكى .. ومرة وأنا
بأشكى من البشر بكيت من الحرقة وأنا بأسأله هى الناس
بتعمل فى بعض كده ليه ؟ " قال " علشان الناس فى بلدنا
كلهم طيبين " فقلت " طيبين .. دول طيبين .. امال لو مش
طيبين كانوا عملوا فينا إيه ؟ " فقال " الشخص الطيب بيحكم
مشاعره في كل تصرفاته، بتحركه ويبنى عليها ردود أفعاله، ثم
يصدم بأخطاء البشر ويصطدم بعدم إعترافهم بالخطأ
ويتصادم بمفاهيم تبادل المصالح فى العلاقات فتترك تلك
الصددمات ندبات فى ذاكرته إلى أن يأتى يوماً يقنع فيه بأنه
يجب أن يعمل عقله بدلا من قلبه ليصبح واقعى مثلهم
فيتعامل مع من لا ذنب له مثلما عامله من إستغل طبيته
وأعمل عليه عقله بالماضى فخدعه .. كذلك هم البشر اليوم

يأخذونك بذنب من ظلمهم وخذل مشاعرهم قبلك فكن واقعي في فهم الأمور مثلما لن تعيد الحجر بعد إلقاءه ولن تعيد الزمن بعد مروره ولن تعيد الفرصة بعد ضياعها ولا تكن واقعي في فهم الحياة مثلما لن تعيد الشباب بعد رحيله ولن تعيد الصحة بعد زوالها ولن تعيد الحب بعد فقده وإلتمس للناس الأعذر قبل أن تصدر عليهم القرار " أنهى الشيمي كلمات القائد شهاب فذكرتني معانيها بما قرأت من قبل على جدار "الزنزانة 27"

الحلقة الثانية والثلاثون
كنت أسترجع كلمات القائد شهاب التي تحت على التسامح والعفو وإن حرضتنا قلوبنا على الإنتقام وإذا بصوت خليل يقطع إفكارى قائلاً " عارف أنا نفسى فى إيه ؟ نفسى يسلمونى السجن شهر واحد بس " نظرت إلى خليل متسائلاً عن ما يريد أن يفعل فأضاف " كنت عملت المخبرين دول عبره .. كنت علمتهم الأدب .. كنت طلعت على جنتهم اللى بيعملوه فى الناس ..كنت دوقتهم من نفس الكأس ..كنت عذبتهم بطريقة التحنيط أحياء ..زى تماثيل الشمع كده .. كل واحد فيهم يتحنط على الوضع اللى كان بيعمله .. اللى كان يهرب صابون أحنطه واقف وشايل كرتونة الصابون فى إيده واللى بيسرق الزيت بتاع المساجين أحنطه وهو شايل الزيت وهكذا .. مش بيقولوا الحرامى بشيلته .. أهو أنا بقى حأعمل كده وكل واحد يتحنط بشيلته وأعملهم مزار سياحى واللى داخل وخارج يناولهم بالقفا بالشالوط مافيش مانع ونصورهم فى التليفزيون بث مباشر على الهوا" قاطعت خليل متسائلاً " هل الكل يستحق هذا الإنتقام ؟ أجاب خليل قائلاً " كنت فاهم كده .. لكن القائد شهاب وضع لى إن التقدير الشامل يشوبه البعد عن الحقيقة وأن التعميم فى التقييم هو ناتج عن الإستسهال فى الحكم والكسل عن دراسة التفاصيل الدقيقة

لأن كل مجال به المصلح والمفسد بدليل أن المصلح هو من يكشف لنا عن وجود المفسد " زفر خليل بعمق سارحاً بخياله بعيداً ثم أضاف " الحقيقة إن وجود القائد شهاب معنا كان يخفف عنا كثير وكان يحول اليأس وطاقة الغضب والرغبة فى الإنتقام إلى سلوكيات إيجابية بمجرد الحديث معه مش عارف إزاي .. تلاقى نفسك بتفضفض وبتحكى له من غير ما يسألك وتحس إن كل كلمة بيقولها بترجعك إنسان لكن المشكلة إنه لما يببعد كل حاجه بترجع زى ماكانت .. تعرف مثلاً الحانوتى الفتوه ده أيام القائد شهاب كان بلطجى وبيأخذ إتاوه من العنبر قعد معاه ساعه زمن .. ثانى يوم لقينا الحانوتى بيعمل مشروع مطبخ فى العنبر وبيقلط طعميه وبيبيعها للمساجين ومهما سمع من تريقه كان يقول طالما بأكسب لقمتى بشرفى وبعرق جبينى مايفرقش معايا الكلام .. لكن بعد ترحيل القائد شهاب رجع الحانوتى للبلطجه تانى زى ما إنت شفت كده .. عندك سمير مثلاً .. كان بيشتغل فى شركة الكهرباء موظف من الموظفين اللى بيروحوا يمشوا ويمشوا وإتسجن فى قضية رشوه لأن المرتب طبعاً مش بيكفى البيت ولما إتسجن مراته طلبت الطلاق وخسر أولاده وما عرفش مراته راحت بيهم فين ولا حضرت زيارة واحدة .. جاله يأس من كل حاجه .. القائد شهاب لما عرف فى يومين خلاه رجع لأولاده ومراته بالتليفون وصحى جواه الأمل ثانى وخرج منه موهبه التعليق الإذاعى لأن صوته هايل الصراحة وكان بيدربه ويقعدنا كلنا نسمعه وهو بيقرأ وفعلاً عمل له إتفاق مع محطة إذاعة إنه لما يخرج يشتغل مضيع .. لكن بمجرد مغادرة القائد شهاب إكتئب سمير وإنطوى على نفسه ونادراً لما يكلم حد أو يضحك .. لكن الحق يتقال .. الشيمى هو الوحيد اللى فضل محافظ على روح الأمل فى قلبه ..أعتقد السبب إنه فضل على تواصل مع القائد شهاب بعد رحيله إلى سجن العقرب .. الحقيقة إن الشهر إالى قضاه

القائد شهاب معنا كان بيزرع فينا روح حلوة وأمل فى بكره
وسعادة غريبة فى عز الضيق .. عندك شريف مثلاً كان كل
اللى على لسانه هو الهجره من البلد ويأس من المجتمع
والناس .. دردش معاه وهما بيلعبوا شطرنج .. لقينا شريف
بعدها بيتكلم عن الوطنية وعن حب الوطن وعن دور الشباب
فى إصلاح المجتمع وعدم التخلّى عن دورهم والهروب من
المسئولية بالسفر والهجره .. أحكى لك إيه وإلا إيه .. ده غير
الناس اللى جوه العنبر لما تدخل بقى حاتلاقى الاستاذ أمين
اللى تحول إلى موسوعة للتاريخ المصرى بعد ما كان تاجر آثار
وتلاقى عمر تحول إلى مصلح إجتماعى بيحل مشاكل
المساجين بعد ما كان نصاب وتلاقى غزال قاعد بيقرأ بعد
ما كان جاهل لا بيقرأ ولا بيكتب وتلاقى كرم بيتمرن كمال
أجسام بعد ما كان فران والحاجه الوحيده اللى كان بيثيلها
هى شوال الدقيق .. ماتفهمش إزاي كان عنده قدره إنه يهذب
نفوس المجرمين ويزرع الحب بينهم ويعلمهم معنى العطاء ..
قدر يشغل كل واحد بأنه يسعى يسعد الثانى وخصوصا كبار
السن والغلابه كان البلطجى بيكلف نفسه برعايتهم ..
ماتفهمش بقى إستخسروا فينا النظافة فقرروا ترحيله وإلا هو
دوره كده إنه يلف على الخلق يصلح النفوس البايظه .. الله
أعلم .. تعرف يوم مغادرته .. مافيش حد فى العنبر نام .. كله
فضل صاحى علشان يسلم عليه ويودعه وشفت اليوم ده
كمية بكاء عمرى ماشفتها فى حياتى .. كل اللى يحضنه يبكى
بحرقه ولما جه دورى بكيت قبل ما أحضنه لقيت عينه
بتضحك وكأنه بيقول لى " زى ما إتفقنا .. شيل الغل من قلبك
وإتعلم تاخذ على قد حقك وإياك تجور على حق حد وإلا يبقوا
نجحوا يخلوك زيهم " .. دمعت عينا خليل الزرقاء حتى كدت
أضمه إلى صدرى فوجدته يستكمل وهو يمسح عيناه بيديه
ويسحب الشهيق بعمق قائلاً " والله ما نسيناه .. لكن إفتقدناه
" إنهمر الدمع كالشلال على وجه خليل وتسارعت أنفاسه

وتلعثمت كلماته وهو يضيف " لسه صوته بيرن فى ودانى وهو بيقول كلهم مساكين .. حتى المجرمين كان بيعتبرهم مساكين وبيعاملهم على إنهم مساكين " لمح خليل بطرف عينه إقتراب الشيمى فأسرع يخفى عيناه وهو يمسحهما بذراعيه ثم زين وجهه بإبتسامه وهو يضيف " بس ياسيدى ده كل اللى أعرفه عن القائد شهاب ربنا يفك سجنه وكربه " تدخل الشيمى ساخراً وهو يقول " آمين .. بس والله العظيم إنت كذاب .. والقائد شهاب برىء منك ومن كلامك .. ده إنت حرامى .. فى حد يصدق حرامى " نظر الشيمى تجاهى وهو يضيف " ده خاين أمانه .. إوع تصدق كلمة من كلامه .. روح بص على الملف بتاعه حاتلاقيه سارق صاحب الشغل اللى كان بيشتغل معاه " ثم نظر الشيمى نحو خليل الذى وقف باسمّاً وأضاف " طب عينى فى عينك كده .. حرامى وإلا مش حرامى ؟ " أجاب خليل بإبتسامه قائلاً " حرامى يابيه " وقف الشيمى أمام وجهى واضعاً ظهره تجاه خليل وأظهر بعضاً من الجديه على وجهه قائلاً " إذا كان ولا بد تكتب اللى قاله .. إكتب إنى قلت لك إنه حرامى وإن اللى فيه داء عمره مايبطله وإن ذيل الكلب ممكن يتقطع لكن عمره ما يتعدل .. اللهم بلغت اللهم فإشهد.. دى أمانه .. و إحنا عاوزين نوصل للناس الحقيقة فى رواية "الززانة 27"

الحلقة الثالثة والثلاثون

كانت ستائر الغروب تغطى السماء بالغيوم عندما أنهى الشيمى كلماته وخرج زكريا وشريف من مكتب الخدمة إستعداداً للدخول إلى العنبر بينما لمح زكريا بطرف عينه بقايا حديث يدور فأقترب منا قائلاً " يعنى مافيش فايدة فيكم " فأجاب الشيمى متلعثماً " ولا حاجة من اللى فى دماغك خالص .. ده إحنا كنا بنتكلم فى موضوع ثانى " تبسم زكريا قائلاً " هو إنتوا فاهمين إيه .. فاكرين إنى مش بأحب القائد

شهاب مثلاً .. بالعكس القائد شهاب له فى قلبى كل حب
وتقدير بشكل لا يوصف .. وإذا فاهمين إنى ماليش فى
السياسة ولا بأفهم فيها .. فأنا أكثر واحد نفسى البلد دى
تتصلح ونفسى القائد شهاب ينجح فى نشر أفكاره بين الناس
والبلد تتغير ونبقى دولة محترمة .. لكن طول ما إحنا أضعف
من الفساد يبقى لازم نعدى الموجه وإلا الطوفان يأخذنا
ويرمينا كلنا ورا الشمس .. تقدرنا تقولوا لى مع كل إحترامى
لكل اللى بتسجلوه وتكتبوه عن القائد شهاب نفسه مين وقف
معه لما إعتقلوه .. مين دافع عنه لما إتسجن .. إتظلم ؟
معاكم إنه إتظلم .. لكن مين اللى ظلمه وليه اللى إتظلم
علشانهم خذلوه ؟ علشان غلابه مايقدروش يقفوا ضد الظلم
.. وإحنا كمان غلابه .. لما يبقى الحق أقوى نبقى نحارب معه
فى صف الحق لكن طول ما الفساد أقوى بلاش تحاربوا
بسييف خشب .. حاقول ثانى ولآخر مرة لما تخرجوا إبقوا
إعملوا اللى إنتوا عاوزينه .. وإذا كنتم مصممين على الكلام
يبقى على الأقل بلاش وقفتم كده فى الحوش قدام الدنيا
كلها وإنت بالذات يا شيمى عارف إن فى عيون بتنقل كل
حاجة .. أضعف الإيمان أجلوا الكلام لما ندخل العنبر" إمتعض
وجه خليل وهو يشيح بيده منصرفاً وكأن زكريا قد أصابه
بسهم الخيانة بينما هز الشيمى رأسه موافقاً ثم أدخل ذراعه
فى ذراعى متوجهاً نحو العنبر قائلاً " بس يا عم فُرجت ..
طالما زكريا قال نحكى فى العنبر يبقى أخذنا تصریح رسمى
بالرغى .. تعالى بقى ندخل نأكل لقمه وبعدين أبقى آكل
دماغك وأحكى لك على أفكار القائد شهاب .. وما أن وضعت
إحدى قدمائى داخل العنبر حتى أخذنى الشيمى محلّقاً بى فى
كل مكان وكأننى فى جولة سياحية و قدمنى إلى كل من
يلتقيه بأننى المسير الجديد والقائم على تنظيم زيارات
المساجين معه وكأنه يعلن لكل من تسول له نفسه إفتراس
الوارد الجديد بأنه تحت الحماية وسرعان ماتناولنا طعام الغذاء

الذى إتضح أن سمير هو الذى قام بإعداده لنا خلال فترات غيابه عن المكتب ثم أعد الشيمى لى موضعاً لفراشى بجواره و جلس مستنداً بظهره على الجدار وهو ينظر تجاهى قائلاً "سبحان الله .. نفس القعدة .. كان هو بيقعد مكانك هنا.. إستنى .. شايف دى ؟" أخرج الشيمى من داخل حقيبته صورة صغيرة ومد بها يده نحوى قائلاً " ده بقى ياسيدى القائد شهاب .. ومالك عليا يمين يابنى أنا كل ما أتضايق أطلع الصورة دى وأقعد أبص فيها" تبسمت فأضاف الشيمى " أنا فعلاً بأعز الراجل ده وبأدعيه ربنا ينصره ويثبته لأنه قلبه نظيف ويحب مصر بجد ويحب ناس مصر بجد.. إيه ياعم إنت مالك غارز فى الصورة كده ليه كأنك حاتأكلها.. فى إيه؟" تبسمت مرة أخرى قائلاً "أصل دى أول مرة أشوف له صورة " فأضاف الشيمى " معقول بتكتب رواية عنه وعمرك ما شفت صفحته على الفيس بوك ؟" وقعت كلمة فيس بوك على عقلى وقع الصاعقة بينما مد الشيمى يده داخل حقيبته مرة أخرى وأخرج هاتفه المحمول ثم أخذ يعبث بأصابعه سريعاً وتوقف عند شيئاً ما ثم إقترب منى قائلاً " إسمع ياسيدى .. فى عام 1996 وعلى جبال الألب فى سويسرا هبطت بى الطائرة الهيلكوبتر مع فريق القفز السويسرى الذى نزلت ضيفاً عليه للمشاركة فى قفزة إحتفالية من فوق جبال الألب وحينما هبطت بنا الطائرة فى موضع ما أعلى سلسلة جبال الألب بدأنا فى تجهيز منطقة القفز بالمظلات وبعدما أتممت تجهيز مظلتى للقفز طلب منى قائد القفز السويسرى رخصة القفز الحر الخاصة بى فأعطيته سجل القفز المصرى المعتمد الخاص بى فإذا به يشير لى بالرفض ويقرر منعى من القفز حيث أننى أحمل رخصة للقفز من الطائرات فقط ولا أحمل رخصة للقفز من الجبال وأصدر أوامره إلى قائد الطائرة بإعادتى إلى القاعدة.. جاهدت فى مناقشة قائد القفز مرة أخرى وعلمت أثناء المناقشة أنه يهودى العقيدة فإنتابنى

الشك فى أنه يضطهد عروبتى وديانتى بشكل أو بآخر لذا
يصر على عدم إتمامى للقفز من الجبل ورفضه التفاهم فى
ذلك نهائياً..بالفعل إرتفعت الطائرة عائدة بى إلى القاعدة وبدأ
عقلى يستعد لصياغة التقرير الذى سأقدمه ضد قائد القفز
ولكن مصريتى التى تأبى الفشل ألهمتنى فكرة أخرى
فتوجهت إلى قائد الطائرة وسألته إذا كان من الممكن أن أقفز
من الطائرة بعد الإرتفاع فأجاب بأنه لا يمانع بشرط أن أهبط
فى نفس منطقة هبوط الفريق السويسرى وكان هذا الشرط
بالنسبة لى "عز الطلب" فأعطيت إشارة القفز للطيار فأكدتها
لى فقفزت إلى سماء سويسرا ماراً بجانب الجبال الشاهقة
أسبح فى الهواء وأسبح الله وقدرته عز وجل فى ما خلق
وأحمده على فضله ونصره .. وكانت لحظة الإنتصار عندما
وجدنى قائد القفز أهبط فوق رأسه المشتعل غضباً ووجهه
المحترق حزناً وأسمعته بصوت مرتفع " إن تنصروا الله
ينصركم ويثبت أقدامكم " أنهى الشيمى القراءة ثم نظر نحوى
قائلاً "إيه رأيك ؟ ده بنى آدم وطنه بيجرى فى دمه وبيحب
بلده وإلا إيه ؟" قاطعت الشيمى قائلاً " مش ده المهم ..
المهم الآيه ..إيه حكاية الآيه دى ؟ هى نفسها الآيه اللى لقيتها
مكتوبة فى "الزنانة 27"

الحلقة الرابعة والثلاثون

كنت فى حالة من التركيز الكامل أتابع الشيمى وهو يمر
بأصابعه سريعاً على ما دونه القائد شهاب على الفيس بوك
إلى أن وجدته فجأة يدس الهاتف أسفل حقيبته وينهض
مسرعاً نحو أحد الأشخاص ليمسك بذراعه ويساعده على
النهوض ثم يعود بصحبته ويقدمه لى قائلاً " سلم على عمك
نسر " إستويت فى جلستى ومددت يدى مصافحاً وما أن
جلس حتى بدأ الشيمى حديثه قائلاً " بص يا عم نسر .. الأخ
عادل بيعمل كتاب عن المساجين إذا حبيت تتكلم معاه شوية

عن حياتك وعن توبتك .. لكن لو مش عاوز خلاص " لم يقاطع
النسر حديث الشيمى لكنه تبسم ثم أردف " توبتى ؟.. مين
اللى قال لك إنى توبت .. إنت عاوز تبوظ سمعتى ياعم
شيمى وإلا إيه ؟" ضحك الشيمى بصوت مرتفع ثم وضع
يديه على فخذي عم نسر قائلاً " حتى لو ما كنتش توبت
ياشقى برضه إحكى لنا عن إجرامك يامجرم يا خلبوص " نظر
النسر نحوى قائلاً " طيب حاتكتب إسمى إيه فى الكتاب
ياسيدنا البيه ؟" أجبته قائلاً " زى ماتحب " إنتفض النسر من
مجلسه وهو يخلع سترته ويستدر بظهره قائلاً " أنا بأحب ده "
أظهر بإستدارته وشم كبير يملأ ظهره كله على هيئة نسر
ضخم فى حالة إنقضاض على فريسته .. كان الوشم حاداً
صريحاً لا يبدو أنه من صنع مسجون آخر بل كان من صنع أحد
محترفى صناعة الوشم فسألته " مش ممكن يكون ده
معمول فى السجن ياعم نسر ده شغل محترفين " إرتدى نسر
سترته وهو يتابع بقوله " باين عليك بتفهم يا حضرة .. الوشم
ده معمول بره .. بره مصر.. إالى قاعد قدامك ده كان أحد
أعضاء المافيا.. تجارة سلاح .. آثار .. مخدرات .. وكله بعلم
أسيادنا .. كان عندى يخوت وسفن وأراضى وأملاك وحسابات
فى البنوك هنا وبره .. ولما أسيادنا قلبوا علينا .. إتقلبت الدنيا
وإتصادرت فلوسنا وإتحبسنا .. وفى الحبس خلصت فلوسى
وخرجت لقيت لا فلوس ولا عيال .. لقيت ذل بعيد عن
السامعين .. كنت متجوز إثنين وغدروا لما إتسجنت وأخذوا
الفلوس وقسموا مالى مع إخواتى وعيالى والمحامى بتاعى
وإستخرجوا لى شهادة صحية بالجنون وهيمنوا على
ممتلكاتى .. المال الحرام سمم عقولهم .. تعرف سكنت فى
لما خرجت .. عارف الأوضه الصغيرة بتاعة الكهرباء اللى
بيبقى فيها الكابلات والمولدات .. بقيت أنام فيها وأصحى
الصبح أدور على حد يساعدى .. لما المال بيروح الناس كمان
بتروح يا سيدنا ومافيش حد بيعبرك .. جوعت وإتعريت وبقيت

زى المخابيل إالى بيمشوا فى الشارع .. والناس بقت تبعد
عنى وهى ماشية كأنهم خايفين من الجرب بعيد عنك ..
حلفت من يومها آخذ حقى من كل الناس .. وأولهم أهلى ..
جنون بجنون ولعت فى بيت طليقتى .. وقالوا ماتت هى
وجوزها النيابة كشفت إنى مش مجنون وإتسجنت ثانى .. لكن
المره دى فى الحبس كنت غلبان لا معايا فلوس ولا معايا
سند.. بس إتعلمت الإجرام اللى على حق .. وخرجت على
بيتى الجديد فى المعادى .. أوضة الكهرباء برضه .. لكن الحق
يتقال روقتها.. مرتبة وبطانية ومروحة وكسرت القفل بتاعهم
وعملت قفل بمفتاح من بره وترباس من جوه وبقيت أدخل
وأخرج على مزاجى وكانت الناس بتشوفنى راجل كبير وغلبان
بيساعدونى ومش يبيلغوا عنى لحد ما عملت إيتاوة على
سكان الشارع اللى رايح واللى جاى واللى بيركن عربيتة .. كان
حى راقى والسكان ناس مالهاش فى قلة الأدب وبيخافوا من
المشاكل.. وفى يوم كنت سكران وكان الجو برد والليل غبى ..
لقيت واحدة ماشية مع جوزها.. بس عجبتنى أوى .. مشيت
وراهم وعرفت بيتهم ونزلت على البلكونة من السطح
وهجمت عليهم زى النسر .. هددت الراجل بالسلاح وغزيتة
غزة صغيرة فى جنبه و ربطته .. وحصل اللى حصل .. الراجل
يظهر مابلغش عن اللى حصل وعزّل من المنطقة وعَدّت ..
إستحليت الحكاية .. ورجعت أتاخر فى المخدرات قطاعى ..
شغلت عيال سريحه يوزعوا .. وبقيت طول النهار أشتري وأبيع
فى مخدرات وأرجع بالليل أسكر و أستنى فريسة راجعه
لوحدها أخطفها جوه الأوضه لغاية الفجر .. أو ألقى واحد راجع
لوحده أثبته وآخذ فلوسه .. وفى مرة من حظى الإسود عربية
ركنت جنب باب الأوضه .. واحد ومعاها واحدة شمال .. هجمت
عليهم .. طلع باشا كبير .. وخبطنى قضية مخدرات كده كلها
كام شهر وأخرج أدور عليه .. وقال الشيمى بيقولك تاب قال ..
أتوب من إيه وإلا من إيه .. إالى زي حالاتى ماينفعش يتوب

وينصلح حاله و يعيش وسط مجتمع .. إالى زى حالاتى علاجه
ينضرب بالنار علشان الناس تعرف تعيش " قاطعه الشيمى
قائلاً " لا ياعم نسر ماتقولش كده .. إنت دلوقت بقيت واحد
ثانى .. ماشاء الله عليك بتصلى الفرض بوقته ومش بتسيب
صلاة " تابع النسر قائلاً " تصدق وتؤمن بالله .. أنا مش
حاسس إن ربنا ممكن يقبل توبتى .. ولولا إنى وعدت الراجل
الطيب الله يكرمه القائد شهاب إنى أحاول ما كنت صليت ولا
إتوضيت أصلاً " قاطعت النسر قائلاً " قال لك إيه ووعدته بإيه
ياعم نسر " نظر النسر نحوى وهمس بصوت منخفض " قال
لى زى ما الجنه درجات .. النار كمان درجات وعلى الأقل حاول
ما تبقاش فى أبشع درجات النار وأنا وعدته أحاول "
إسترسلت قائلاً " بس ربنا بيغفر يعنى ممكن تدخل الجنه "
أضاف النسر " لو كان قال لى إعمل علشان تدخل الجنه ما
كنتنتش صدقته ولا صليت أصلاً لأنى يائس من رحمة ربنا ولو
أنا اللى بأحكم على نفسى كنت حكمت بالنار .. لكن فعلاً
نفسى أخفف عن نفسى العذاب " قاطعت النسر قائلاً " طيب
لما تخرج ياعم نسر ناوى تعمل إيه " أجاب النسر مبتسماً "
حأعمل زى ماكنت بأعمل طبعاً " أرجعت رأسى للخلف
مستنداً على الجدار متمتماً " يانهار إسود " إسترسل النسر
قائلاً " بعد اللى سمعته منى ده يابيه تقدر تأمنى على أهل
بيتك؟ " لم أجب بينما تابع النسر قوله " طبعاً لا .. نفس
الحكاية حأخرج للأسفلت ألقى كل الناس بتبعد عنى ..
ومعاهم حق .. يابيه إحنا هنا عاملين زى اللى عايشين فى
حديقة الحيوان فىنا القط وفينا الأسد وفينا النسر .. القط إالى
زى حالاتك حأخرج يلقى حد يطبب عليه .. لكن الأسد اللى
زى القائد شهاب لما يخرج مش حأعرفوا يروضوه ولو يئسوا
منه حأضربوه بالنار .. أما النسر بقى اللى زى حالاتى لا ينفع
حد يطبب عليه ولا ينفع حد يضربه بالنار .. وحا يفضل
يسرق و يخطف لحد ما أمر ربك يكون " إستأذن النسر قائماً

وختم كلامه بقوله " إكتب فى الرواية للناس إياكم تصدقوا حد عامل غلبان وإعرفوا إن الغلبان أغلب من إنه يقول لكم حتي إنه غلبان زوروا الغلابة فى بيوتهم وإياكم تصدقوا كذاب وتقولوا خليك مع الكذاب لحد باب الدار لأنه كذاب و مافيش دار أصلاً وإياكم تعطفوا على حد ما يستاهلش العطف لأن أول إيد حايعضها هى الإيد إالى عطفت عليه وإتمدت له .. قول للناس إن الشر مايباخدش أجازة " إنصرف النسر بينما وضع الشيمى وجه أمام وجهى قائلاً " إلا قول لى يا عادل هو ينفع البلاوى اللى حكاها دى تنتشر فى "الزنانة 27"

الحلقة الخامسة والثلاثون

كانت عيناي مازالت تتابع عم نسر خلال مغادرته بينما فاجئنى الشيمى قائلاً " إنت طبعاً زمانك بتسأل نفسك هو معقول فى ناس جواهرهم كل الشر ده فى الدنيا.. وأكيدبرضه بتسأل إزاي القائد شهاب عاش هنا بين الناس دى وإزاي كان بيقدر يقنعهم بالخير .. بص أنا مش حارد عليك بكلامى أنا حارد عليك بكلام القائد شهاب نفسه .. بص هنا مثلاً بيقول إيه " أخرج الشيمى هاتفه المحمول مرة اخرى وأخذ يبحث عن شيئاً يعرف موضعه ثم إقترب نحوى وهو يقرأ " جلست أسترجع مالاقيته من بعض الناس متمثلاً فى نكران الجميل .. جلست أحاسب نفسى لما لم أضع قَدْرُ لغدر البشر و لما لم أتوقع شراً ممن قدمت لهم خيراً و لما يكون جزاء الإحسان غير الإحسان من بنى الإنسان .. وإذا بعجوز يدخل من باب مكتبى يتعكز على عصا تبحث عن قدمين يتبعانها بصعوبة بالغة فنهضت لإستقباله بلباقة الباحثين عن ثواب الآخرة وأصررت على ضيافته بكوب من الشاي وعندما بدأ فى حديثه إنتقلت للجلوس بجانبه فقال " فى واحدة ست ولادها كلهم ماتوا فى حادثة عربية وجوزها مابيقدرش يشتغل " أومات برأسى موافقاً ويدي تتحس ماتبقى فى جيبى من نقود بينما هو يستكمل

قائلاً "الست دى من سنتين أخذت من حضرتك تكلفة فرش خضار عملته وكانت بتصرف منه على نفسها وعلى جوزها العجوز .. ربنا يابنى يكفيك شر الدنيا الست دى زمان كان جوزها عنده شركة وفتح بيوت ناس وكانت بتسافر السعودية كل سنة للحج وفى يوم حصلت حادثة عربية لأولادها الثلاثة مع بعض ولدين ماتوا وكانوا لسه فى الجامعة والصغير إحتاج عمليات بره مصر إتصرف فيها كل اللى كانوا يملكوه وبرضه مات وإضطرت الست تسأل الناس مساعده علشان تصرف على العبد لله اللى قاعد قدامك ده .. وربنا أكرمها بحضرتك عملت لها شغل وكرامة الله يكرمك " قاطعته وعينى تقاوم الدمع " ربنا اللى عمل يا حاج مش أنا وهى الحقيقة بسم ماشاء الله عليها بمليون راجل ومن ساعتها ماعرفتش عنها حاجه " قاطعنى قائلاً " خلاص يابنى الحاجة هى كمان ماتت .. أنا جيت علشان أبارك لك إن عملك طلع للسما معاها وإنها كانت بتدعيلك فى كل فجر إن ربنا يحفظك من تقلب الحال وغلبة الدين " أنهى العجوز كلماته ثم نهض منتشياً ليغادر فأسرعت بمصاحبته وإنتزعت منه وعداً بأن يعود لزيارتى فى أى وقت شاء ثم تركنى شارداً متعجباً من إشارات القدر التى تأتى دوماً فى موعدها لتجعل فاعل الخير غير نادماً على ما قدم من خير لأحد لذا لا تنتظر من البشر رد الجميل بل قدم الخيرات إلى الله منزهة عن كل شىء " أنهى الشيمى قراءة الكلمات ثم نظر تجاهى قائلاً " فهمت .. القائد شهاب بنى آدم عادى بيزعل ويبغضب من الناس برضه زينا لكن حب الخير عنده أقوى من دوافع الغضب لأنه بيوهب عمله لله بجد قبل ما يعمله ويحكم على نفسه أن لا يرد له ولا بمجرد كلمة شكر لأن العامل اللى بيعمل حاجة بينتظر الأجر من اللى عملها له واللى بيعمل لله بينتظر الأجر من الله " دفس الشيمى هاتفه المحمول مرة أخرى داخل حقيبته ثم نظر

نحوى قائلاً " قول لى بقى إنت إيه آخر حاجة كتبتها فى رواية
"الزنانة 27"

الحلقة السادسة والثلاثون
كنت فى دهشة من ما قرأ الشيمى من بعض كلمات القائد
شهاب بينما كنت أود أن ألقى ما أحمله على كاهلى من
مسئولية لا أعلم من الذى كلفنى بحملها فوجدت نفسى أخرج
كل ما أملكه من أوراق وأضعها بين يدي الشيمى قائلاً " غالى
والطلب رخيص .. الرواية كلها بين إيديك .. كمل بقى ربنا
معاك .. أنا لحد هنا وسلمت الأمانه " انفجر الشيمى بالضحك
قائلاً " أنا بأقول إقرأ لى كتبت إيه مش بأقول لك دبسنى
شكراً " إرتكنت برأسى قائلاً " اللى نفسى أفهمه .. ليه القائد
شهاب تابع نفسه بالناس ومشاكل الناس فى الوقت اللى
هو نفسه مش بيعانى معاهم ولا زيهم .. بالبلدى كده .. هو
ماله ومال الناس الغلابه " وضع الشيمى يده على كتفى
قائلاً " إنت تعبت يا عادل .. صح ؟ " تابعت " تعبت دى شوية
.. أنا كل كلمة بأكتبها بأبقى حامل همها وكل ما أفكر إن لسه
فى مراجعة وطباعة ونشر ودور نشر بأقول فى نفسى أنا كان
مالى ومال ده كله .. وبعد ده كله يا عالم حا يسيبوها تنتشر
وإلا لأ ؟ وإذا إنتشرت يا عالم الناس حاتقرأ .. ويا عالم الناس
اللى حاتقرأ حاتفهم ؟ تصدق وتؤمن بالله .. أنا كل يوم بأفكر
أولع فى الورق ده ولا مين شاف ولا مين درى " إنتفض
الشيمى قائلاً " وإنت فاهم إنك لو ولعت فى الورق ده
خلاص كده الرسالة مش حاتوصل للناس ؟ بيتهيا لك .. كل ما
فى الموضوع إن ربنا حا يستبدلك بواحد غيرك يوصل الرسالة
علشان الناس تفوق .. عارف القائد شهاب مرة وهو قاعد
مكانك كده سألته " هو فى أمل إن البلد دى ينصلح حالها بعد
كل اللى بيحصل فيها ده " تعرف قال إيه .. قال " العيب مش
فى البلد .. والعيب مش فى الناس .. من حق كل إنسان يكون

عنده أمل ويكون عنده هدف .. لكن العيب إن يكون فى مسئول بيتاجر بآمال الناس .. العيب إن يكون فى مسئوليين بيطمعوا الناس فى تحقيق أوهام .. العيب إنهم يعشموا الناس بأحلام عمرهم مايطولوها .. الناس طبيعى تدور على مصلحتها و تمشى ورا مصلحتها .. لكن دور المسئولين إنهم ينظموا طرق الوصول للهدف .. جرب ترسم فى ورقة عشرة أشخاص وترسم لكل واحد هدفه فى مكان مختلف وتأمّر الجميع بالإنتلاق كل منهم نحو هدفه .. تخيل كم التضارب والتلاطم بين الخطوط .. علشان كده الناس بتدهس بعضها فى سبيل مصالحها ودور المسئولين توحيد الهدف.. وتنظيم الأهداف الفرعية من حيث الإتجاه والفكر والمفهوم .. ثم توحيد الطاقة لتصبح محصلة جهد الجميع .. والأهم هو الحذر من فقد الوحدة لأن فى كل مره ينقسم فيها الشعب المصري يكون المصير إلى الإحتلال الخارجي الذي لا يخرج منها إلا بعد توحيد صفوف الشعب مرة أخرى .. مد الشيمى يده أسفل حقيبته ليخرج هاتفه قائلاً " إسمع ياسيدى القائد شهاب قال إيه فى الحته دى " ثم بدأ يقرأ "مقارنة بما يحدث نجد أن فى مثل هذا التاريخ منذ مائة عام شهدت مصر أحداث عنف تفصيلاً وإجمالاً مشابهة لما يحدث الآن .. ولكننا لا نعرف لأننا لم نقرأ التاريخ فما نشهده الآن من إنقسام بين صفوف الشعب الواحد من مؤيد ومعارض قد يؤدى إلى تفكك تكوينها وإنفصال هويات الشعب بينما يتابعها العالم متربصاً بفريسته لأنه يعلم أن الوضع القائم إذا إستمر كما هو فمن المؤكد أن مصير هذه الدوله إلى الإحتلال ويأمل كل تكوين أن تكون لدولته نصيباً من كنوزها فالعالم يعرف تاريخنا ويدرك أن التاريخ يعيد نفسه ويعرف أن فى بداية القرن الثامن عشر شهدت مصر إنشقاق بين مؤيد للمماليك و معارض وأدى الإنقسام إلى الإحتلال من "فرنسا", ولم ينتهي هذا الإحتلال إلا بالتوحد خلف "الألبانى" محمد علي كما يعرف العالم أن فى

منتصف القرن الثامن عشر إنقسم الشعب المصري مرة أخرى وبدأت أحداث العنف والقتل بين صفوف الشعب من أجل الحصول على سلطة الحكم فكانت النتيجة إحتلالها من "إنجلترا" وعلى النقيض يقوى الشع عند التوحد مثلما حدث بالتوحد خلف عرابي, ثم خلف سعد زغلول ثم خلف عبد الناصر ثم خلف السادات من أجل هدف قومى واحد يسعى إليه الجميع هو النصر وما أن إنتهى الهدف أصبح لكل فرد هدفه الخاص الذى يسعى من أجله ويلهث وراءه دون أن يكثر لأهداف الآخرين وإن كانوا من أفراد أسرته " أنهى الشيمى القراءة قائلاً " ده كان الرد على سؤالك وأظن كده عرفت ليه القائد شهاب تاعب نفسه وأظن مش كثير إنك تساهم فى نقل الرسالة للناس " قاطعت الشيمى قائلاً "يعنى برضه مافيش فايده وأنا إالى حاكم كتابه " الزنانه "27"

الحلقة السابعة والثلاثون

كانت إبتسامة الشيمى وهو يمد يده نحوى بهاتفه المحمول تحمل الكثير من المعانى وكان أهمها على الإطلاق أن يصبح بإمكانى متابعة صفحة القائد شهاب وقراءة المزيد من أقواله بما يخدم الرواية وما أن بدأت أصابعى تعبت حتى أخذنى التفكير أن أرسل رسالة إلى حسابة الشخصى وبينما عيناى تقرأ كل ما سطر ونشر على صفحته وإذا بى إخرج رسالة مختصرة موجهة إلى القائد شهاب .. وفى أقل من لحظات كانت رسالة الرد تدق الهاتف وإذا بالشيمى ينتفض من جلسته وهو يمسك بالهاتف قائلاً " يخرب بيتك .. بتبعته إيه وبتبعته لمين .. حاتودينا فى داهيه " أطال الشيمى نظرتة على شاشة الهاتف بينما إرتسمت إبتسامة خفيفة على شفثيه وبدأت أصابعه تعمل على الحروف وكأنما قد وجد

ضالته حتى ظننت أنه لا يشعر بوجودى بل يكاد لا يشعر بأحد من حولنا ثم مال نحوى مقترباً وهو يضغط على المحادثة المرئية قائلاً " مش شايفك يا قائد .. المهم إنت لو سامعنى أو شايفنى .. ده عادل اللي قلت لك عليه وهو معانا هنا وكله تمام وزى الفل " جاء صوت القائد شهاب دافئاً " سمعت عنك كل خير يا عادل شد حيلك ربنا معاك .. من فضلك بكره يا شيمى تقدم لعادل طلب نقل إلى سجن العقرب " إرتفع صوت الشيمى قائلاً " حاضر يا قائد إعتبره عندك .. المهم طمنى عليك إنت كويس بخير " عاد صوت القائد شهاب مرة أخرى " نحمد اللى على كل حال .. حافظ على الورق اللى مع عادل من التفتيش وبلغ سلامى لكل الناس " أنهى القائد شهاب كلماته وأنهى الشيمى تحياته ثم وضع قبلة عميقة على خدى قائلاً " ينصر دينك يا أخى .. عارف أنا من قد إيه مستنى أكلمه أو أعرف حسابه الحقيقى والنعمة إنت فيك شىء لله " إنتفض الشيمى مسرعاً نحو زكريا بينما أخذت أصابعى تعيد قراءة الرسائل مرة أخرى فكانت رسالتى الأولى " السلام على من ذاق الظلم " وكان الرد " وعليكم سلام من حرم الظلم على نفسه " وتوالت الرسائل سريعاً بين الشيمى والقائد شهاب بدأها الشيمى بقوله " فى حاجة سايبها معاك تقدر تقولى إيه هى " الرد " صور أولادك ربنا يبارك لك فيهم ويحفظهم " الشيمى " حبيبى يا قائد .. واحشنى كثير " الرد " غريبة إنك تبعت الأول وبعدين تتأكد " الشيمى " الحقيقة مش أنا إللى بعت ده صحفى معانا هنا إسمه عادل الشريف .. كان بالصدفة فى الزنزانة اللى كنت فيها ولقى اللوحة اللى فيها كلامك ويعمل رواية عن الموضوع وكتب منها جزء كبير .. كان معاه موبيلى بيقراً منشوراتك على صفحتك وبعث لك الرسالة .. ولد كويس ونفسه يتكلم معاك .. ممكن نجرب مكالمة فيديو وإلا إيه رأيك " الرد " مافيش مشكلة " إنتهت

المحادثة المرئية التي إكتشفت فجأة أننى لم أنطق بحرف واحد فيها ولا أدري إن كان القائد شهاب قد شاهد وجهى أم لا بينما كان لتلك الكلمات الموجزه وقع السحر على الشيمى وزكريا حيث وقف زكريا موجهاً كلماته للجميع قائلاً " إصحى معايا العنبر .. القائد شهاب كويس وبخير وباعت لكم تحياته وسلامه " وما أن أنهى زكريا كلماته حتى إرتفعت الأصوات المتداخلة لم أتبين منها إلا بعضاً من دعاء أن ينصره الله ويفرج كربه وبعضاً من التهليل بالفرحة وما أن راح خيالى يداعبنى بتساؤلات عن ما يحدث من مبالغة تصل إلى حد اللا تصديق وإذا بالشيمى يقفز مرة أخرى ويميل على أذنى قائلاً " شايف .. لما ربنا بيحب حد بيحب فيه خلقه " نظرت إلى الشيمى وعيناي تحملان سؤالاً وإذا به يرد دون أن أنطق " مافيش حد بينافق شخص مش موجود .. الهيصه دى حب بجد .. تعرف ليه .. لأنه بيحب الناس من قلبه بجد .. صحيح بيواجه كل واحد بعيوبه ودى حاجة ثقيله على النفس لكن النقد من منظور يابخت من بكانى وبكى الناس معايا ولا ضحكى وضحك الناس عليا .. نقده الصريح لأن المقصد منه هو الإصلاح واللى يطلب الإصلاح أكيد بيحب اللى عاوزهم ينصلحوا .. علشان كده روايتك مثلاً بكل النقد اللى فيها حاتكشف فينا عيوب كثير لكن بهدف الإصلاح علشان كلنا بنحب البلد .. مش عاوزين كل واحد يعتقل داخل مصلحته وتبقي البلد كلها " الزنائة 27 "